



№ 61

საქართველოს პარლამენტი.

სტენოგრაფიული ანგარიში.

61 სსდმგა.

პარასკევი, ნოემბრის 15, 1918 წ. ტფილისი. სასახლე.

თავმჯდომარეობს საქართველოს პარლამენტის თავმჯდომარე ნიკოლოზ ხეიძე.

მდივნობს საქართველოს პარლამენტის მდივანი დავით ანიაშვილი.

პრეზიდიუმში არიან პარლამენტის თავმჯდომარის ამხანაგი იესე ბარათაშვილი და მდივნის ამხანაგი იოსებ აბაკელია.

კრება იწყება ნაშუადღევს 12 საათსა და 25 წუთზე.

თავმჯდომარე. კრება გახსნილი გახლავთ. გთხოვთ მოისმინოთ დღიური წესრიგი.

მდივანი. (კითხულობს) სოც.-რევოლ. ფრაქციის განცხადება.

1. აგრარულ კომისიაში ნაცვლად კ. ჯავრიშვილისა და მუშათა კომისიაში ვ. ბარბაქაძის მაგივრად იგზავნება მიხეილ ჭანიშვილი.

2. საფინანსო-საბიუჯეტო კომისიაში ი. ვარაზაშვილის მაგიერ და სამანდატო კომისიაში ნაცვლად ი. ჩერქეზიშვილისა—ილია თევზაძე.

3. ადგილობრივ მმართველობის, თვითმმართველობის და საკონსტიტუციო კომისიებში ნაცვლად ივ. ჩერქეზიშვილისა—მარიამ ჩხეიძის ასული.

4. განათლების კომისიაში ნაცვლად მ. ფაჩუაშვილისა ნ. ჩიგოვიძე.

მდივანი (კითხულობს) ამით გვაქვს პატივი ვაუწყოთ პარლამენტის პრეზიდიუმს, რომ პარლამენტის წევრად ნაცვლად ივ. ჩერქეზიშვილისა კანდიდატთა სიიდან დაინიშნა მარიამ ჩხეიძის ასული.

სოც.-რევ. ფრაქციის თავმჯდომარე იოსებ გობერიია.

მდივანი კითხულობს აგრეთვე ივ. ჩერქეზიშვილის თხოვნას პარლამენტის წევრობიდან გადადგომის შესახებ.


კომისიებში გადასაცემი კანონ-პროექტი.

მდივანი (კითხულობს) 1. მიწათ-მოქმედების მინისტრის კანონ-პროექტი შავი ქვის მრეწველთა საზოგადოებისთვის ადგილების შესყიდვის ნებართვის შესახებ.

გადაეცეს აგრარულ და იურიდიულ კომისიას.

დღიური წესრიგი.

მდივანი (კითხულობს) 1. საბოლოო ტექსტი საადგილ-მამულო რეფორმისათვის სტატისტიკის შედგენის კანონისა.





მომხსენებელია პარლამენტის წევრი შალვა ამირეჯიბი.

2. კანონ-პროექტი გადასახადების აკრეფისა.

მომხსენებელია პარლამენტის წევრი პეტრე ქავთარაძე.

3. კანონ-პროექტი გადასახადთა ინსპექციის ორგანიზაციის შესახებ.

მომხსენებელია პარლამენტის წევრი პეტრე ქავთარაძე.

4. კანონ-პროექტი სააქციზო უწყების ორგანიზაციის შესახებ.

მომხსენებელია პარლამენტის წევრი პეტრე ქავთარაძე.

5. კანონ-პროექტი გურიის უმაღლეს პირველდაწყებითი სასწავლებლისათვის ერთ დროულ დახმარების შესახებ.

მომხსენებელია პარლამენტის წევრი ნოე ცინცაძე.

6. კანონ-პროექტი 200 მილიონ მანეთის ბონის ხელ-ახლად გამოცემის მომხსენებელია პარლამენტის წევრი ნოე ცინცაძე.

7. შეკითხვა დამოუკიდებელ ეროვნულ-დემოკრატიულ ფრაქციისა მთავრობისა და სახელმწიფო კონტროლიორისადმი 30 მილ. მანეთის სალიკვიდაციო ფონდის შესახებ.

8. შეკითხვა პარლამენტის წევრთა ნ. თარხანოვისა და ლეონ თუმანიშვილის იუსტიციის და შინაგან საქმეთა მინისტრებისადმი სასამართლოს განუსჯელად პოლიტიკურ პატიმართა ბუღუ მდივანისა და სხვ. სატულალოში უბრალოდ მწყვდევის შესახებ.

9. შეკითხვა პარლამენტის წევრის დავითხანიანის შინაგან საქმეთა და სამხედრო მინისტრებისადმი საქართველოს რესპუბლიკის სამხედრო საიდუმლოების გამოქვეყნების საწინააღმდეგო ზომების შესახებ.

პარლამენტი უცვლელად ამტკიცებს დღიურ წესრიგს.

თავმჯდომარე. დღევანდელ წესრიგში, მე-6-ე მუხლი გახლავთ შეტანილი, რომელიც გუშინ არ იყო. ამას ძალიან მოითხოვს მთავრობა და ამიტომ ჩვენ ეს მუხლი შევიტანეთ დღევანდელ წესრიგში. როდესაც გადავალთ ამ მუხლის შესახებ მსჯელობაზე, შეიძლება სხვა და სხვა ფრაქციებმა სხვა და სხვა აზრი გამოსთქვან. ჩვენ კი საჭიროდ დავინახეთ ეს მუხლი შეგვეტანა, რადგანაც მთავრობა ძალიან მოითხოვდა ამას, და ძალიან საჭიროდაც მიაჩნია.

სიტყვა ეკუთვნის პარლამენტის წევრს შ. ამირეჯიბს.

საბოლოო ტექსტი საადგილ-მამულო რეფორმის სტატისტიკის შედეგის კანონისა.

შალვა ამირეჯიბი. ბატონებო. მე გთხოვთ მომცეთ ნება, რომ პირდაპირ ის ტექსტი წავიკითხო მხოლოდ, რომელიც სარედაქციო კომისიამ შეიმუშავა (აჩვენებს პარლამენტს ტექსტს). ეს გახლავთ ძველი ტექსტი, მიღებული პარლამენტის მიერ. აქედან დაინახავთ, თუ რამდენი ცვლილება არის შეტანილი. ყოვლად შეუძლებელია შედარებითი კითხვა, რადგან თითქმის ყველა სიტყვა არის გამოცვლილი; მაგრამ ჩვენ ეს ცვლილება მოვახდინეთ მიწათ-მოქმედების მინისტრის თანაშემწის თანდასწრებით, ამიტომ დედა აზრი დაცული არის. ეს გახლავთ საბოლოო ტექსტი საადგილ-მამულო რეფორმისათვის სტატისტიკის შედეგის კანონისა. ჯერ წავიკითხავ ხარჯთ-აღრიცხვას (კითხულობს).



ხარჯთ-აღრიცხვა სტატისტიკის შედგენისა სა-ადგილ-მამულო რეფორმისათვის.

1. 1917 წლის საადგილ-მამულო და სასოფლო-სამეურნეო აღწერის მასა-ლის შემუშავება:

ა) ტფილისის გუბერნიაში აღწერა უნდა მოხდეს ხელახლად; ითვლება 180,000 კომლი, რომლის ასაწერადაც და მასალის შესამუშავებლად საჭიროა: ბარათების დალაგებისათვის (ნაანგარი-შევია, რომ ერთი კაცი დღეში დაალაგებს 1000 ბარათს) $\frac{-180,000}{1,000} = 180$ კაცი დღეში.

გასინჯვის ნიშნის დასმისათვის (ნაანგა-რიშევია, რომ ერთი კაცი დღეში გასინჯვის ნიშანს დაასვამს 150 ბარათს) $\frac{-180,000}{150} = 1200$

დათვლისათვის (დღეში კაცი დაითვლის 120 ბარათს) $\frac{-180,000}{120} = 1500$

სულ $180 + 1200 + 1500 = 2.880$ კაცი დღეში და ამითვის გასამრჯელო $\frac{-2.880 \times 400}{80} = 38400$ მან.

ბ) რესპუბლიკის დანარჩენ ადგილებში თუ ხელახლად დათვლა დასჭირდება მხოლოდ ნახევარ მასალას, საჭიროა 100.000 კომლისათვის: ბარათების დალაგებისათვის ზევით მო-ყვანილი ანგარიშით 190 კაცი დღეში, გა-სინჯვა ნიშნის დასმისათვის ნახევრისა 633, და-თვლისათვის 792; სულ $190 + 633 + 792 = 1615$ კაცი დღეში და ამითვის გასამრჯელოთ 21.520 მან.

სულ მთელი ტერიტორიისათვის წინას-წარი ჯამი აღწერისა 59.920 მან.

2. მიწად-მოქმედების სამინისტროში დამუშავებულ სახარჯო და სხვა ამ გვარი დოკუმენტალური ცნობის შედარება 1917 წლის აღწერილობის მასალებთან; 600 სოფ-ლის საზოგადოებაში $\frac{-600}{10} = 60$ კაცი დღეში.

და მათი გასამრჯელო 800 მან.

3. 1917 წლის აღწერის მასალების ძი-რითადი გამოანგარიშების მომზადებისათვის საჭიროა $\frac{370.000}{60}$ კონლ. = 6.167 კაცი დღეში

და მათი გასამრჯელო 82.200 მან.

4. მიწის ფონდის აღრიცხვა: ტაბულე-ბის შედგენა კერძო მფლობელობისა ცალკ-ცალკე სასოფლო საზოგადოებისთვის 1917 წლის აღწერისა და სამინისტროს სხვა მასა-



ლებით, თუ ვიგულებთ, რომ კერძო მფლობელთა რიცხვი 100.000-ა.

ა) შედგენა მფლობელობის მაშველი ბარათებისა დოკუმენტალური ცნობების მიხედვით იმ ადგილებში, სადაც მფლობელობის ტაბულებს საფუძვლად დაედება დოკუმენტალური მასალა, თუ ვიგულებთ, რომ ასეთი მფლობელობის რიცხვი იქნება ნახევარი . . . $\frac{50.000}{20} = 25.000$ კაცი დღეში.

და მათი გასამრჯელო 33.320 მან.

ბ) თვით ტაბულების შედგენა მიწის მფლობელობისათვის $\frac{100.000}{40} = 2.500$ კაცი დღეში.

და მათი გასამრჯელო 33.320 მან.

სულ მიწის ფონდის გამოსაანგარიშებლად 66.640 მან.

5. განსაზღვრა ნორმებისა მიწის ფონდის განაწილებისათვის, თუ ვიგულებთ, რომ საჭირო იქნება გამოჩვევით დამუშავება მასალისა ყველა ოჯახობის 50 პროცენტისათვის $\frac{185.000}{150} = 1.233$ კაცი დღეში.

და მათი გასამრჯელო 16.440 მან.

6. შედგენა ტაბულებისა ოჯახობათა და მოსახლეობათა რაოდენობისა, რისთვისაც საჭიროა $\frac{370.000}{150} = 2.466$ კაცი დღეში

და მათი გასამრჯელო 32.880 მან.

7. მათემათიკური მუშაობა პროცენტების გამოსაანგარიშებლად დასარიგებელ მიწის ნორმის მისაღებად საჭიროა 250 კაცი 1 დღეს, და გასამრჯელოდ 3.320 მან.

სულ საანგარიშო მუშაობისათვის 262.200 მან.

შ ტ ა ტ ი.

ამ სტატისტიკურ მუშაობის ორ განიზაცისა და მის დამთავრებისა ექვსი თვის განმავლობაში	თვეში.
1 გამგე	900
1 სტატისტიკოსი	750
1 ინსტრუქტორი	650
1 კონტროლიორი	550
ჯ ა მ ი . 78400	

შენიშვნა: თუ მხედველობაში მივიღებთ, რომ 1 კონტროლიორის ხელმძღვანელობით მუშაობს 6 მოანგარიშე, 1 ინსტრუქტორი ხელმძღვანელობს 6 კონტროლიორს, ხოლო 150 მოანგარიშეს 2 სტატისტიკოსი და ერთი გამგე, მაშინ განვითარებულ შრომისათვის საჭირო იქნება—მოანგარიშეთა გასამრჯელოს ჯამის 30%, რაც შეადგენს 78.400 მან.

სულ მთლად კარსონალის გასამრჯელო 341.600 მან.



საკანცელარიო ხარჯი.

5% პერსონალისათვის საჭირო ხარჯისა	17.000 მან.
სათადარიგო თანხა 10%	34.000 მან.
ს უ ლ	391.600 მან.

თვით კანონი ამ სახით შესცვალა საკანცელარიო კომისიამ, (კითხულობს) გადაიღოს სახელმწიფოს ხაზინიდან მიწით-მოქმედების მინისტრის განკარგულებაში საშის ოთხმოცდა ოთხთმეტი ათას ექვსასი (391,600) მანეთი სტატისტიკის მოსაწყობად საადგილ მამულო რეფორმისათვის თანახმად ამ კანონთან დართული ხარჯთ-აღრიცხვისა.

თავმჯდომარე. ვის სურს სიტყვა? მიღებულია.

ეხლა ფინანსთა მინისტრი თხოულობს პარლამენტის წინაშე, რომ ეს საკითხი ბონების გამოცემის შესახებ პირველად იქნეს განხილული.

თავმჯდომარე. სიტყვა ეკუთვნის ფინანსთა მინისტრს.

ფინანსთა მინისტრი გიორგი შურუღლი. ფინანსთა სამინისტროს თხოვნა, რომლითაც ეხლა მივმართე მე პარტეცემულ თავმჯდომარეს და მივმართე პარლამენტს მდგომარეობს იმაში, რომ ფრიალ საჭირო არის ამ ახალ ემისიის უფლების სასწრაფოდ გადაწყვეტა.

თუ ვინცობაა არ შეიძლება, რომ ეს საკითხი პირველად იქნეს განხილული მესამე ან მეოთხე კითხვად მაინც იყოს დასმული. ყოველ შემთხვევაში ეს გვაკმაყოფილებს, რადგანაც ჩვენი მთავრობის სურვილია, რომ უთუოდ დღესვე იყვეს გადაწყვეტილი ეს საკითხი.

მაშასადამე, თუ პირველ რიგში არ იქმნა მესამეთ, ან მეოთხედ მაინც იქნეს. ერთი სიტყვით, ოღონდ კი დღიურ წესრიგში შეიტანეთ, რომ თქვენ დასტური დასდოთ.

საბუთიამ თხოვნისა გახლავთ შემდეგი: ჩვენი უფლება წარსულ ემისიისა უკვე გათავებულია. აგერ ორი დღეა, რაც ჩვენს ხაზინას აღარ აქვს ამ მხრივ შემოსავალი და ხარჯები კი ყოველ დღე არის. ასე რომ ყოველად შეუძლებელია დაბრკოლება და ამ საქმის დაგვიანება ერთი დღითაც კი.

მეორე გარემოება, რომელიც გვაიძულებს ვთხოვოთ ამ საკითხის დღესვე გარჩევა გახლავთ ის, რომ ადერბეიჯანის წარმომადგენელი, რომელსაც აქვს კანონიერი უფლება ამ საგანზე ხელშეკრულობა შეჭკრას, მას ეს უფლება დაეკარგება ხვალდან, რადგანაც იქ პარლამენტი გაჩნდება. მაშასადამე ეს საქმე უნდა დაუბრუნდეს, მოეხსენოს საპარლამენტო კომისიას და რასაკვირველია, საქმე დიდად გაჭიანურდება. ამიტომ თითონ ადერბეიჯანის წარმომადგენელი გვიკარნახებს, რომ ეს არ მოხდეს, საჭიროა ეს საჩქარო საკითხი დღესვე დაისვას და მთავრობას აქვს ამის სრული უფლება. აქამდის პარლამენტი ადერბეიჯანში არ არსებობდა და მთავრობას ჰქონდა კანონიერი უფლება ამ მხრივ. ამიტომ სწორედ ამ უფლების ძალით, რომელიც ჰქონდა ადერბეიჯანის წარმომადგენელს უკვე მოვახდინეთ ერთხელ და ორჯელ ამ წესით ემისიის გამოცემა.

მაშასადამე, რომ ეს ძველი წესი არ დაირღვეს და ჩვენ იძულებულნი არ გავხდეთ დაბრკოლდეთ იმ პარლამენტარულ წესს, რომელიც ხვალინდელ დღიდან დაიბადება ადერბეიჯანში, — ეს არის მეორე საბუთი, რომელიც ჩვენ გვაიძულებს მივმართოთ თხოვნით პარლამენტს, რომ ეს საკითხი დღეს უთუოდ იქნეს განხილული.



თავმჯდომარე ასე, რომ თქვენ მოითხოვო, რომ ეს საკითხი დღესვე თუოდ იქნეს განხილული? (ქურული: დიახ! დღეს, უსათუოდ!)

შემდგომი საკითხი გადასახადების აკრების შესახებ. სიტყვა ეკუთვნის პარლამენტის წევრს პეტრე ქავთარაძეს.

კანონ-პროექტი გადასახადთა აკრებისა.

პეტრე ქავთარაძე. კანონ-პროექტი გადასახადთა აკრების შესახებ წარმოდგენილია ფინანსთა სამინისტროს მიერ. ამ მხრივ, ამ კანონ-პროექტში არსებობს ფინანსთა სამინისტროს განმარტება (თავმჯდომარე: გთხოვთ ხმა მალ-ლათ) განმარტებას თანახმად კანონ-პროექტი გამოწვეულია რესპუბლიკის ხაზინის საერთო მდგომარეობით, თქვენ მოგვხსენებთ, რომ ჩვენში გადასახადი თითქმის სრულიად არ იკრიბება. და არც არის ისეთი აპარატი, რომელიც მხოლოდ და მარტო ამ გადასახადის აკრებისთვის ზრუნავდეს. მილიცია, რომელსაც მომქმედ კანონის ძალით მინდობილი აქვს გადასახადის აკრება, ვერ ასრულებს თავის მოვალეობას, ჯერ ერთი, იმიტომ, რომ არ არის სათანადოდ მოწყობილი, მეორედ და უმთავრესად, იმიტომ, რომ არ არის შექმნილი ასეთი ორგანო, ისეთი აპარატი, რომელსაც მხოლოდ აკრების საქმე ჰქონდეს მინდობილი და რაკი მილიციას მრავალი სხვა ვალდებულება აქვს დაკისრებული და მისი მოვალეობა ფრიად გავრცელებული არის, ამიტომ გადასახადის აკრების საქმეს ვერ ასწრებს მილიცია და ვერ ანდომებს იმდენ დროს რე ენერჯიას, რომელსაც საქმის ინტერესი მოითხოვს.

ერთად-ერთი ინსტიტუტი, რომელსაც შეუძლიან გაუძღვეს სხვა და სხვა გადასახადის აკრების საქმეს, არის გადასახადის აკრების ინსპექცია. მაგრამ ამ ინსპექციას უმთავრესად ევალება გადასახადის გაწერა და თვალყურის დევნა, თუ როგორ შემოდის გადასახადი და არა თვით გადასახადის აკრება.

აი, სწორედ ფინანსთა სამინისტროს მიერ წარმოდგენილ კანონ პროექტის მიზანი ის არის, რომ შეიქმნას გარკვეული ურთიერთობა, გადასახადთა ინსპექციის და მილიციას შორის, რომ მილიცია გადასახადის აკრების საქმეში სრულიად ემორჩილებოდეს გადასახადთა ინსპექციას. რასაკვირველია, საუკეთესო მდგომარეობა, საფინანსო. უწყების აზრით, ის იქნებოდა, რომ შექმნილიყო სრულიად გაცალკეებული აპარატი, რომ ეს გადასახადის ამკრებლები უსათუოდ იქმნენ გადასახადის ამკრებს ინსპექციას სრულ განკარგულებაში. მაგრამ, რადგანაც ჯერ-ჯერობით ეს მოუხერხებელია სამინისტრო ანაირ, კომპრომისულ კანონ პროექტში ხედავს ხსნას. გადასახადის ამკრები მილიცია და ინსპექცია რჩებიან ცალ-ცალკე დაწესებულებად მხოლოდ მათ შორის მყარდება ურთიერთობა. გადასახადის აკრების დროს საგანგებო ხარჯთ-ამკრებთ მილიციას ეკუთვნის უფლება, რომელიც მინიჭებული აქვს საერთო მილიციას რომქმედი კანონებით. გადასახადთა ინსპექციას უმთავრესად მინიჭებული აქვთ საკანტროლო ფუნქციები. ამ რიგად თითონ აკრების საქმე და თვით გადასახადები ინსპექციას არ ეკისრება. მაგრამ მან უნდა იცოდეს, როგორ ხდება აკრება გადასახადებისა. და სათანადო შემთხვევებში, რასაკვირველია, მან ზომები უნდა მიიღოს მილიციის უკანონო მოქმედების წინააღმდეგ. გადასახადთა ინსპექციას, ამასთანავე ენიჭება უფლება რევიზიის გაწვევისა, თუ მილიციის მოქმედება უკანონო იყო.

გადასახადთა აკრება საგანგებო მილიციით ხდება მხოლოდ | დიდი ქალაქებში, როგორც ტფილასში, ქუთაისში, ფოთში და სოხუმში. აქ ამ ქალაქებში



მილიციის მოვალეობა იქნება მხოლოდ გადასახადის აკრების საქმე. ეს მილიცია გამოყოფილი იქნება საერთო მილიციისაგან ისე, რომ ამ მილიციას არ ექნება სხვა ვალდებულება, თუმცა გადასახადის ამკრები მილიცია, საერთო წესით სარგებლობას იმავე უფლებებით, როგორც საერთო მილიცია.

მაზრებში და დანარჩენ დაბა სოფლებში გადასახადის ამკრები საგანგებო მილიცია არ არსებობს. ეს მოვალეობა დაკისრებული ექნება საერთო მილიციას, რომელიც, რასაკვირველია, დაექვემდებარება გადასახადის ამკრებ ინსპექციას და მის კანტროლს.

ეხლა თუ ნებას მომცემთ წავიკითხავ თვით კანონ-პროექტს.

თავმჯდომარე. ვის ნებავეს სიტყვა კანონ პროექტის შესახებ? პარლამენტის წევრი ლომთათიძე.

ალ. ლომთათიძე. (ს. დ) მოქალაქენო! ერთი საკითხი არის აქ, რომელ-ზედაც მე მინდა თქვენი ყურადღება მივაქციო. საქმე იმაში არის, რომ აი ამ შემოტანილ კანონ-პროექტით, არსებითად, პრინციპიალურად არაფერი არ იცვლება. კანონ-პროექტს აქვს აქვს მხოლოდ ერთი ტენიკური ხასიათი. ეს ერთ გვარ ტენიკურ მოსაზრებაზე არის აღმოცენებული. საქაროა გამოსვლა იმ მდგომარეობიდან, რომელიც შექმნილა დღევანდელ ჩვენ რესპუბლიკის სინამდვილეში გადასახადების აკრების შესახებ. საფინანსო უწყებას სურვილი აქვს, რომ რაც შეიძლება ჩქარა და ზედ მიწვენით მოკრიბოს დანარჩენი გადასახადი. ამისთვის, ერთგვარი წმინდა ტენიკური შესწორება შეაქვთ არსებულ წესებში, ჩვენ ეს ასე გვესმის.

მე მეგონა, რომ მოწხსენებელი გვეტყოდა, რა შეიცვალა იმასთან შედარებით, რაც იყო დღევანდლამდის, რამ გამოიწვია ეს ახალი კანონ-პროექტი, რაა მიზეზი, რომ ახალი ნორმები უნდა მივიღოთ, რომლებიც შესცვლიან არსებითად არსებულ კანონებს. მაგრამ ეს მომხსენებელმა ჩვენ არ გვითხრა. აშკარაა, რომ აქ ლაპარაკი არის მხოლოდ ტენიკურ საგანზე გადასახადის აკრების პრაქტიკულ განხორციელებაზე. ვინაიდან, რამდენადაც ჩვენ ვიცით ქალაქებში და სოფლებშიაც ძველის ძველად დაწესებულ კანონების მიხედვით, გადასახადის აკრება ეკისრებოდა ძველ პოლიციას, ამისთვის განსაკუთრებული რაზმი არ იყო გამოყოფილი. განსაკუთრებულ რაზმს ევალებოდა ამ საქმის გაძღოლა და შესრულება, არამედ ძველად ეს აღმინისტრაციის ევალებოდა. ამ კანონ-პროექტის მიხედვით კი ამ საქმისთვის განსაკუთრებული რაზმი უნდა გამოიყოს. მაგრამ, თუ აქ წესების შეცვლაზე არის ლაპარაკი, რაღა საქაროა, რომ ეს საკანონმდებლო გზით გავატაროთ. ჩვენ ვფიქრობთ, რომ უწყებას, უწყების მეთაურებს სრული უფლება ჰქონდათ და აქვთ ეს გაატარონ ცხოვრებაში მართველობის გზით. და აღიტომ ჩვენ წინადადება შეიკავაქვს ეს კანონ-პროექტი დაბრუნდეს საფინანსო კომისიაში, იმ მიზნით, რომ ჩვენი აზრით ეს შეადგენს სათანადო უწყების სრულ კომპეტენციას და უწყების მეთაურებს, შეუძლიან, რომ ყველაფერი, რაც არის აქ ჩამოთვლილ ინსპექციის განმარტების საშუალებით შეიძლება მოავგარონ თითონ მართველობითა წესით. მით უფრო, მოქალაქენო, რომ აქ ლაპარაკი არის მილიციაზე, ქალაქის მილიციაზე, რომელიც როგორც ვიცით ჩვენ, საესებით ექვემდებარება ადგილობრივ თვითმართველობას, მაშასადამე, აქ ერთგვარი შეთანხმება და წინასწარ მოლაპარაკება და ფუნქციების გამოჯენა არის საქარო. რაც შეეხება, პროვინციაში მოქმედ მილიციას, ის ექვემდებარება შინაგან საქმეთა სამინისტროს. ჩვენ ვფიქრობთ, რომ ეს ორგანო ფინანსთა და ვაჭრობის უწყებაში ერთი და შინაგან მინისტრის უწყებაში, მეორე. ადგილობრივი თვითმართველობა, ქალაქის და ერობის



თვითმართველობათა სახით, უნდა შეუთანხმდნენ ერთმანეთს ამ საკითხში. შეიძლება იყოს, რომ ტენიკური, პრაქტიკული წესები ცხოვრებაში გასატარებლად და საჭირო პრაქტიკული ზომების და წესების შესამუშავებლად.

ჩვენი აზრი ასეთია, და ვიმეორებ, რომ ჩვენ წინადადება შემოგვქვს ეს კანონ-პროექტი დაუბრუნდეს ისევ კომისიას ამნაირი დასაბუთებით.

თავმჯდომარე. მასადაამე, არსებით მსჯელობას თავს ეანებებთ, და გადავიდით იმ წინადადების განხილვაზე რომელიც შემოიტანა ბ. ლომთათიძემ, რომ კანონ პროექტი დაუბრუნდეს კომისიას იმ მოსაზრებით, რომელიც იმან გამოსთქვა აქ. როდესაც იმას გადასწყვეტთ: უარყოფთ, თუ არა ამ წინადადებას,—მაშინ შეიძლება ვიმსჯელოთ არსებითად თვით კანონ პროექტის შესახებ. (მაშინ თავს ფინანსთა მინისტრს) თქვენი ამ კანონ პროექტის შესახებ გნებავთ ილაპარაკოთ? (ფინანსთა მინისტრი) დიახ!

თავმჯდომარე. სიტყვა ეკუთვნის ფინანსთა მინისტრს.

ფინანსთა მინისტრი გიორგი შურული. ჩემი აზრით ამ მოხსენების საფინანსო დი საბიუჯეტო კომისიაში დაბრუნება არ არის სასურველი, რადგანაც ეს, ერთ მხრივ, დაავიანებს ამ კანონ პროექტს ცხოვრებაში გატარებას, და, მეორე მხრივ, არსებითად არაფერს შესძენს ამ კანონ-პროექტს თუ იგი დაუბრუნდება კომისიას.

რადგანაც აქ არ შეიძლება ლაპარაკი, იმაზე, რომ მხოლოდ ინსპექციასთან შეთანხმების ძალით, შეიძლება იმ წესების შემოღება, რომელსაც ეხება კანონ-პროექტი. მომხსენებელსაც მოგახსენოთ, რომ ზოგიერთი მხარეები ამ კანონ პროექტისა არ შეიძლება განახორციელოს ინსპექციამ ძველ კანონების ძალით. (ლომთათიძე: რომელი, მაგალითად?). მაგალითად, ძველი კანონი არ აძლევს უფლებას გადასახადის ინსპექციას, რომ მან რევიზია მოახდინოს იმ დაწესებულებაში, სადაც ხდება ხარჯის აკრეფა. ძველი კანონი, როგორც მოგახსენეთ, ისე იყო შედგენილი, რომ საფინანსო უწყება და მეტადრე ეს ინსპექცია არ უნდა მოკლებული იყო იმ გვარ მოქმედებას და საშუალებას. ეს იყო ერთგვარი სისტემა, რომლითაც საზოგადოებრივ ელემენტებს, რომელთაც ყოველ შემთხვევაში ეკუთვნის ინსპექცია, არავითარი ზედ გავლენა, არ ჰქონდათ იმ მომენტზე, როდესაც ხარჯი იკრიფებოდა.

ჩვენი მთავრობა, იმ აზრს ადგია, რომ უნდა დაუახლოვოთ ეს ორი მომენტი: ერთს მხრივ, ხარჯის აკრეფა და მეორე მხრივ, სწორედ დახმარება ინსპექციისა. ეს არის ახალი მოტივი, რომელიც შეგვაქვს. საზოგადოთ უნდა მოგახსენოთ, რომ მეცნიერებაში მიღებული არის, ის, რომ ხარჯის აკრეფა უნდა გადაეცეს საესკით საფინანსო უწყებას. მაგრამ, თითქმის არ არის სახელმწიფო, სადაც ეს განხორციელებულიყოს, რადგანაც ეს დიდ ხარჯს იწვევს. ჩვენ, რადგანაც ამ ხარჯის გვეზინოდა, ამ კანონ-პროექტში შევიტანეთ კერძოთ ასეთი ცვლილება. ხოლო საზოგადო ელემენტები შეგვყავს იმ მომენტში, როდესაც ხდება იმ გადასახადის აკრეფა. აი ეს არის ახალი მოტივი, რომელზედაც ჩვენ გვიწოდდა თქვენი დასტური მიგველო ამ საქმეში, და ვგონებ, რომ კომისიაში გადაცემა არ არის საჭირო.

თავმჯდომარე. პარლამენტის წევრი ლომთათიძე.

ალ. ლომთათიძე ცოტაოდენი განმარტება, თუ შეიძლება, მოქალაქენო.

მე ის წინადადება როდი შემოვიტანია, რომ საფინანსო კომისიის კანონ-პროექტი კვლავ დაუბრუნდეს პარლამენტს, არამედ მე ვაცხადებდი, რომ ჩემი აზრით, სათანადო უწყებას შეუძლია თავის უფლების ფარგლებში, მმართველო-



ბით გზით გაატაროს ცხოვრებაში ის, რის გატარებაც განუზრახავს პარლამენტის წესით. ჩემი აზრი ასეთი არის.

კანონმდებლობის წესით, ჩემის აზრით მხოლოდ მაშინ უნდა მუშავდებოდეს კანონი, როდესაც ძველ კანონში რაიმე იცვლება, ან და სრულიად არ არსებობს ამ საგანზე არავითარი კანონი. პარლამენტმა მაშინ უნდა დაადგინოს, რომ ეს დარგი ჩვენ სახელმწიფოებრივ ცხოვრებისა ახალ ნორმებზე ჩამოყალიბდეს.

დიახ, ჩვენ ვფიქრობთ, რომ არაფერი არ იცვლება ძველ კანონში არსებითად. მილიცია, — ძველი პოლიცია რჩება, საქიროა მხოლოდ განსაკუთრებული რაზმის გამოყოფა ამ საქმისთვის და მის ცხოვრებაში გასატარებლად.

აი ეს იყო ჩვენი მოსაზრება. იმიტომ მოგახსენეთ, რომ დაუბრუნდეს კანონ-პროექტი კომისიას და მან შეიძლება სათანადო უწყებასთან შეთანხმებით მმართველობის გზით გაატაროს ის ცხოვრებაში.

ეს მოხდება ფინანსთა მინისტრის, შინაგან საქმეთა მინისტრის, ადგილობრივ თვითმმართველობის, ქალაქთა და ერობათა ორგანიზაციების შეთანხმებით. აი, ასეთია ჩვენი წინადადება და არ მოვითხოვთ, რომ კანონ-პროექტი კომისიიდან კვლავ უკან დაუბრუნდეს პარლამენტს.

თავმჯდომარე. ფინანსთა მინისტრა.

ფინანსთა მინისტრი გიორგი უშურული. მე ჩემ თავს ნებას მივცემ ხაზი გაუყვა მხოლოდ ერთ გარემოებას, რომლის შესახებ შეიძლება თქვენ გაკვირით მოგახსენეთ და იმიტომ თქვენი ყურადღება ვერ მივაქციე სწორედ ამ მომენტს.

ძველ კანონის ძალით ინსპექციას არა აქვს ნება რევიზია მოახდინოს იმ დაწესებულებაში, სადაც ხდება ხარჯის აკრეფა. ინსპექტორი რომ მისულიყო, სარევიზიოდ მილიციასთან, ან წინანდელ პოლიციასთან — შინაგან საქმეთა სამინისტროს მეთაური ეტყოდა: „ამის ნება თქვენ არ გაქვთ“. ამ უფლებას მოკლებული იყო წინასწარ განზრახული აზრით (ლომთათიძე: ეს არის ცვლილება?). ეს არის ცვლილება. ჩვენ კი გვინდა, რომ ეს უფლება მივცეთ გადასახადის ამკრეფ ინსპექციას. აი, ეს გარემოება გვაიძულებს შეგაწუხოთ თქვენ, რომ ინსპექციას მიენიჭოს ეს უფლება არა მმართველობის გზით, არამედ ჩვენ გვინდა, რომ თქვენის დასტურით იყოს შეტანილი ეს ცვლილება, თქვენის დასტურით მიენიჭოს ინსპექცია ეს უფლება.

თავმჯდომარე. პარლამენტის წევრი ნინიძე.

კირილე ნინიძე (ს.-დ.). მე მგონია, რომ არ არის საქირო ამ ცვლილების მიღება, რადგანაც ჩვენ ეხლა გვყავს სახელმწიფო კონტროლიორი, რომელიც იმუშავებს დებულებას კონტროლის შესახებ, და ეს პარლამენტში იქნება მიღებული. ყველა სახელმწიფო დაწესებულებათა კონტროლი იქნება ცალკე მოწყობილი (ივანიცკი: რუსეთშიაც იყო სახელმწიფო კონტროლიორი). რა ბრძანეთ? (ივანიცკი: რუსეთშიაც იყო სახელმწიფო კონტროლიორი). რუსეთში იყო და ეხლა ჩვენშიაც იქნება.

თავმჯდომარე. ვის ნებავეს სიტყვა? არაგის. კამათი შეწყვეტილი არის. სიტყვა ეკუთვნის მომხსენებელს:

პეტრე ქავთარაძე. ამ კანონ-პროექტში, ბატონებო, მარტო სატენიკო საკითხი არ არის, როგორც ბატონი ლომთათიძე ბრძანებს. აქ უფლებრივი საკითხიც არის. რევიზიის უფლება მიენიჭება გადასახადთა ამკრეფ ინსპექციას. პრობლის უფლება მას აქამდე არ ჰქონდა. ეს უფლება ეხლა მას ენიჭება ამ კანონ-პროექტით.



რაც შეეხება სახელმწიფო კონტროლიორზე მითითებას,—ეს სრულიად უადგილოთ მიმაჩნია, ამიტომ, რომ სახელმწიფო კონტროლიორის ფუნქცია ერთი ზოგადი ხასიათის არის და სრულიათ არ შეადგენს მის ფუნქციას დახმარება დემოკრატიის გადასახადის აკრეფაში გადასახადის ინსპექციას. ასე რომ, რა ვინდ იდეალურადაც არ უნდა იყოს მოწყობილი ჩვენი სახელმწიფო კონტროლი, მაინც გადასახადის აკრეფის საქმე სრულიათ არ გადავიღებდა, როგორც ეს ბატონ ნინიძეს ჰგონია.

ამ რიგად სახელმწიფო კონტროლიორის და მის მოღვაწეობის აქ მოტანა, სრულიად უადგილო იყო.

აქ კანონ პროექტში არის ნ.თქვამი, რომ უფლება რევიზის მოხდენისა ენიჭება გადასახადის ინსპექციას, ოასაც მოქმედ კანონით იგი მოკლებული იყო.

აქ სთქვს, რომ მარტო ამისთვის, მარტო ამ უფლებისთვის არა ღირს კანონ პროექტის მიღებაო. ეს არ არის ქუთასთან ახლო, იმიტომ რომ ამ უფლების მინიჭება ხელს შეუწყობს ინსპექციას, რომ რევიზია მოაწყოს, რაც გადავიღებს გადასახადის საქმის მოწყობას. ვიმეორებ, მარტო ეს ერთი უფლებაც ხომ იყოს, მარტო, ამისთვისაც ღირს ამ კანონ პროექტს მიღება. მაგრამ, მარტო ეს არ არის.

არსებულ კანონ პროექტში, ძველ კანონ პროექტში, მილიციის და გადასახადის ინსპექციის სორის ურთი ერთობა არ იყო გამოკვეთილი. და როდესაც ეს ურთიერთობა არ იყო გარკვეული, თითოეული მათგანის მოვალეობაც არ იყო წინადაღნიშნული და გარკვეული. ეს კანონ პროექტი კი არკვევს ამ ურთიერთობას გადასახადის ინსპექციის და მილიციის შორის.

ამ მხრივ, ერთგვარი მტკიცე საფუძველი ედება გადასახადის აკრეფის საქმეს.

ასე რომ ვიმეორებ, საფინანსო უწყების აზრით, ეს კანონ-პროექტი უნდა იყოს განხილული პარლამენტის მიერ, რომ გადასახადის აკრეფის საქმე ცოტად მაინც წინ წავაგდოთ, და ცარიელი ხაზინის მდგომარეობა გადასახადის აკრეფით გავაუმჯობესოთ.

თავმჯდომარე. კენჭს უყრი ამ წინადადებას.

ა, ლომთათიძე. (ადგილიდან) მე წინადადებას ვხსნი.

თავმჯდომარე. გადავიდით მუხლობრივ განხილვაზე. ვინ არის წინააღმდეგი, რომ მუხლობრივ განხილვაზე გადავიდეთ? არავინ. გთხოვთ წაიკითხოთ პირველი მუხლი.

პეტრე ქავთარაძე (კითხულობს).

კანონ-პროექტი გადასახადების აკრეფისა.

1. აკრეფა სახელმწიფო, საერო, ქალაქისა და სხვა უდავო წესით მოსათხოვარ გადასახადებისა, აგრეთვე შესრულება გადასახადებით გამოწვეულ სათანადო პირთა და დაწესებულებათა მინდობილობისა, ჩაბარება გადასახადის ფურცლებისა, ყოველნაირი უწყებებისა, შეკითხვებისა და გამახსენებელ ბარათებისა, დაევალოს:

ა) ტფილისში, ქუთაისში, სოხუმში და ფოთში მილიციის რაიონის კომისიის თანაშემწისაგან, უფროს და უნკროს მილიციონერებისაგან შედგენილ საგანგებო ხარჯთამყრეფ მილიციას, რომლის საერთო მილიციიდან გამოყოფა საგადასახადო ფუნდების რიცხვის მხედვეთ შეადგენს ქალაქის მილიციის უფ-



როსის კომპეტენციას შეთანხმებით გადასახადთა და სახელმწიფო ხაზინის სამმართველოს უფროსთან.

ბ) დანარჩენ ქალაქებში და ქალაქ გარეშე ადგილებში კი ქალაქის, მაზრის და სოფლის საერთო მილიციას.

შენიშვნა: გამორკვევა საგანგებო მილიციის რიცხვისა და შემადგენლობისა დას ხელეზულ (ა. მუხ. 1) ქალაქებში და მისი განაწილება საგადასახადო რაონთა შორის ევალება ფინანსთა მინისტრს შეთანხმებით შინაგან საქმეთა მინისტრთან.

თავმჯდომარე. ვის ჰსურს სიტყვა? ვინ არის წინააღმდეგი? არავინ. მიღებულია.

პეტრე ქავთარაძე (კითხულობს) 2. გადასახადების აკრეფის დროს საგანგებო მილიცია სარგებლობს ყველა იმ უფლებებით, რომელიც ამ მხრივ მინიჭებული აქვს საერთო მილიციას მომქმედი კანონებით.

თავმჯდომარე. ვის ჰსურს სიტყვა? ვინ არის წინააღმდეგი? მიღებულია.

პეტრე ქავთარაძე (კითხულობს). 3. საგანგებო მილიციის საერთო ხელმძღვანელობა და მისი მოქმედების თვალყურის დევნა ეკისრება: სახელმწიფო და საერობო გადასახადების მხრივ—გადასახადთა და სახელმწიფო ხაზინის სამმართველოს უფროსს და გადასახადთა ინსპექტორებს, ქალაქისა კი—სათანადო ქალაქის გამგეობას.

თავმჯდომარე. ვის ჰსურს სიტყვა? ვინ არის წინააღმდეგი? მიღებულია.

პეტრე ქავთარაძე (კითხულობს). 4. გადასახადთა და სახელმწიფო ხაზინის სამმართველო და ხაზინები, როცა კი გაუგზავნიან კუთვნილებისამებრ საგანგებო ან საერთო მილიციას ცნობებს დარჩენილ გადასახადებზე დაუყონებლივ ატყობინებენ გადასახადთა ინსპექტორებს დროს ასეთი ცნობების გაგზავნისას. გადასახადთა ინსპექტორები თვალყურს ადევნებს მილიციას, რამდენად სწრაფად და კანონიერად ასრულებს იგი თავის მოვალეობას, უთითებს მას იმ ზომებზე, რომელსაც უნდა მიჰპართოს მან გადასახადების აკრეფის დროს და იმ მამულ-ქონებაზედ, რომლიდანაც აღებული უნდა იქნეს გადასახადები.

თავმჯდომარე. ვინ არის წინააღმდეგი? მიღებულია.

პეტრე ქავთარაძე (კითხულობს) 5. თუ დარჩენილი გადასადი არ იქნა აკრეფილი ქალაქებში ორი თვის და ქალაქ გარეშე ადგილებში ექვსი თვის განმავლობაში დღიდან დარჩენილ გადასახადებზე მილიციაში ცნობებისა, ამის შესახებ მილიცია მოხსენებას ურდგენს გადასახადთა და სახელმწიფო ხაზინის სამმართველოს.

თავმჯდომარე. ვინ არის წინააღმდეგი? მიღებულია.

პეტრე ქავთარაძე (კითხულობს) 6. გადასახადთა და სახელმწიფო ხაზინის სამმართველო მიიღებს რა მილიციის მოხსენებას აუკრებელ დარჩენილ გადასახადებზე, გამოაქვს დადგენილება იმ მამულ-ქონების საჯაროდ გაყიდვისა რომელზედაც დარჩენილია გადასახადი. საჯარო გაყიდვა ხდება იმ წესით, რომელიც შემოღებულია სახაზინო საქმეების უდავოდ გადასახადების დებულებაში. (Положение о взыскании по бесспорнымъ дѣламъ казни) იმ განსხვავებით, რომ გუბერნიის სამმართველოს მოვალეობას ასრულებს გადასახადთა და სახელმწიფო ხაზინის სამმართველო და პოლიციის მოვალეობას კი კუთვნილებისამებრ საგანგებო და საერთო მილიცია.

თავმჯდომარე. ვინ არის წინააღმდეგი? მიღებულია.

პეტრე ქავთარაძე (კითხულობს) 7. გადასახადთა და სახელმწიფო ხაზინის



სამართელო და ხაზინები დაუზღავნიან რა მილიციას გადასახადთა ფურცლებს, დაუყონებლივ აცნობებენ გადასახადების ინსპექტორებს დროს ასეთი ფურცლების დაზღავნისას. უკანასკნელები თვალყურს ადევნებენ, რამდენად სისწორით და თავის დროზე ასრულებს მილიცია პალატისა და ხაზინების მინდობილობათ.

თავმჯდომარე. ვინ არის წინააღმდეგი? მიღებულია.

პეტრე ქავთარაძე. (კითხულობს) 8. მაზრის, ოლქის კომისრები ვალდებული არიან ყოველ თვიურად აცნობონ გადასახადთა ინსპექტორებს, თუ რა იძულებითი ზომები იქნა მათ მიერ მიღებული დარჩენილი გადასახადების ასაკრებად. ამასთანავე კომისრები ვალდებული არიან დაწვრილებით განუმარტონ გადასახადთა ინსპექტორებს ის შცმთხვევები, როცა მილიციისაგან სისრულეში არ იქნა მოყვანილი ინსპექტორებისაგან ნაჩვენები ზომები დარჩენილ გადასახადების ასაკრებად.

თავმჯდომარე. ვინ არის წინააღმდეგი? მიღებულია.

პეტრე ქავთარაძე. (კითხულობს) 9. სოფლის საზოგადოების ყველა განაჩენები შესახებ გადასახადების მოსახლეთა შორის განაწილებიან, სოფლის კომისარებმა უნდა წარუდგინონ დასამტკიცებლად გადასახადთა ინსპექტორებს. თუ ინსპექტორი არ იცნობს განაჩენს სწორად შედგენილს, ან დაინახავს, რომ ზოგიერთ მოსახლეებზე ზედმეტი გადასახადია გაწერილი, ასეთს განაჩენს იგი უბრუნებს საზოგადოებას, მის მიერ ნაჩვენებ შესწორების შესატანად ან დასრულიად ახალ განაჩენის გამოსატანად.

თავმჯდომარე. ვინ არის წინააღმდეგი? მიღებულია.

პეტრე ქავთარაძე. (კითხულობს) 10. გადასახადთა ინსპექტორებს უფლება ეძლევათ რევიზია გაუყეთონ საგადასახადო მილიციის მოქმედებას და მის მიერ საქმის წარმოებას, აკრთევე მაზრის, რაიონის და სოფლის კომისარიატებში საგადასახადო საქმის წარმოებას.

თავმჯდომარე. ვინ არის წინააღმდეგი? მიღებულია.

პეტრე ქავთარაძე (კითხულობს) 11. გადასახადთა და სხელმწიფო ხაზინის სამართელოს უფროსისა და საგუბერნიო კომისარის შორის გადასახადების აკრებით გამოწვეული უთანხმოება ვალდის ფინანსთა და შინაგან საქმეთა მინისტრების ვალდასაწყვეტად უკანასკნელთა ურთიერთ შეთანხმებით.

თავმჯდომარე. ვინ არის წინააღმდეგი? მიღებულია.

პეტრე ქავთარაძე (კითხულობს) 12. ფინანსთა მინისტრს უფლება ეძლევა ეს კანონმდებლობა განმარტოს ცალკე ინსტრუქციით.

თავმჯდომარე. კერძოდ კანონ პროექტს უყრი კენჭს. ამ რიგად კანონპროექტი მიღებულია არის და გადაეცემა კომიისს. შემდეგი კანონ-პროექტი. პარლამენტის წევრი ქავთარაძე.

კანონ-პროექტი გადასახადთა ინსპექციის ორგანიზაციის შესახებ.

პ. ქავთარაძე. ეს გახლავთ მეორე კანონ-პროექტი საფინანსო სამინისტროსი გადასახადთა ინსპექციის შტატების გამრავლებისა და მის მოხელეთა ჯამაგირის მომატების შესახებ. გადასახადის ინსპექციის შტატების გამრავლება გამოწვეული არის იმით, რომ არსებითი შტატები ვერ აკმაყოფილებს გადასახადის აკრების საქმით გამოწვეულ საჭიროებას. წარმოდგენილ კანონ-პროექტით უქმდება გადასახადთა ინსპექტორის უფროსი თანამემწის თანამდებობა, ამის გარდა, არსდება ექვსი ახალი თანამდებობა გადასახადთა ინსპექტორისა:



მათ შორის სამი ტფილისში, ერთი ქუთაისში, ერთი ფოთში და ერთიც შირაქის მაზრაში. ამასთანავე არსდება თორმეტი ახალი თანამდებობა გადასახდელთა ინსპექტორის თანაშემწისა. თერთმეტი მათგანი ტფილისში და ერთიც ტფილისის მაზრაში. თქვენ, ალბად, მოგეხსენებათ, რომ ყოფილ ამიერ-კავკასიის კომისარიატის 1918 წ. მარტის სამის დადგენილებით გადასახდელთა ინსპექციის მოხელეებს ეძლეოდათ სიძვირით გამოწვეული დამატებითი ჯამაგირი. ამ კანონპროექტის ძალით ეს გაუქმებულია. გაუქმებულია აგრეთვე საჩუქრების გაცემა და დახმარების აღმოჩენა. ამის ნაცვლად ქალაქის ინსპექტორს ეძლევა საგზაო ხარჯად 800 მანეთი წლიურად. მის თანაშემწეს 600, ხოლო მაზრის ინსპექტორს 2,100 მან. და მის თანაშემწეს 1,200 მან. ამასთან გადასახდელთა ინსპექტორებს ეძლევათ საკანცელარიო ხარჯებისათვის წლიურად თვითთულს 900 მ. კანცელარიის ბინის დასაქირავებლად, მის გასათბობად და გასანათლებლად 3 ათასი მანეთი. ესევე თანხა ეძლევა ტფილისის მაზრის ინსპექტორებს. ქუთაისის, სოხუმის, ფოთის, სოხუმის ოლქის და ქუთაისის მაზრის ინსპექტორებს ეძლევათ ამავე ხარჯებისთვის 1,200 მ. ამასვე ლეზულობენ დანარჩენ ქალაქების და მაზრების ინსპექტორები იმ განხევაებით, რომ მათ ამ თანხიდანვე უნდა დაიქირავონ შიკრიკები. მე აღარ შეეჩერდები მოხელეთა ჯამაგირის მომატების საჭიროებაზე. თქვენ მოგეხსენებათ, რომ ეს საერთო პირობებით არის ნაკარნახევი.

თავმჯდომარე. ვის ნებავეს სიტყვა კანონ-პროექტის შესახებ? ვინ არის მომხრე, რომ გავიდეთ მუხლობრივ განხილვაზე? გთხოვთ წაიკითხოთ.

პეტრე ქავთარაძე (კითხულობს)

კანონ-პროექტი გადასახდელთა ინსპექციის შტატების გამრავლების და მის მოხელეთა ჯამაგირის მომატების შესახებ.

1. გადასახდელთა ინსპექციის შესახებ არსებული კანონდებულების და მისი შტატის შესაცვლელად და დასამატებლად დაწესებულ იქმნეს:

1. გადასახდელთა ინსპექტორების უფროსის თანაშემწეთა თანამდებობა გაუქმებულ იქმნეს. სახელწოდება გადასახდელთა ინსპექტორების უფროს თანაშემწეთა მონიშნოს და დაწესდეს სახელწოდება გადასახდელთა ინსპექტორის თანაშემწისა.

თავმჯდომარე. ვის ჰსურს სიტყვა? ვინ არის წინააღმდეგი? მიღებულია.

პეტრე ქავთარაძე (კითხულობს). 2. გადასახდელთა ინსპექტორების და მათი თანაშემწეების ჯამაგირი, აგრეთვე შემაღგენლობა მათი კანცელარიებისა და ჯამაგირი კანცელარიის მოხელეთა დამტკიცებულ იქმნეს ამასთანავე დართულ შტატების თანახმად.

თავმჯდომარე. ვის ჰსურს სიტყვა? ვინ არის წინააღმდეგი? არაფერია. მიღებულია.

პეტრე ქავთარაძე (კითხულობს). 3. ყოფილი ამიერ-კავკასიის კომისარიატის 1918 წ., 3 მარტის დადგენილება, რომლის ძალით გადასახდელთა ინსპექციის მოხელეთ ეძლევათ სიძვირით გამოწვეული დამატებითი ჯამაგირი, გაუქმებულ იქნეს.

თავმჯდომარე. ვინ არის წინააღმდეგი? მიღებულია.

პეტრე ქავთარაძე (კითხულობს). 4. საგანგებო კრედიტი, რომელიც 1914



წ., 3 ივლისის კანონის მე-9 მუხლის ძალით ყოველ წლივ იხსნება გადასახად-
თა ინსპექტორების, მათი თანაშემწეების და საქმის მწარმოებელთა საჩუქრების
მისაცემად და დახმარების აღმოსაჩენად, დახურულ იქმნას.

თავმჯდომარე. ვის ჰსურს სიტყვა? ვინ არის წინააღმდეგი? მიღებულია.

პეტრე ქავთარაძე (კითხულობს). 5. გადასახადთა ინსპექტორებს და მათ
თანაშემწეებს, გარდა თანამდებობასთან დაკავშირებულ ჯამაგირისა, მიეცეთ
წლიურად: ქალაქის ინსპექტორს—800 მანეთი და მის თანაშემწეს 600 მან.,
მაზრის ინსპექტორს კი 2100 მან. და მის თანაშემწეს—1200 მან. სამსახური
გამოწვეულ საგზაო ხარჯად ანგარიშის წარმოუდგენლად.

თავმჯდომარე. ვინ არის წინააღმდეგი? მიღებულია.

პეტრე ქავთარაძე (კითხულობს). 6. გადასახადთა ინსპექტორს საკანცელა-
რიო ხარჯებისათვის მიეცეს წლიურად 900 მანეთი ანგარიშის წარმოუდგენ-
ლად.

თავმჯდომარე. ვინ არის წინააღმდეგი? მიღებულია.

პეტრე ქავთარაძე (კითხულობს). 7. ტფილისის და ტფილისის მაზრის გა-
დასახადთა ინსპექტორებს კანცელარიების ბინის დასაქირავებლად, მის გასათ-
ბობად და გასანათებლად მიეცეთ წლიურად თვითეულს 3.000 მან., ქუთაისის,
ფოთის, სოხუმის, სოხუმის ოლქის და ქუთაისის მაზრის ინსპექტორებს—1200
მან. თვითეულს ანგარიშის წარმოდგენით; დანარჩენ ქალაქების და მაზრების
ინსპექტორებს აღნიშნული საჭიროებისთვის და ავრთვევ კურიერების დასაქი-
რავებლად—1200 მან. თვითეულს ანგარიშის წარმოუდგენლად.

თავმჯდომარე. ვის ჰსურს სიტყვა? ვინ არის წინააღმდეგი? მიღებულია.

პეტრე ქავთარაძე (კითხულობს). II. დაარსდეს ექვსი ახალი თანამდებობა
გადასახადთა ინსპექტორებისა მათ შორის სამი ტფილისში, ერთი ქუთაისში,
ერთი ფოთში და ერთიც შორაპნის მაზრაში და თორმეტი ახალი თანამდებო-
ბა გადასახადთა ინსპექტორების თანაშემწისა, მათგან თერთმეტი ტფილისში
და ერთიც ტფილისის მაზრაში. თანამდებობა ქუთაისის გადასახადთა ინსპექ-
ტორის თანაშემწისა გაუქმებულ იქმნას.

თავმჯდომარე. ვინ არის წინააღმდეგი? მიღებულია.

პეტრე ქავთარაძე (კითხულობს). III. გადაიღოს სახელმწიფო ხაზინიდან
თანხმად ამ კანონთან დართულ შტატებისა ამა 1913 წ. პირველ სექტემბრი-
დან წლის დამლევამდე 446.000 მანეთი.

არსებული კრედიტი გადასახადთა ინსპექციის შესანახად დახურულ იქნეს.

თავმჯდომარე. ვის ჰსურს სიტყვა? ვინ არის წინააღმდეგი? მიღებულია.
გთხოვთ წაიკითხოთ დამატება ამ კანონ პროექტის, —ჯამაგირების რაოდენობა.

პეტრე ქავთარაძე. (კითხულობს). შტატი გადასახადთა ინსპექციისა და
ხარჯთ-აღრიცხვა.

1. გადასახადთა ინსპექტორები:

ა) ქ. ტფილისისა და ტფილისის მაზრისა 15. ჯამაგირი წლიურად ერთს
10.200 მ. ჯამაგირი წლიურად ყველას 153.000 მ. ყველას სექტემბრის პირვე-
ლიდან წლის დამლევამდე 51.060 მ.

ბ) ქ. ქუთაისისა, ფოთისა, სოხუმის ოლქისა და ქუთაისის მაზრისა 8.
ჯამაგირი წლიურად ერთს 9.600 მ. ჯამაგირი წლიურად ყველას 76.800 მან.
ყველას სექტემბრის პირველიდან წლის დამლევამდე.

გ) ყველა დანარჩენი მაზრის და ზაქათალის ოლქისა 16. ჯამაგირი წლი-
ურად ერთს 9.000 მ. ჯამაგირი წლიურად ყველას 144.000 მ. ყველას სექტემ-
ბრის პირველიდან წლის დამლევამდე 48.000 მ.

2. თანაშემწენი გადასახდთა ინსპექტორებისა:

ა) ქ. ტფილისისა და ტფილისის მაზრისა 14. ჯამაგირი წლიურად ერთს 7.200 მ. ჯამაგირი წლის დამლევამდე ყველას 100.800 მ. ყველას სექტემბრის პირველიდან წლის დამლევამდე 33,600 მ.

ბ) დანარჩენი მაზრებისა 4. ჯამაგირი წლიურად ერთს 6.600 მ. ჯამაგირი წლიურად ყველას 26.400 მ. ყველას სექტემბრის პირველიდან წლის დამლევამდე 8.800 მ.

სულ ჯამაგირი წლიურად ყველას 501.000 მ. ყველას სექტემბრის პირველიდან წლის დამლევამდე 167.000 მანეთი.

თავმჯდომარე. ვის ჰსურს სიტყვა? ვინ არის წინააღმდეგი? მიღებულია. გთხოვთ წაიკითხოთ მეორე დამატება კანცელარიის შტატები.

პეტრე ქავთარაძე (კითხულობს). გადასახდთა ინსპექტორების [კანცელარიების შტატი.

ქ. ტფილისში საქმის მწარმოებელი 1. ჯამაგირი წლიურად ერთს 6900 მ. რეგისტრატორები 4. ჯამაგირი წლიურად ერთს 4800 მ. შიკრიკი 1. ჯამაგირი წლიურად ერთს 3600 მან., წლიური ხარჯი ერთი რაიონის კანცელარიისა 29700 მ. არსებობს 14 საგადასახდლო რაიონი. წლიური ხარჯი ყველა გადასახდთა რაიონების კანცელარიისა 415800 მ. ყველას სექტემბრის პირველიდან წლის დამლევამდე 138600 მ.

ტფილისის მაზრაში საქმის მწარმოებელი 1. ჯამაგირი წლიურად ერთს 6900 მ. რეგისტრატორები 3. ჯამაგირი წლიურად ერთს 4800 მ. შიკრიკი 1. ჯამაგირი წლიურად 3600 მ. წლიური ხარჯი ერთი რაიონის კანცელარიისა 24900 მ. არსებობს 1 საგადასახდლო რაიონი. წლიური ხარჯი ყველა გადასახდთა რაიონების კანცელარიისა 24900 მ. ყველას სექტემბრის პირველიდან წლის დამლევამდე 8300 მ.

ქ. ფოთში ქუთაისში და სოხუმში საქმის მწარმოებელი 1. ჯამაგირი წლიურად ერთს 6300 მან., რეგისტრატორები 3. ჯამაგირი წლიურად ერთს 4500 მ. შიკრიკი 1. ჯამაგირი წლიურად ერთს 3300 მ. წლიური ხარჯი ერთი რაიონის კანცელარიისა 23100 მ. არსებობს 5 საგადასახდლო რაიონი. წლიური ხარჯი ყველა გადასახდთა რაიონების კანცელარიისა 115500 მ. ყველას სექტემბრის პირველიდან წლის დამლევამდე 38500 მ.

ქუთაისის მაზრასა და სოხუმის ოლქში საქმის მწარმოებელი 1. ჯამაგირი წლიურად ერთს 6300 მან. რეგისტრატორები 2. ჯამაგირი წლიურად ერთს 4500 მ. შიკრიკი 1. ჯამაგირი წლიურად ერთს 3300 მან. წლიური ხარჯი ერთი რაიონის კანცელარიისა 18600 მან. არსებობს 3 საგადასახდლო რაიონი. წლიური ხარჯი ყველა გადასახდთა რაიონების კანცელარიისა 55800 მან. ყველას სექტემბრის პირველიდან წლის დამლევამდე 18600 მან.

დანარჩენი მაზრებისა და ზაქათალის ოლქში საქმის მწარმოებელი 1. ჯამაგირი წლიურად ერთს 5700 მან. რეგისტრატორები 2. ჯამაგირი წლიურად ერთს 4200 მ. წლიური ხარჯი ერთი რაიონის კანცელარიისა 14100 მან.; არსებობს 16 საგადასახდლო რაიონი. წლიური ხარჯი ყველა გადასახდთა რაიონების კანცელარიისა 225600 მან. ყველას სექტემბრის პირველიდან წლის დამლევამდე 75200 მან.

სულ წლიური ხარჯი ყველა გადასახდთა რაიონების კანცელარიისა 836600 მან. ყველას სექტემბრის პირველიდან წლის დამლევამდე 279200 მან

თავმჯდომარე. ვის სურს სიტყვა ხარჯთ-აღრიცხვის შესახებ? ვინ არის წინააღმდეგი? მიღებულია. საერთოდ კანონ-პროექტის წინააღმდეგ ვინ არის?



მიღებულია და გადაეცემა სარედაქციო კომისიას. შემდეგი კანონ-პროექტი მომხსენებელია პეტრე ქავთარაძე.

კანონ-პროექტი სააქციზო უწყების ორგანიზაციის შესახებ.

პ. ქავთარაძე. კანონ პროექტი სააქციზო უწყების ორგანიზაციების შესახებ. რასაკვირველია, რადგანაც შემცირდა ტერიტორია ამიერ-კავკასიისა სააქციზო სამართველოს სათანადოდ შემცირება უნდა მომხდარიყო; მართლაც მოხდა ამ სამართველოს რეორგანიზაცია და ამიტომ არის წარმოდგენილი ეს კანონ-პროექტი სააქციზო უწყების ორგანიზაციების შესახებ საქართველოს ტერიტორიაზე.

თავმჯდომარე. ვის ნებაგს სიტყვა კანონ-პროექტის შესახებ? ვინ არის წინააღმდეგ კანონ პროექტის მუხლობრივ განხილვისა? გოხოვთ წაიკითხოთ პირველი მუხლი.

პეტრე ქავთარაძე (კითხულობს) კანონ-პროექტი სააქციზო უწყების ორგანიზაციისა საქართველოს ტერიტორიაზე.

1. ამიერ-კავკასიის სააქციზო სამართველო და მისი ოლქი: I, II, VI და VIII 1918 წლის პირველ მარამობისთვიდან უქმდებიან და ყველა ამ დაწესებულებათა მოხელეები რჩებიან შტატ გარეშე. ამასთანავე უქმდებიან თანამდებობანი: რევიზორებისა, სამოსამართლო ნაწილის მოხელესი, ტეხნიკისა, საოლქო ზედამხედველისა, მისი თანაშემწეებისა, უფროს და უმცროს კონტროლიორებისა გარდა თამბაქოს ქარხნის კონტროლიორის და აქციზის მეთვალყურეებისა.

თავმჯდომარე. ვის სურს სიტყვა? ვინ არის წინააღმდეგი? მიღებულია.

პეტრე ქავთარაძე (კითხულობს) 2. ის მოხელენი, რომელნიც არ იქნებიან ხელახლად დანიშნულნი ახლად დაარსებულ სააქციზო სამართველოში რაიმე ადგილზე, თანახმად 5 ივლისის 1918 წ. გამოცემულ კანონისა, მიიღებენ სალიკვიდაციო დახმარებას.

თავმჯდომარე. ვინ არის წინააღმდეგი? მიღებულია.

პეტრე ქავთარაძე (კითხულობს) **შენიშვნა 1.** ბათუმის სააქციზო ოლქი, თანახმად 20 ივლისის კანონისა ითვლება გაუქმებულად 1918 წ. პირველ ივლისიდან. ამავე რიცხვიდან პირველ ივლისიდან ითვლებიან დათხოვნილად აღნიშნულ ოლქის მოხელენი, რომელთაც ამასთანავე ესპობათ უფლება სალიკვიდაციო დახმარების მიღებაზე.

თავმჯდომარე. ვის სურს სიტყვა ამ შენიშვნის შესახებ? ვინ არის წინააღმდეგი? მიღებულია.

პეტრე ქავთარაძე (კითხულობს) **შენიშვნა 2:** ის მოხელენი, რომელნიც 1918 წ. წლის 26 მაისამდე დროებით სამუშაოთ იყვნენ მოწვეულნი ყოფილ ამიერ-კავკასიის სხვა და სხვა ოლქებიდან საქართველოს ტერიტორიის მოყოლილ ფარგლებში მიიღებენ სალიკვიდაციო დახმარებას.

თავმჯდომარე. ვინ არის წინააღმდეგი? მიღებულია.

პეტრე ქავთარაძე (კითხულობს) 3. სააქციზო სამართველო არსდება ქალტფილისში. ეს სამართველო განაგებს საქართველოში აქციზის ყოველნაირ დარგის საქმეს შემდეგი შემადგენლობით: სამართველოს უფროსი, მისი თანაშემწენი, მდივანი და ბუღალტერი თანაშემწეებით, რეგისტრატორები და მბეჭდავ მანქანაზე მომუშავენი.

თავმჯდომარე. ვინ არის წინააღმდეგი? მიღებულია.



პეტრე ქავთარაძე (კითხულობს) 4. როგორც ქალაქებში, აგრეთვე მარტვილში ადგილობრივ სააქციზო საქმეებს განაგებენ ინსპექტორები თავისი უფროსი და უმცროსი თანაშემწეებით და კონტროლიორებით.

თავმჯდომარე. ვინ არის წინააღმდეგი? მიღებულია.

პეტრე ქავთარაძე (კითხულობს) **შენიშვნა**: კონტროლიორები ინიშნებიან მხოლოდ თამბაქოს ქარხნების ზედამხედველად.

თავმჯდომარე. ვინ არის წინააღმდეგი? მიღებულია.

პ. ქავთარაძე (კითხულობს) 5. სამართველოს უფროსი საქართველოში განაგებს, სათანადო კანონების მიხედვით აწესრიგებს და ხელმძღვანელობს სააქციზო გადასახადების საქმის წარმოებას, იცავს ხაზინის ინტერესს, იღებს კანონიერ ზომებს შემოსავლის გასაზღვრებლად და არის ამასთანავე პასუხისმგებელი აქციზის საქმის აღორძინება განვითარებაში.

თავმჯდომარე. ვინ არის წინააღმდეგი? მიღებულია.

პეტრე ქავთარაძე (კითხულობს) 6. თანაშემწენი უფროსისა ასრულებენ ყველა იმ საქმეებს, რასაც ავალებს მათ უფროსი: ახდენენ რევიზიას მოხელეთა მოქმედების შესახებ, განაგებენ კანცელარიას და ასრულებენ უფროსის მოვალეობას, როდესაც უკანასკნელი, რაიმე მიზეზის გამო, არ იმყოფება თავის ადგილზე.

თავმჯდომარე. ვინ არის წინააღმდეგი? მიღებულია.

პეტრე ქავთარაძე (კითხულობს) 7. ინსპექტორებს ევალებათ მიიღონ ყოველნაირი კანონიერი ღონისძიება, რომ სააქციზო გადასახადების საქმე მათდამი რწმუნებულ საზღვრებში სრულდებოდეს მტკიცედ და წესიერად. ამასთანავე იგინი უწევენ საჭირო ხელმძღვანელობას თავიანთ თანაშემწეებს და თამბაქოს ქარხნის კონტროლიორებს.

თავმჯდომარე. ვინ არის წინააღმდეგი? მიღებულია.

პეტრე ქავთარაძე (კითხულობს) 8. სააქციზო სამართველოს უფროსი ინიშნება მთავრობისაგან, თანახმად ფინანსთა მინისტრის წარდგენისა.

თავმჯდომარე. ვინ არის წინააღმდეგი? მიღებულია.

პეტრე ქავთარაძე (კითხულობს) 9. სამართველოს უფროსის თანაშემწეებს, ინსპექტორებს და მათ თანაშემწეებს ნიშნავს ფინანსთა მინისტრი სააქციზო სამართველოს უფროსის წარდგენით, დანარჩენ მოხელეთ ნიშნავს სამართველოს უფროსი.

თავმჯდომარე. ვინ არის წინააღმდეგი? მიღებულია.


პეტრე ქავთარაძე (კითხულობს) 10. რიცხვი ამ კანონ-პროექტში აღნიშნულ მოხელეთა და რაოდენობა მათი ჯამაგირებისა აღნიშნულია ამასთანავე დართულ შტატებში.

თავმჯდომარე. ვინ არის წინააღმდეგი? მიღებულია.

პეტრე ქავთარაძე (კითხულობს) 11. ყველა საქმეები და ქონება ამიერკავკასიის სააქციზო სამართველოსი და აგრეთვე I, II და VI ოლქებისა გადაღის საქართველოს რესპუბლიკის სააქციზო სამართველოს ხელში, მასვე გადაეცემა საქმეები იმ ვაჭრობა-მრეწველობათა შესახებ, რომლებიც სწარმოებენ ქუთაისის გუბერნიის და სოხუმის ოლქის საზღვრებში.

თავმჯდომარე. ვინ არის წინააღმდეგი? მიღებულია.

პეტრე ქავთარაძე (კითხულობს) 12. გადაიდოს სახელმწიფო ხაზინიდან სააქციზო უწყებისათვის თანახმად ამ კანონთან დართული შტატებისა 1918 წ. აგვისტოს პირველიდან წლის დამლევამდე სამას ოცდა ცხრამეტი ათასი რუბლის ორმოცდა ხუთი (329845) მანეთი შემდეგი დანაწილებით:





1. ჯამაგირებისათვის 319,745 მან., 2. ბინისათვის 2,100, 3. საკანცელარიო და სხვა სამეურნეო ხარჯებისათვის 1,000 მან. და 4. პროვინციულ ინსპექტორთათვის საქანცელარიო და სხვა ხარჯებისათვის 8,000 მანეთი.

თავმჯდომარე. ვინ არის წინააღმდეგი მეთორმეტე მუხლისა? მიღებულია. გთხოვთ წაიკითხოთ შტატები.

პეტრე ქავთარაძე (კითხულობს) **სააქციო სამმართველოს შტატი.** სამმართველოს უფროსი 1. წლიური ჯამაგირი 12000 მ. საგზაო ხარჯი 2400 მ. 1 აგვისტოდან წლის დამლევამდე 6000 მ.

ზისი თანაშემწე 2. წლიური ჯამაგირი თვითეულს 10200 მ. საგზაო ხარჯი თვითეულს 2400 მ. ყველას წლიურად 25200 მ. ყველას პირველ აგვისტოდან წლის დამლევამდე 10500 მ.

ბუხპალტერი 1. წლიური ჯამაგირი 8700 მ. 1 აგვისტოდან წლის დამლევამდე 8625 მ.

მისი თანაშემწე 3. წლიური ჯამაგირი თვითეულს 7200 მ. ყველას წლიურად 21600 მ. ყველას 1 აგვისტოდან წლის დამლევამდე 9000 მ.

მდივანი 1. წლიური ჯამაგირი 8400 მ. 1 აგვისტოდან წლის დამლევამდე 3500 მ.

მისი თანაშემწე 2. წლიური ჯამაგირი თვითეულს 7200 მ. ყველას წლიურად 14400 მ. ყველას 1 აგვისტოდან წლის დამლევამდე 6000 მ.

საქმის მწარმოებელი I რიგისა 4. წლიური ჯამაგირი თვითეულს 6000 მ. ყველას წლიურად 24000 მ. ყველას 1 აგვისტოდან წლის დამლევამდე 10000 მანეთი.

საქმის მწარმოებელი II რიგისა 4. წლიური ჯამაგირი თვითეულს 5400 მ. ყველას წლიურად 21600 მ. ყველას 1 აგვისტოდან წლის დამლევამდე 9000 მ.

რეგისტრატორი 2. წლიური ჯამაგირი თვითეულს 5400 მ. ყველას წლიურად 10800 მ. ყველას 1 აგვისტოდან წლის დამლევამდე 4500 მ.

მანქანით გადამწერი 2. წლიური ჯამაგირი თვითეულს 4800 მ. ყველას წლიურად 9600 მ. ყველას 1 აგვისტოდან წლის დამლევამდე 4000 მ.

შეკრიკი 3. წლიური ჯამაგირი თვითეულს 3600 მ. ყველას წლიურად 10800 მ. ყველას 1 აგვისტოდან წლის დამლევამდე 4500 მ.

ინსპექტორი.

ქ. ტფილისში 2. წლიური ჯამაგირი თვითეულს 9600 მ. საგზაო ხარჯი თვითეულს 800 მ. ყველას წლიურად 20800 მ. ყველას 1 აგვისტოდან წლის დამლევამდე 8670 მ.

მაზრებში და სხვა ქალაქებში I რიგისა 7. წლიური ჯამაგირი თვითეულს 9600 მ. საგზაო ხარჯი თვითეულს 1500 მ. ყველას წლიურად 77700 მ. ყველას 1 აგვისტოდან წლის დამლევამდე 32375 მ.

II რიგისა 7. წლიური ჯამაგირი თვითეულს 9000 მ. საგზაო ხარჯი თვითეულს 1500 მ. ყველას წლიურად 73500 მ. ყველას 1 აგვისტოდან წლის დამლევამდე 30500 მ.

ინსპექტორის თანაშემწე ქ. ტფილისში 12. წლიური ჯამაგირი თვითეულს 6600 მ. საგზაო ხარჯი თვითეულს 600 მ. ყველას წლიურად 86400 მ. ყველას 1 აგვისტოდან წლის დამლევამდე 3600 მ.

მაზრებში 25. წლიური ჯამაგირი თვითეულს 660 მ. საგზაო ხარჯი თვითეულს 960 მ. ყველას წლიურად 189000 მ. ყველას 1 აგვისტოდან წლის დამლევამდე 78750 მ.

უმცროსი თანაშემწე 20. წლიური ჯამაგირი თვითეულს 600 მ. საგზაო



ხარჯი თვითეულს 960 ზ. ყველას წლიურად 139200 ზ. ყველას 1 აგვისტოდან წლის დამლევამდე 23200 ზ.

თამბაქოს ქარხნების კონტროლიორი 15. წლიური ჯამაგირი თვითეულს 6000 ზ. ყველას წლიურად 90000 ზ. ყველას 1 აგვისტოდან წლის დამლევამდე 37500 ზ.

სოხუმის ინსპექტორის საქმის მწარმოებელი 1. წლიური ჯამაგირი 4800 ზ. 1 აგვისტოდან წლის დამლევამდე 2000 ზ.

სულ ყველას წლიურად 850900 ზ. ყველას 1 აგვისტოდან წლის დამლევამდე 319745 ზ.

დამატებანი.

1. აქციონის სამმართველოს ბინის ქირა 2100 ზ.

2. საკანცელარიო, გათბობა, განათება და სხვა სამეურნეო ხარჯი 10000 მანეთი.

3. ქ. ქ. ქუთაისში, ფოთში, ზესტაფონში, სიღნაღში, თელავში და გორში, ექვს ინსპექტორს უნდა მიეცეს წლიურ საკანცელარიო ხარჯად 2000 მ თვითეულს. სოხუმში 1000 ზ. და დანარჩენს ცხრას 600 მან. თვითეულს. ხოლო წლის დამლევამდე 8000 მან.

სულ 339845 ზ.

თავმჯდომარე, ვინ არის წინააღმდეგი ამ შტატებისა? მიღებულია. კენჭს უყრი საერთოდ კანონ-პროექტს. მიღებულია და გადაეცემა კომისიას.

შემდეგი კანონ პროექტი. მომხსენებელია ცინცაძე.

კანონ-პროექტი გურიის უმაღლეს დაწყებითი სასწავლებელთათვის ერთდროულ დახმარების შესახებ.

ნოე ცინცაძე (სოც.-დემ.) კანონ-პროექტი გურიის უმაღლეს დაწყებით სასწავლებლებსთვის ერთ დროული დახმარების შესახებ. განათლების სამინისტროში ოზურგეთის მაზრის ზოგიერთ საზოგადოებისაგან ამ სამოსწავლო წლის დასაწყისში შემოვიდა შუადგომლობა უმაღლეს დაწყების სკოლების შესახებ; ამ საზოგადოებთან ერთათ ახალი უმაღლეს დასაწყისი სკოლებიც თხოულობენ, რომ ამ სკოლების შენახვა ხაზინამ მიიღოს თავის თავზე. განათლების სამინისტრო და მერე განათლების კომისიამ განიხილა ეს შუადგომლობა, და სწოლ მხოლოდ ისეთ საზოგადოების მოთხოვნების დაკმაყოფილება, რომელნიც წარმოადგენენ ისეთ სასწავლებლებს, რომლებსაც ამ მაზრაში უკავია ერთნაირი ცენტრალური ადგილი, სხვათაშორის, ჩოხატაურის საზოგადოების უმაღლეს დაწყებითი სკოლა. რაც შეეხება სხვა უმაღლეს დაწყებით სკოლებს, და იმათ რიცხვი გურიაში არის 22. იმათ შესახებ—კომისიას ჰქონდა სპეციალური მსჯელობა და დადგენილება, რომ ზოგი ერთ მათგანს მიეცეს ერთდროული დახმარება. დახმარება უნდა მიეცეს თანახმათ იმ კანონ-პროექტისა უმაღლეს დაწყებითი სკოლების შესახებ. ამათში ლიხაურის უმაღლეს დაწყებით სკოლა მეტად დაზიანდა ოსმალების შემოსვლის დროს. შენობას რემონტი ესაჭიროება, ოსმალებმა აგრეთვე სხვა და სხვა ხელსაწყო ნივთი დაკარგეს, დაამსხვრიეს. ამ მხრივ, ესაჭიროება ერთდროული დახმარება, აგრეთვე სხვა საზოგადოების უმაღლეს დაწყების სკოლებსაც და მათაც უნდა აღმოუჩინოთ დახმარება. კანონ-პროექტის თანახმათ თვითეულს 3000 მანეთი უნდა მიეცეს და მამასადამე, საერთოდ ამ ოთხ უმაღლეს დაწყებით სკოლებს უნდა მიეცეს საერთოდ 12000 მან. თანახმად ამ კანონ-პროექტისა.



თავმჯდომარე. ვის ნებავეს სიტყვა? ვინ არის წინააღმდეგი, რომ მუხლიანი რიგ განვიხილოთ კანონ-პროექტი? გთხოვთ წაიკითხოთ 1 მუხლი.

ნოე ცინცაძე (კითხულობს). 1. მიეცეს სახელმწიფო ხაზინიდან ერთდროული დახმარება ლიხაურის, აცანის, ამილგების და ბახვის უმაღლეს-დაწყებით სსსწავლებელთ, თათოს სამი ათასი მანეთი, სულ თორმეტი ათასი (12000) მანეთი.

თავმჯდომარე. ვის ჰსურს სიტყვა? მუხლი მიღებულია. კენჭს უყრი საერთოდ კანონ-პროექტს. ვინ არის წინააღმდეგი? მიღებულია და გადაეცემა სარედაქციო კომისიას.

კანონ-პროექტი 200 მილიონის ბონის ახლად გამოცემის შესახებ.

თავმჯდომარე. ეხლა ჩვენ შეუდგებით იმ კანონ-პროექტის განხილვას, რომელიც წარმოდგენილი არის ფინანსთა უწყების მიერ ბონების შესახებ მომხსენებელი არის პარლამენტის წევრი ცინცაძე.

ნოე ცინცაძე. (ს. დ.) მოგვხსენებთ, ბატონებო, რომ თანახმად თქვენის დადგენილებისა, თქვენ მიანიჭეთ ერთნაირი საემისიო უფლება ჩვენ მთავრობას, თანახმათ იმ ხელშეკრულებისა, რომელიც იყო დადებული ერთის მხრივ სომხების, მეორეს მხრივ ადერბეიჯანის მთავრობასთან. ეხლა ეს საემისიო უფლება, რომელიც თქვენ მიანიჭეთ თქვენის დადგენილებით, უკვე ამოიწურა. მაშასადამე, ჩვენ წინაშე ეხლა დანისვა საკითხი ისევ ამ ბონების შესახებ. მთავრობამ ამ შემთხვევაში, უკვე გადადგა სათანადო ნაბიჯები და მიიღო ზომები ამის შესახებ, რომ მომხდარიყო ხელახლათ შეთანხმება ამ რესპუბლიკებთან. შეთანხმება უკვე მოხდა ადერბეიჯანის მთავრობასთან და თანახმად ამ შეთანხმებისა ადერბეიჯანის მთავრობამ და საქართველოს მთავრობამ უნდა გამოსცენ 160 მილ. მანეთის ბონები. მხოლოდ, როცა საფინანსო კომისიამ განიხილა ეს ხელშეკრულება, მან დაინახა საჭიროდ, რომ გამოცემული იქნეს არა 160 მილ. მანეთის ბონები, არამედ 200 მილ. მანეთისა. მაშასადამე ის კანონ-პროექტი, რომელიც არის აქ წარმოდგენილი, შეიცავს აი ამ ემისიის უფლების გაგრძელებას. ასე რომ გამოცემულ უნდა იქნეს 200 მილ. მანეთის ბონები. თუმცა მართალია, ხელშეკრულება დადებულია 160 მილ. მანეთზე, მაგრამ კანონ-პროექტში არის 200 მილ. მან. მომავალში შესაძლებელი იქნება, რომ შეთანხმება მოხდეს ამ დამატებითი 40 მილ. მანეთზედაც ადერბეიჯანის მთავრობასთან, და მაშინ, თუ შეთანხმება მოხდა, ამ კანონ-პროექტის თანახმად შესაძლებელი იქნება ამ 200 მან. მილ. ბონების გამოცემისა.

ეს წინასწარი ხელშეკრულება, რომელიც დადებულია ადერბეიჯანის მთავრობასთან განსხვავდება ცოტა რამით იმ ხელშეკრულებისაგან, რომელიც დადებული იყო წინად, ერთის მხრივ, ადერბეიჯანის და, მეორეს მხრივ, სომხების მთავრობებთან. განსხვავება მდგომარეობს შემდეგში: ნება მიბოძება წავიკითხო ის მუხლები, რომელიც ამ განსხვავებას შეეხება. ერთი მუხლი, მუხლი მე-4 ამბობს: (კითხულობს).

მაშასადამე თანახმად ამ ხელშეკრულებისა, ჩვენ 25 ნოემბერს უნდა მივცეთ ადერბეიჯანის მთავრობას ის, რაც მათ ეკუთვნის, თანახმათ 6 სექტემბრის ხელშეკრულებისა. საქმე იმაშია, რომ სავსებით მათი საემისიო უფლება ამ შემთხვევაში არ ამოიწურულა და 25 ნოემბერს ჩვენ სავსებით უნდა დავაკმაყოფილოთ ადერბეიჯანი. თუ არ დავაკმაყოფილეთ, მაშინ 25 ნოემბერის შემდეგ, ჩვენ იძულებულნი ვიქნებით ბონები გამოვცეთ დროებით, სანამ და-



ვაკმაყოფილებთ მხოლოდ მათ მოთხოვნილებას, ე. ი. აზერბეიჯანის მთავრობას. ეს არის ერთი მუხლი. ამ მუხლის შესახებ ჩვენ მივიღეთ განმარტება ფინანსთა სამინისტროსი, რომ შესაძლებელი იქნება ეხლანდელ პირობებში ამ მოთხოვნალების დაკმაყოფილება.

მეორე მუხლი, რომელიც შეიცავს ამ მოთხოვნალებას სახელდობრ მე-7-ე მუხლი მდგომარეობს შემდეგში: (კითხულობს)

მაშასადამე, ეხლა, ეს საემისსიო უფლება, რომელიც მიენიჭა მთავრობას, თუ თქვენ მიიღებთ ამ კანონ პროექტს, როცა ეს უფლება ამოიწურება, მაშინ არც ერთ მხარეს არ ექნება უფლება გააოსცეს ახალი ბონები თუ ახლად არ გაიმეორეთ ეს ხელშეკრულება.

აი ეს მუხლი და ამის მგავსი მუხლი იყო წინანდელ ხელშეკრულებაში. ხელშეკრულება ჩვენმა მთავრობამ წინდაწინ დასდო მხოლოდ ადერბეიჯანის მთავრობასთან. სომხების მთავრობასთან ჯერჯერობით არ არის დადებული ასეთი ხელშეკრულება. სიმაგიეროდ წინად ჩვენ ხელშეკრულება დავდეთ პირველად სომხების მთავრობასთან და შემდეგ აზერბეიჯანის მთავრობასთან იქნა დადებული სპეციალური ხელშეკრულება.

6 სექტემბრის ხელშეკრულებით ჩვენ განვახორციელეთ ის დადგენილება, რომელიც მიიღო ჩვენმა პარლამენტმა.

მაშასადამე, ამ შემთხვევაში, განსხვავება მდგომარეობს იმაში, რომ ჩვენ პირველი ხელშეკრულება დავდეთ ადერბეიჯანის რესპუბლიკის მთავრობასთან, მომავალში თუ არარატის რესპუბლიკა მიისურვებს მაშინ განსაკუთრებულ ხელშეკრულების თანახმად, რომელიც დადებულ იქნება ამ რესპუბლიკასთან, ჩვენ შეგვეძლება იმათაც მივცეთ ბონების ნაწილი, როგორც ეს იყო წარსულში.

თავშედიშარე. ვის ნებაეს სიტყვა? არავის. ვთხოვეთ წაიკითხოთ პირველი მუხლი.

5. ცინცაძე. (კითხულობს. პირველი მუხლი) 1. საქართველოს პარლამენტი უფლებას აძლევს მთავრობას გამოსცეს კიდევ ამიერ-კავკასიის კომისარიატის ბონები გარდა უკვე გამოცემულ 580 მილიონისა, ადერბეიჯანის მთავრობასთან შეთანხმებით ორასი მილიონი ბონი, რომლისაგან ასი მილიონი მანეთი უნდა მიეცეს ადერბეიჯანის მთავრობას და ასი მილიონი მანეთი დარჩეს საქართველოს მთავრობის განკარგულებაში. პასუხისმგებლობა ამ ორასი მილიონი მანეთი ბონისა ედება ორსავე რესპუბლიკას, საქართველოს და ადერბეიჯანს თანახმად განსაკუთრებულ ხელშეკრულებას.

თავშედიშარე. სიტყვა ეკუთვნის პარლამენტის წევრს გრ. ვეშაპილს.

გრიგელ ვეშაპელი (დ. ნ. დ.) ბატონებო! ეს საკითხი ისე ჰგავს იმ ანონ-პროექტს, რომლითაც პირველად გადაწყდა საერთოდ ბონების გამოცემის გაგრძელება, რომ არკუმენტები ორივე მხრისა იქნება ის მოწინააღმდეგე, თუ მომხრე, როგორც მაშინ, ისე ეხლა, თითქმის ერთი და იგივეა. მხოლოდ დღევანდელ პირობების მიხედვით საჭირო არის ზოგი რამის მოკონება და გახსენება.

მე დავისწაბი საფინანსო კომისიის კრებას მაშინ, როცა ამ საკითხზე იყო მსჯელობა, უწყების წარმომადგენლს თანდაწრებით, — თუ თ ბატონი მინისტრი მაშინ იქ ბრძანდებოდა. ამ კრებაზე ჩემთვის სრული დ გამოიჩვენა, რომ საერთო ამიერ-კავკასიის ბონების გამოცემა აუაფრით არ სჯობს ქართულ ბონების გამოცემას, გარდა იმისა, რომ ამიერ-კავკასიის ბონების გამოცე-



მის მომხრეებს არ სურთ, ვითომც წინდაწინ დაახურდავონ, თუ შეიძლება ავითქვას, ფსიქოლოგიურად და მორალურად ქართველი ბონების სახელი, ან ღიღეა. ამიერ-კავკასიის ბონების მომხრენი ამბობდნენ, რადგანაც დღევანდელ ჩვენ შინაურ ცხოვრებაში თუ იმდენად ბატონობენ გარეშე პირობები, რომ რაც უნდა წინ გასწიოთ შინაური ორგანოები, მაინც გარეშე პირობები უარპყოფენ ნორმალურ ცხოვრებას და სძლიევენ მას, რადგანაც ეს ქართული ბონის ნამდვილ ვალიუტას,—ოქროს რომ თავი დავი დავანებოთ, ჩვეულებრივ კრედიტის ბილეთებს,—აი ამიტომ ჩვენ ისევე განვაგრძობთ ძველი ამიერ კავკასიის ბონების ბეჭედა. ქართული ბონების გამოცემა გადავდოთ იმ დრომდის, სანამ საერთაშორისო და საერთო საშინაო პირობები ისე არ მოეწყობა, რომ ქართულ ბონას ნამდვილი მანეთის, ან და სხვა ფულის ერთეულის მნიშვნელობა ექნება. ჯერ ნუ დავახურდავებთ, ნუ გავუფუჭებთ სახელს ამ ქართულ ბონისას“-ო.

ამის გარდა არც ერთი მოსაზრება, რომელიც დასაჯერელი ყოფილიყო ფინანსთა კომისიაში, არავის არ წამოთუყენებია.

ფინანსთა კომისიაში არავინ არ უარ პყოფდა იმას, რომ არა ნორმალური არის, როდესაც დამოუკიდებელი სახელმწიფო ასეთი ფულით იწყობს თავის საქმეს, ისეთი ფულით, რომელიც არ არის სახელმწიფოებრივი, არამედ არის სახელმწიფოს გარეშე რაღაცა ფორმისა, ისიც ისეთი ფორმისა, რომელიც არის ნაშთი უკვე დანგრეული სახელმწიფოსი. ის პოლიტიკური ფაქტი, რომ დამოუკიდებელ საქართველოს ფულად აქვს დანგრეულ, არა არსებულ ამიერკავკასიის რესპუბლიკის ბონები, არა თუ რესპუბლიკის—ამიერ-კავკასიის კომისარიატისა, ე. ი. იმ დროისა, როდესაც ამიერ-კავკასიის მთავრობა იყო ასე თუ ისე რწმუნებული და კონტრაგენტი ძველი რუსეთის მთავრობისა, ეს ფაქტი, საერთაშორისო პოლიტიკის მიხედვით, არა თუ საშინაო პოლიტიკის მიხედვით, ნაციონალისტებისათვისაც მიუღებელია და უარსაყოფი.

ეს ერთი-პოლიტიკური მოსაზრება.

მეორე—ეკონომური.

სახელმწიფოსთვის ისეთი ქალაღს ფულის გამოცემა, რომლის ნაწილი ავტომატურად ეძლევა მეზობელ სახელმწიფოს, ისეთ სახელმწიფოს, რომელთანაც არ არის მუდმივ გარკვეული ეკონომიური კავშირი, ძალიან სახიფათოა, იმიტომ რომ, თუ მივიღებთ მხედველობაში იმას, რომ შედარებით. არც ისეთი დიდია ფინანსიური ტრადიცია საქართველოში, უნდა გვეშინოდეს, რომ მეზობელ სახელმწიფოს მთავრობას, რომ თავი დავანებოთ მეზობელ ერებს ან დემოკრატიის უსათუოდ შეძლება ექნება საქიროების დროს ამ საერთო ფულის ნაწილის გამოცემაში გაელუნა იქონიოს ჩვენ ცხოვრებაზე. მაგალითად, შესაძლებელი არის, რომ სწორედ იმ ფულათ, რომელსაც უნაწილებთ მეზობელ სახელმწიფოს.—მან თავისი სახელმწიფო კი არ ცხოვრობს, არამედ აქვე შეისყიდოს რეალური საქონელი და გაიტანოს. ამის გარდა, რასაკერაველია, ვერავინ ვერ უარპყოფდა და ვერც უარ პყოფს იმ ფაქტს, რომ რადგანაც გამოურკვეველია საერთაშორისო მდგომარეობა მეზობელ სახელმწიფოებისა და ჩვენს საერთაშორისო მდგომარეობა კი უფრო გამორკვეულია პირდაპირ ერთ გვარი წაგება არის საერთაშორისო პოლიტიკის მიხედვით, როდესაც ჩვენი ფინანსიური სისტემა აშენებულია იმ მხარესთან შეთანხმებაზე, რომლის არსებობა ჯერ არავის უცნია და თუ ვინაგარიშებთ მათ საერთაშორისო მდგომარეობას, შეიძლება გაცილებით უფრო სათუო იყოს, ბევრად უფრო სათუო, ვიდრე ჩვენი დამოუკი-



დებელი სახელმწიფოს საქმე. და რომ ეს ასე არის, ჩვენ ვიცით, ჩვენ ვიცით, რომ ასე იყო ჩვენ სამხრეთ მეზობელ სახელმწიფოს მიმართ. შეიძლება საერთაშორისო მდგომარეობა გამოცვალოს შემდეგში, ყოველ შემთხვევაში, ჩვენ აღმოსავლეთ სახელმწიფოს ისე არა აქვს გარკვეული საერთაშორისო მდგომარეობა, რომ სრულ დამოუკიდებელ და თანასწორ დამოუკიდებელ სახელმწიფოებთან გვქონდეს შეთანხმება, და ამაზედ აშენება ფინანსიურ სისტემისა ცხად გაურკვეველი საგანი არის და რასაკვირველია აქ წააგებს ის, ვისაც უფრო გარკვეული მდგომარეობა აქვს. თუ რამ მოხდა მერე ანგარიში—ეს დატყდება თავზე, რასაკვირველია იმას. ვინც ინიციატივას კისრულობს ამ საერთო კავკასიის ბონების გამოცემაში: სომხების უსიამოვნებამ, მეტი რომ არა ესთქვათ, საზღვრების შესახებ, რომელიც ჯერაც არ გათავებულა, რომელიც დასმულია და ვითომც უნდა გადასწყვეტოს კონფერენციამ, მაგრამ ჩვენ არ ვიცით რამდენათ მოახერხებს ეს კონფერენცია ამ საკითხის გადაწყვეტას. ამ უსიამოვნებამ ნათლათ დაამტკიცა, რომ ბონების მიცემა, ფულის ბეჭდვა სახელმწიფოში და ნახევრის, ან $\frac{1}{3}$ -ის გაცემა იქითკენ, საიდანაც საფრთხე მოდის პირდაპირ სამხედრო მოქმედება, შეადგენს ხანდ-ხან ანტი სახელმწიფოებრივ საქმეს და ალბათ ამითი იყო გამოწვეული, რომ კონვლექტის გამწვავების დროს, ბონების მიცემა შეჩერდა და ამ შემთხვევაში რეალური პოლიტიკა ამას მოითხოვს. საქმე იმაშია კი არ არის, რომ მარტო კონვლექტის დროს შეჩერდეს დროებით ბონების მიცემა, რა გამოვა ამით? თუ ვიკულისხმებთ საერთო სერიოზულ საწინააღმდეგო საქმეს მეზობელ სახელმწიფოსთან ჩვენი საზღვრების შესახებ მაშინ რასაკვირველია, მეზობელი სახელმწიფო მარტო 3-4 დღის განმავლობაში არ მოახდენს ფინანსთა მობილიზაციას, არამედ წინ მოახდენს, და გამოვა, რომ ხანდ-ხან ჩვენ თითონ ვამაგრებთ ფინანსებთ იმას, ვინც ელავება, ან ძალიან სურს გამოეღავოს ჩვენ საზღვრებს.

ა. ც იმის უარყოფა შეიძლება, რომ საერთოდ უხერხულია არა არსებულ კომისარიატის ბონების გამოცემის გაგრძელება, ამიტომ საფინანსო კომისიაში კიდევ იყო პროექტი ზოგიერთ წარწერების შეცვლის შესახებ, მაგრამ, ბოლოს აი იმ თვალსაზრისით, რომ ქართული ბონების იდეა შევინახოთ უკეთეს დროისათვის, ამითი რაღაცა, ისე გაჩუქეს საერთოდ ყველა მომხრენი ეხლავე ქართული ფულის გამოცემა, რომ სამინისტროს და საფინანსო კომისიას დასტური მიეცეს, რომ დაწყეთ მოლაპარაკება საერთო ბონების გამოცემის შესახებ.

და ყველაზედ მეტი უფრო მაკარი არგუმენტი ამიერ-კავკასიის ბონების გაგზავლებისა ეს იყო, და როგორც იყო მაშინ, ისე ეხლაც არის.

აქ აღინიშნავია კიდევ ტენიკური ნხარე. კიდევ რომ დადგეს პარლამენტში საკითხი, რომ უკეთესია გამოვეყნოთ ქართული ფული, ვიდრე ამიერ-კავკასიისა, — პროექტიკულათ ე, არ მოხერხდება და გვეტყვიან კიდევ, რომ ეს არ მოხერხდება და კიდევაც დაგვმჩიებენ იმას, რომ არ არის მომზადებული საჭირო ძასალა და საჭირო საგნები. თქვენ იცით, რომ ფულს უნდა რაიმე ნიშანი სახელმწიფოსი, ან ღერო, ან და სურათი დამტკიცებული სათანადო წესით, მერმე საჭიროა კლავი, ისე გაკეთებული, რომ ყველა ლიტოგრაფიას არ შეეძლოს იმ გვარად ფულის ნიშნის დაბეჭდვა, როგორც ეს წინად ხდებოდა (გაბაშვილი — ეხლაც ხდება) კავკასიაში. და არც ერთი ასეთი რამე ამ საქმეში გაკეთებული არ არის. ამას დაწყებებით დადვიტობს სამინისტროს წარმომადგენელი, რომ ჩვენ პარლამენტს შეეშინდეს და უარყოფს კანონ-პროექტი



ქართულ ბონების შესახებ. აქ ჩვენ დაგვიმტკიცებენ, რომ ტენიკურად ეს ყოველად შეუძლებელია, რომ ჯერ ღერბი არ არის დამტკიცებული, — იდეა მიღებულია, მაგრამ სურათი არ არის დამტკიცებული, კლიშეების შესახებ არაფერი არ არის გაკეთებული, ამას უნდა საზღვარ გარედ გაკეთება. გავა რამდენიმე ხანი და ამ რამდენიმე ხანში ჩვენ ვიქნებით ბანკოტები და ამ ბანკოტების შიშით გააბათილებენ ყველა იმ მოსაზრებებს, რომელიც ექნებათ ქართული ბონების მომხრეებს. კლიშეს საკითხი, ტენიკური საკითხი, რომლისთვისაც ჯერ არაფერია გაკეთებული, სწვევტს და გადასწყვეტს კიდევ დღევანდელ საკითხს.

ჩვენ გვეტყვიან, თუ არ განაგრძობთ ძველი ფულის ბეჭდვას, ქართულ ბონებს ვერ დაგებუდავთ, მასალა არა გვაქვს, რომ დაგებულთ, და თუ ვერ დაგებუდავთ სახელმწიფოს ხაზინა კოტორი გახდება და თუ ხაზინა კოტორი გახდება, ანარქია გაჩნდება და სხვა. და ამითი ყველას გააჩუმებენ.

ამის შესახებ უნდა მოგახსენოთ, რომ, როგორც სხვა ბევრ უწყებებში ისე ფინანსთა სამინისტროშიც ჩვენ ვერ ვხედავთ საჭირო ინიციატივას ანეთ საგნების გარკვევაში. ყოველ სამინისტროს უნდა ჰქონდეს პირველ ყოვლისა არა პოლიტიკურად უბრალო დღიური საჭიროების საქმეების ვაი-ვაგლახით გაძლოლის უნარი, არამედ პირველ ყოვლისა უნდა ხედავდეს დამოუკიდებელ სახელმწიფოს პოლიტიკურ პერსპექტივებსაც. მე ვერ წარმომიდგენია, რომ მინისტრი, რომელსაც სწამს გულით და სულით სახელმწიფო, — რომ მას თავისი საქმიანობა არ ჰქონდეს შეწირული სახელმწიფოსთვის, რომ მას, როგორც პიროვნებას, როგორც კოლექტიურ მთავრობის წევრს, აქამდის ვერ მოეხერხებინოს, რომ ამ საქმეში მომზადებულიყოს.

ესთქვავთ, ქართული ბონები არ გამოვევით, შევინახეთ უკეთეს დრომდის, ესთქვავთ, შეიძლება პირობები ადერბეიჯანის და სომხის მთავრობის ათასჯერ უკეთესია: ჩვენ ეკონომიკურ მდგომარეობაზე; მიუხედავად ამისა, ხომ უნდა იყოს პერსპექტივა ქართული ბონის გამოცემისა, პერსპექტივა ქართული სახელმწიფოს ნოწყობისა და მის სისტემისა? უნდა იყოს სახელმწიფოს სისტემა და ვერაფრით ვერ ახსნის იმას, რომ ამ საქმეში, ქართული ფულის დამზადების საქმეში ჯერ ჯერობით ტენიკურად არაფერი გაკეთებულა და უბრალო ტენიკურ მოუწყობლობით შეუძლიანთ გადაწყვიტონ და გადასწყვეტენ კიდევ იმ საკითხს, როგორც გადაწყვიტეს ამ რამდენიმე თვის წინეთ ამ საკითხის გადაწყვეტის დროს, რომ კლიშე არ გვაქვსო. საერთოდ, საკითხი ამ კლიშესა და ყველა იმის შესახებ, რაც საჭიროა დამოუკიდებელ ფინანსთა სისტემისთვის, ეს საკითხი არის საკითხი ფინანსთა სამინისტროს მეთაურებისა და თუ გნებავთ მთელი მთავრობისა: და აი იმიტომ, რომ ჩვენ ვერ ვხედავთ ინიციატივას, ვერ ვხედავთ ვერც ერთ რეალურად ნაბიჯს ამ საკითხის მომზადებისთვის და ვერ ვხედავთ ამ საკითხის პერსპექტივას საფინანსო უწყებაში სწორედ ამისათვის ჩვენ უნდა ვუსაყვედუროთ მას, რომ ჩვენ აქ საქმე გვაქვს არა უბრალო ტენიკასთან, არამედ იმასთან, რომ არა სჩანს სათანადო ინიციატივა, საერთოდ ეროვნულ ფინანსების მოწყობაში და არა სჩანს საუბედუროდ, ყველა იმ უწყებებში, რომელთაც უხდებათ ამ ძირითად ეროვნულ საკითხის გადაწყვეტა — ბონებისა და ჯარისა.

ეს არ იქნება გადახვევა; აქ მე უნდა პარალელი გავიყვანო და ესთქვა ორიოდ სიტყვა.

დღეს, როდესაც ვხედავთ პარადების დროს ჩვენ ჯარს, სანამ არ მიუახლოვდებით ვერ გაიგებთ, რომელ ჯართან გავქვს საქმე. — კავკავიდან მოსულ ბოლშევიკების ჯართან, თუ ქართულ ჯართან. ეს რისი, ან ვისი ბრალია, რომ



სამხედრო სამინისტროს, ისიც ვერ მოუხერხებია, რომ ქუდი მაინც გამოეცვალა ქართული ჯარისთვის, რომ ქართული ჯარი გაიარეს უბრალო რუსულ ჯარისაგან. რომ მოხდეს შეტაკება სამხრეთით, ან და აღმოსავლეთით ყველა ჯარები, მთელი იქნებიან ერთნაირ რუსულ ფორმაში.

არამც თუ მინისტრი, მე არ ვიცო, რომ მოიპოვება ჩვენში ისეთი გენერალი, რომელსაც ქუდა მაინც მიეცა ჯარისთვის, ამისთვისაც ენერგია, ფული და მხატვარი ვერ იშოვნეთ? ჩვენი ჯარისკაცები ჯერაც იმავე შინლით, იმავე ქუდით, იმავე წაღებით, იმავე რუსული კომანდით დადიან და შეგეშინდებათ ხან და ხან, რომ შეხედოთ პარადებს,—ვაი თუ ეს ჯარი რუსული ჯარია და ისევ რუსული ჯარი ჩამოსულა!

ამგვართვე საკითხი ფინანსთა უწყებაში. ნუ თუ აქამდის მინისტრმა, ან მისმა თანაშემწემ ვერ მოახერხა,—მიუხედავად იმისა, რომ მისი დეჟურგაციები უცხოეთშიაც წავიდნენ, ზოგი უკრაინაშიც, ზოგიც გერმანიაში ხელშეკრულების გამო,—ნუ თუ აქამდის ვერ მოახერხა, რომ ქართულ ფულს ცემდეს. ნუ, თუ აქამდის შეუძლებელი გახდა, რომ ის ფული, რომელსაც ცემს სახელმწიფო,—იყოს ქართული ფული და ჩვენზე დამოკიდებული. ნუ თუ ვერ მოახერხა, რომ ამ საქმეში გაეკეთებინა რამე. რა აი, ამ მხრივ, ჩვენ შეიძლება დღეს არა გვაქვს საქმე ჩვენი მეზობლების იციტივისთან, მაგრამ მე პირადად არ მეგონა, რომ ასე მალე გადაწყდებოდა შეთანხმება ადერბეიჯანთან. იმიტომ, რომ მე წავიკითხე გაზეთი „აზერბეიჯანი“, მგონი მთავრობის გაზეთია, სადაც პირდაპირ სწერია, რომ კონსტანტინოპოლში უკვე იბეჭდება ოსმალეთის მთავრობის დახმარებით, აზერბეიჯანის ქალაქის ფულიო. უნდა მოგახსენოთ, რომ, როცა ეს წავიკითხე ცოტა არ იყოს გამეხარდა, რადგანაც მომაგონდა ის ისტორია, თუ როგორ ვითარდებოდა საქართველოს პოლიტიკა, საქართველოს დამოუკიდებლობის გამოცხადებამდის. ვიფიქრე: გვეშველა ეხლა იქნება ადერბეიჯანის მთავრობამ მაინც აიღოს ინიციატივა და ძალა უნებურად ჩვენ ქართული ფული გამოგვაცემინოს. მაგრამ, როგორც სჩანს, ან არ გავათავებულა ეს ბეჭედის საკითხი კონსტანტინოპოლში, ან კიდევ სხვა მოსაზრებით, შეიძლება იმ მოსაზრებით, რომ ამ საერთო ფულის გამოცემა უფრო ჩვენთვის არ არის ხელსაყრელი, ვიდრე ჩვენი მეზობლებისთვის, ამიტომ მათ მაინც ხელი მოაწეროს ბონების გამოცემის გაგრძელებას.

მე კი მგონია, თუ ადერბეიჯანის მთავრობამ უკვე მოახერხა, რომ მათი ქალაქის ფული იბეჭდებოდეს კონსტანტინოპოლში, და საერთაშორისო კონფერენცია არ დასჭირებია ამ საკითხისთვის, ჩვენმა მთავრობამ ის მაინც უნდა მოეხერხებინა, რომ კლიშეები ჰქონოდა მზად, რომ თუ არ მოხერხდა შეთანხმება, მაშინ არ ვყოფილიყავით იძულებულნი შევხვეწოდით: „რაც გინდათ ინებეთ, ოღონდ გამოეცეთ ფული იმიტომ, რომ ფული საერთო არის, და თუ ვერ გამოეცით ბანკოტები ვიქნებით“—ო.

რაც შეეხება ერთად ერთ მოსაზრებას, რომელიც შეიძლება საბუთად ჩაითვალოს ერთად ეს არის ის, რომ არა ღირს ქართული ფულის იღების დახურდავება. მე ეს არა მშაპს იმიტომ, რომ თუ ჩვენ დავახურდავეთ ამ ანარქიის დროს ისეთი რამე, რომელიც არის უკეთ იდეა დამოუკიდებელ საქართველოსი, თუ ჩვენ დავახურდავეთ ისეთი იდეა, როგორიც არის ჩვენი კანონმდებლობა პარლამენტით საკანონმდებლო ორგანო და კანონის გამოცემით, თუ კი ჩვენმა მთავრობამ მოაწყო სახელმწიფო კონტროლის შექმნა, თუ კი შემდეგ ვახურდავებთ, ამ ანარქიის დროს, ისეთ გარდამწყვეტელ უკანასკნელ იდეას, როგორიც არის საქართველოს დამფუძლებელი კრება,—რა გახდა ეს ბონების საკითხი, ეს



ქართული ფულა, რომ არ შეიძლებოდეს არას გზით ქართული ბონის „არსის“ გაწევა.

თუ დამოუკიდებლობის „რისკი“ გავწიეთ და, ასე თუ ისე, ვარსებობთ, რა უნდა იყოს ეს ქართული ბონა, თუ ჩვენა ტერიტორია იქნება კარგად დაცული და ბაჟების მხრივ არ იქნება წაგება, არამედ ეს საქმე იქნება საუკეთესოდ მოწყობილი და თვით სახელმწიფო აპარატიც, ასე თუ ისე, მოგვარებული, მაშინ რა გახდება ეს ქართული ბონა, რომ მან ისეთი განსაცდელი რამ აღმოგვიჩინოს, რომ შეიწიროს ჩვენი საქართველოს დამოუკიდებლობა?

თუ საქართველოს სახელმწიფო გაუძღვა ამ რისკს და საერთაშორისო ქარტეხილში გაიარა,—მე მგონია ქართული ბონა შესძლებს არსებობას.

ფინანსთა სამინისტროს პოლიტიკა, თუ პოლიტიკა დაერქმევა იმას, რომ სამინისტრო მხოლოდ იმაზე ზრუნავს, რომ როგორმე დააკმაყოფილოს რიგში ყაწყობილი კრედიტები და დიდძალი მოთხოვნილება და თუ, აპასაც ვერ შესძლებს ისინი მაინც დააკმაყოფილოს, ვისაც უფრო დიდი ძალა აქვს და ვინც უფრო მოითხოვს, ასეთი პოლიტიკა, რომ არ ყოფალიყო, მაშინ ჩვენ გვექნებოდა საქმე არა საერთაშორისო ბონების გაგრძელებასთან, არამედ ქართული ბონების გამოცემასთან.

თავმჯდომარე. სიტყვა ეკუთვნის პარლამენტი წევრ გერონტი ქიქოძეს.

გერ. ქიქოძე (ერ. დემ.) ბატონებო. თუ რამდენად არა ნო-მალურია ჩვენი ფინანსური მდურნობა და ფინანსური პოლიტიკა სჩანს, სხვათა შორის, შემდეგ უბრალო ფაქტებიდან.

სანამ ამიერ-კავკასია და მასთან ერთად საქართველო შეადგენდა რუსეთის ნაწილს, პეტროგრადის ექსპედიცია ჯგზავნიდა ტყელის ხაზის სყოველწლივ ათ მილიონ მანეთს და ეს ათი მილ აკმაყოფილებდა მთელი კავკასიის მოთხოვნილებას.

ამ უქანასკნელ წლის განმავლობაში, ტფილისში არსებულმა პარლამენტმა სამჯერ მისცა მთავრობას სემისიო უფლება.

პირველად ამიერ-კავკასიის პარლამენტმა იანვარში, თუ არა ვცდები 300 მილ. და ეს უფლება უკვ ამოიწურა. ივლისში მეორეჯერ ხელახლად 250 მილ. უფლება. მესამეჯერ ეხლა 200 მ. მალ. მანეთა ვაძლეეთ ამგვარ ამ ათი თუ 11 თვით განმავლობაში პარლამენტმა მისცა 750 მილ. მანეთ საერთო უფლება.

ამ რვაას შტლ. მანეთ ორი მესამედი თუ სამი მეოთხედი უმკველად რჩება საქართველოს ტერიტორიაზე.

თქვენ შეგიძლიანთ წარმოადგინოთ რამდენად დატვირთულია ჩვენი ბაზარი ამ ქალაქის ფულით იმ ტერიტორიაზე, რომელზედაც შეიძლებოდა 2 თუ 3 მილ. ფული შეოდიოდა ყველ წლიურად. ეხლა თითქმის ნახევარი მილიარდი ფული ტრიალებდა.

რასაკვირველია, აღებ-მიცემობის ინტენსივობა საქართველოში იმდენად არ გაზრდიდა, რომ შესაძლებელი იყოს ამოდენა ფულს ნო-მალურად დატრიალება.

შეიძლება აღებ მიცემობის ინტენსივობა რამდენჯერმე გაიზარდა, მაგრამ არა ასჯერ და ორასჯერ.

ეს გარემოება იწვევს არა ჩვეულებრივ, კატასტროფულ დაწევას ქალაქის ფულისას და საშინელ გაძვირებას და არე-დარეკას ეკონომიურ ცხოვრებისას. მართლაც, ფული არსებითად იგივე სა ინელია, დამოკიდებული, მოწოდებასა და მოთხოვნილებას ურთიერთობაზე: მიწოდება 300, 400 ჯერ გაიზარდა და მოთხოვნილება კი სრულიად არ გაზრდილა ან შეიძლება 2—3-



ჯერ, თავისთავად ირღვევა ნორმალური პროპორცია დაშინლად ეცემა კურსს. მითავრისად გაძვირება ცხოვრებისა საქართველოს სახელმწიფოში გამოწვეული არა პურისა და სხვა სანოვავის გაძვირებით. როგორც მოგეხსენებათ პურის დამუშავების რაიონი გაიზარდა ბევრად რუსეთის ჩამოშორების შემდეგ, რადგან იმატა მიწის რენტამ. თვით ამ პოლიტიკამ იქნება საქართველოში გამოიწვია მიწის რენტის გაზრდა. მიწის რენტის გაზრდამ თავის მხრით გამოიწვია მიწის დამუშავებულ რაიონების გაზრდა. მაგრამ მიუხედავად ამისა, პური საშინლად ძვირდება, ძვირდება იმიტომ, რომ საშინლად ეცემა ქალაქის ფულის ფასი. ამგვარად ფინანსური და სასურსათო პრობლემა ერთად არის გადახლართული და სანამ ფინანსურ პრობლემას არ გადაწყვეტთ ვერ შევძლებთ სასურსათო კრიზისის თავიდან აცილებას. რუსეთიდან და უცხოეთიდან რომ დიდძალი პური შემოვიტანოთ, ფასი მარც არ დაიწვეს მით უმეტეს, თუ მთავრობას ახალ და ახალ საემისიო უფლებას მიეცემთ, პურის რაიონების გაზრდასთან ერთად დაეცემა, რასაკვირველია ქალაქის ფულის ფასები. ამის გარდა როგორც მოგეხსენებათ, ჩვენ ღარიბი ხალხი ვართ, არ გვაქვს სხვა რამ შემოსავალი გარდა შინაურ შემოსავლის წყაროებისა. ჩვენ არ შეგვიძლიან ვიქონიოთ პასიური ბალანსი: იძულებულნი ვართ აუცილებლივ აქტიური ბალანსი ვიქონიოთ, ან ყოველ შემთხვევაში ისეთი, რომ პასივი დიდი არ იყოს. ჩვენ არა გვაქვს უცხოეთში დაბანდებული კაპიტალი, არც იმდენი ჩვენი ხალხი მუშაობს უცხოეთში, რომ იქიდან ფული შემოიტანონ.

ამიტომ ჩვენ იძულებულნი ვართ, რომ მთავარი მოთხოვნილება პურისა და სათბობ მასალისა დავაკმაყოფილოთ ჩვენი ეროვნული მეტრნეობის შემწეობით. ეს დავაკმაყოფილება მოხდება მხოლოდ იმ შემთხვევაში თუ ჩვენი ფინანსური სიტუაცია მოვაწესრიგებთ.

როგორც მოგეხსენებათ, ბაზარი არა ჩვილებრივად გაუღენთილია ქალაქის ფულით. ეს იწვევს ცხოვრების გაძვირებას, ინტელიგენციის და მუშა ხალხის გაჭირებას. ფული გროვდება სოფელში, გადადის გლეხის ხელში და რადგანაც გლეხს არა აქვს ნდობა ჩვენი ფინანსურ მეთაურებისადმი, რადგან იმას არა სჯერა, რომ ჩვენი პოლიტიკა საღია (ამას რასაკვირველია, ინსტიტუტით ჰგონობს), ფულს ქოთინებსა და სკივრებში აგროვებს. ეს ფული მეურნეობისთვის სრულიად უსარგებლოა. როგორ შეიძლება ასეთ მდგომარეობიდან თავის დაღწევა? ფინანსთა მინისტრს კარგად ესმის, რომ საჭიროა ამ ფულისა მობილიზაცია, მაგრამ ჯერ ჯერობით არ გადადგმულა არავითარი რეალური ნაბიჯი ამ მხრივ. ფულის ამოწურვა შეიძლება გადასახადებით, მაგრამ ძველი გადასახადების ტარიფი იმდენად დაბალია, რომ თუნდაც ყველა ძველი გადასახადები ვადახადეინოთ, ეს წვეთი იქნება ზღვაში. საჭიროა, რომ ტარიფი ხუთჯერ, ათჯერ მაინც გადიდდეს.

ამისათვის საჭიროა მეტი გაბედულება, ვიდრე ჩვენ ფინანსთა მინისტრს გააჩნია. არ უნდა ეყოს ის შიში, რომ თუ გადასახადებს გავადიდებთ, ამით გამოვიწვევთ გლეხების უკმაყოფილებას და რომ ამას პოლიტიკური მნიშვნელობა ექნება ამა თუ იმ პარტიისა თუ დაწესებულებისათვის. მეორე ზომა, როგორც მოგეხსენებათ, შინ ური სესხია, მაგრამ შინაური სესხიც ვერ ხერხდება. იმიტომ, რომ არ არის ნდობა, რომ სახელმწიფოს მეურნეობა ნორმალური. ჯერ-ჯერობით ყოველ შემთხვევაში არც ამ მხრივ გადადგმულა რეალური ნაბიჯი. მესამე მნიშვნელოვანი ზომა ჩემის აზრით, ჩამორთმეული მიწების გაყიდვა, რომელიც საჭიროებს პრინციპულად აღიარა მთავარმა ჩვენმა პოლიტიკურმა პარტიამ მიწათა მოქმედების უწყების ძველი ცნობებით, საქართველოში შესა-



ძღებელია დაახლოებით შეიდასი ათასი დესიატინა მიწის ჩამორთმევა, როცა მიწის ჩამორთმევის პროცესი სრულებით დამთავრდება. თუ მივღებთ მხედველობაში დღევანდელ გადაქარბებულს ფასებს მიწისას, შეგვიძლიან სულ ადვილად, ნახევარიც რომ გავყიდოთ ამ მიწისა, რომ გავყვეთ იმ გზას, რომლითაც ფრანგის იაკობინელები მიდიოდნენ, რომელიც ხშირად მაგალითია ჩვენ რე ვალიუტისათვის. მივიღებთ 400 მილიონ მანეთს მაინც: ეს ძალიან დიდი შეღავათი იქნება ჩვენი დავალიანებული ხაზინისათვის. რასაკვირველია, თუ უფასოდ დავარიგებთ, ჩვე ხაზინას არავითარა შეღავათი არ ექნება. ამ რავდენიმე დღის წინად გაზეთებში დაბეჭდილი იყო სტანისლავ ვოლსკის მოხსენება, რომელიც ამტკიცებდა, თუ რამდენად საშიშარია მიწის უფასოდ დარიგება და რამდენად მავნებელია თითონ გლეხებისათვის. როდესაც მიწა უფასოდ რავდება, ან სოციალიზაცია ხდება, გლეხი ღებულობს მიწას იმისდა მიუხედავად, აქვს მას კაპიტალი, ინვენტარი, სამუშაო იარაღი თუ არა. და ლატაკი გლეხი, რომელმაც მიწა მიიღო, ხოლო კაპიტალი და ინვენტარი არა აქვს, იძულებული გახდება ბოლოს თავისი მიწა მიჰყიდოს შეძლებულ გლეხს. ამ გზით იმის მაგივრად, რომ ვასარგებლოდ ხაზინა, ვასარგებლებთ უწინარეს ყოვლისა ჩარჩებს. ამას მოწმობს ვოლსკი, როგორც მოგახსენებთ, რომელმაც მოხსენება წაიკითხა ბოლშევიკური რუსეთის ღდგომარეობის შესახებ. მეოთხე ზომა გავკრით ჩემზე წინათ მოლაპარაკე ორატორმა აღნიშნა. ეს არის ვალიუტის შექმნა ან ყოველ შემთხვევაში ქართული ბონის გამოცემა: რაც შეეხება ქართულ ვალიუტის შექმნას, რასაკვირველია, ეს ისე ადვილი არ არის. ქართულ ფულს უნდა ჰქონდეს რეალური ფონდი და რეალურ ფონდად არ შეიძლება ჩაითვალოს ტყე-მამულეები, საჭიროა ოქრო, ხოლო ოქროს დღევანდელ პირობებში ვერ ვიშოვნით იმიტომ, რომ ის ევროპიდან თითქმის სრულიად წავიდა ამერიკაში და სანამ პოლიტიკურად და ეკონომიურად არ დავუახლოვდებით ამერიკას, ოქროს სესხება ძნელია. ჩვენ დაახლოვებით დავგვირდება ოცი მილიონი ოქრო, რომ შეიქმნას ჩვენი საკუთარი ვალუტა და ამ ფულის შოვნა ნორმალურ პირობებში ძნელი არ არის. მაგრამ დღეობით, სანამ არ გვყავს ამერიკასთან ეკონომიური და პოლიტიკური კონტაქტი, ძნელია ამ ფულის შოვნა. უფრო ადვილია, შედარებით, ქართულ ბონების გამოცემა. ძალიან დიდი შეცდომაა ჩემის აზრით ფინანსთა სამინისტროსი, რომ ამდენ ხანს, მას არ გადაუდგია ნაბიჯი იმისთვის, რომ შეექმნა ქართული ბონი. იმიტომ, რომ ქართული ბონის შექმნას ექნებოდა არა მარტო პოლიტიკური მნიშვნელობა, როგორც აღნიშნა ბ. ვეშაპლა, არამედ ფინანსიურიც. იმიტომ, რომ თუ კი ბონი გამოვეცი, შეიძლება მოვახდინოთ დევალვაცია ისე რომ ფულის პატრონმა ვერ იგრძნოს ეს. ეს თუ ბ. ფინანსთა მინისტრს კარგად მოეხსენება: დევალვაციამ, რაზედაც ხშირად ყოფილა საფინანსო და საბიუჯეტო კომისიაში, ლაპარაკი შეიძლება გავანათავისუფლოს ჩვენი ფულის ბაზარი, იაზედ მეტი ტვირთისაგან, რომელიც დღეს კატასტროფულ კრიზის იწვევს ჩვენ ფინანსთა მეურნეობაში. დღეს, რასაკვირველია, რადგანაც საჩქარო არის პარლამენტი იძულებულია მიიღოს წარმოდგენილი კანონ-პროექტი. მაგრამ ფინანსთა სამინისტრომ უნდა გაუწიოს ანგარიში ამ კრიზისს, რომელსაც ჩვენ გწვიცდით და რომელიც თან და თან მწვეადება ხშირად მაგალითი არის ჩვენ რეალუტისთვის, გაბედულად გავყვეთ ამ მაგალიტს, მოვახდინოთ რეფორმა. ამ მიწას გავყიდით, მივიღებთ დიდ თანხას, — 400 მილიონ მანეთს, ეს ძალიან დიდი შეღავათი იქნება ჩვენ ძალიან დავალიანებულ ხაზინისთვის. რასაკვირველია, თუ მიწის რეფორმის ისე მოვახდენთ, როგორც ვიცით, თუ მიწა დვარიგებ



უფასოდ,—ჩვენ ფინანსებს არავითარი შეღავათი არ ექნება. დიდად მნიშვნელოვანი სტანინლაგ ვოლსკის მოხსენებამ დამტკიცა თუ რამდენად საშიშარია მიწის უფასოდ დარიცხვა და რამდენად მავნებელია ის თითონ გლეხებისთვის. როდესაც მიწას უფასოდ დაურიცხებენ, ან სოციალიზაცია მოხდება, გლეხი დებულობს მიწას, იმის და მიუხედავად—აქვს მას კაპიტალი, აქვს მას ინვენტარი სამუშაო იარაღი თუ არა. მაგრამ ეკონომიურ პროცესში გალატაკება, ეკონომიურ პროცესში დიფერენციაცია არ ჩერდება და ლატაკი გლეხი, რომელმაც მიწა მიიღო და კაპიტალი, ინვენტარი და იარაღი არ აქვს,—იძულებული იქნება თავის უსარგებლო მიწა მიჰყიდოს შეძლებულ გლეხს. უწინარეს ყოვლისა იმის მაგივრად, რომ ვასარგებლოდ ხაზინა, ვასარგებლებთ ჩარჩებს. აქვს მოწმობის ვოლსკი, რომელმაც, როგორ მოგვხსენებთ. მოხსენება წაიკითხა საფინანსო მდგომარეობის შესახებ, მეოთხე ზომა, რომელიც ძალიან მნიშვნელოვანია, გარდა ამ მიწის გაყიდვისა, რომელიც დიდ შეღავათს მისცემს ჩვენ ხაზინას, არის, რასაკვირველია, ის ზომა, რომელიც აღნიშნა ჩემს წინადადებაში. ეს არის ქართულ ვალიუტის, ან ყოველ შემთხვევაში, ქართულ ბონის გამოცემა. რაც შეეხება ქართულ ვალიუტის შექმნას, ეს ისე ადვილი არ არის, ქართულ ფულს უნდა ჰქონდეს რეალური ფონდი და რეალურ ფონდად არ შეიძლება ჩაითვალოს ტყე, მამულები,—საქიროა ოქრო და ოქროს დღევანდელ პირობებში ვერ ვიშოვნით იმიტომ, რომ ევროპიდან სრულიად წავიდა ამერიკაში და სანამ ეკონომიურად და პოლიტიკურად არ შეუახლოვდებით ამერიკას, მანამ ოქროს ვაჩენა ძნელია, ჩვენ დაახლოვებით დაგვირდება 20 მილიონი ოქრო, რომ შეიქმნას ჩვენი საკუთარი ვალიუტა და ამ ფულის შოვნა ნორმალურ პირობებში ძნელი არ არის. ჩვენზე, საქართველოზე უფრო ლატაკი სახელმწიფოები შოულობენ და სესხულობენ, მაგრამ დღეს-დღეობით, სანამ არ გვაქვს ამერიკასთან ეკონომიური და პოლიტიკური კონტაქტი, ძნელია ამ ფულის შოვნა, უფრო ადვილია შედარებით ქართული ბონების გამოცემა. ძალიან დიდი შეცდომაა ჩემის აზრით ფინანსთა სამინისტროსი, რომ ამდენ ხანს,—ხუთი-ექვსი თვის განმავლობაში ივლისიდან დაწყებული დღევანდელ დღემდე, მას არ გადაუდგია ნაბიჯები იმისთვის, რომ შეიქმნა, ესე ვთქვათ, ქართული ბონა. ქართული ბონის შექმნას ექნებოდა არა მარტო პოლიტიკური მნიშვნელობა, როგორც აღნიშნა ბ. ვეშაპელმა, არამედ ფინანსიურად დადი მნიშვნელობა ექნება, იმიტომ, რომ თუ ქართული ბონა გამოვეცით, მაშინ შეიძლება მოვახდინოთ დევალვაცია, ფარული გაბათილება, ისე რომ ფულის პატრონობა ვერც კი იგრძნოს. ეს კარგად მოეხსენება ბატონ ფინანსთა მინისტრს. მხოლოდ მაშინ, როდესაც მოხდება ეს დევალვაცია, რაზედაც ხშირად ლაპარაკობდნენ საფინანსო კომისიაში, შეიძლება გავანთავისუფლოთ ჩვენს ბაზარს, ჩვენი ფინანსთა ბაზარი ამ ზედ-მეტი ტვირთისაგან, რომელიც ეხლანდელ პირობებში, ეხლანდელ არგ-დარგავაში, მე ვიტყვი კიდევ მეტს, თითქმის კატასტროფიულ კრიზისს იწვევს. ეს საკითხი დღეს. რასაკვირველია, რადგანაც საჩქარო არის პარლამენტი იძულებული მიიღოს ეს კანონ-პროექტი, მაგრამ ფინანსთა სამინისტრომ უნდა ანგარიში გაუწიოს იმ კრიზისს, რომელსაც ჩვენ განვიცდით; რომელიც თანდათან მწვავედება და რომელიც შესაძლებელი და მოსალოდნელია გამოიწვევს ქალაქის ფულის ფასის დაცემას და საქონლის ფასის მეტის მეტად გადიდებას; სახელმწიფოში ცხოვრება გაძვირდება და ამისთან ერთად გაძლიერდება უკმაყოფილება განსაკუთრებით ქართველ მცხოვრებლებსა; ასეთი პო-



ლიტიკა საზიანო არის ჩვენთვის, როგორც დამოუკიდებელ სახელმწიფოს საჭიროა, რომ საფინანსო უწყებამ ამას ანგარიში გაუწიოთ და იმ გზით, რომელიც უფრო ადვილია, — შეიქმნას საკუთარი ფული, რომლითაც ადვილად შეიძლება დაკავშირება დევალუაციასთან, ფარულ დევალუაციასთან.

თავმჯდომარე. სიტყვა ეკუთვნის ფინანსთა მინისტრს.

ფინანსთა მინისტრი გ. შურუღლი. როდესაც უსმენდი პატივცემულ ორატორებს, რომელნიც კრიტიკას უკეთებდნენ იმ ფინანსთა უწყების პოლიტიკას, რომელსაც სათავეში უდგევარ მე, — ერთგვარი შური დამებადა: რა ბედნიერი ხალხია ვინც ასე გვაკრიტიკებს. მათ, თურმე საქმე ყველაზე კარგად იციან, წამალი ჯიბეში აქვთ, თუ როგორ განკურნონ ეს უწყება ავადმყოფობის დროს და ჟამს, და სწორედ ისინი არ არიან ხელძღვანელები, ან არ გვეუბნებიან საიდუმლოს, რომელიც მათ ხელში აქვთ, რომ ვიხმაროდ ქვეყნის დასახმარებლად.

მაგრამ, საუბედუროდ, როგორც აქ პარლამენტში, მით უფრო საუბედუროდ საფინანსო და საბიუჯეტო კომისიაში, სადაც ამისთანა კრიტიკა გაისმის ხოლმე, იქაც არ თქმულა ისეთი რამ, რამ შეიძლებოდა. დარიგებად მიიღოს კაცმა, ჭკუა ისწავლოს. — ასეთი რამ არ გაგვიგონია, ყოველთვის ეს კრიტიკა გათავებულა ამ უბედურობის დასურათება და დახატვით.

ამ უბედურების თავიდან ასაცდენად მათ ისეთი ზომები არ გვიჩვენებს. მათ სთქვამს მხოლოდ, რომ ყველა ეს ხდება იმიტომ, რომ ფინანსთა უწყებას, ფინანსთა მინისტრს არ აქვს არავითარი გარკვეული აზრი, არავითარი გარკვეული საფინანსო პოლიტიკა.

აი, სწორედ როდესაც ამას ამტკიცებენ. მე აქ გებადება შური, რომ ესე დამწვიდებულები არიან, ალბად ისინი ფიქრობენ, რომ თუ მინისტრი გამოიცილება და მეორე დადგება, მაშინ სრულიად მოისპობა და გაჩნდება ყოველი ასეთი საფინანსო პროგრამა და სისტემა, რომელსაც ორატორები ესე მშვენივრად ასურაობენ. მაგრამ ვაი რომ, ამის დამჯერებელი ცოტა არის. ვაი რომ ეს არავის სჯერა, გარდა იმ ზოგიერთ მოღვაწეებისა, ვისაც მართლა ჰგონია, რომ იგი მომზადებული მინისტრია, რომ მას შეუძლიან უკუაგდოს ისეთი უბედურება, რომელიც ჯერ-ჯერობით თან სდევს ეკონომიურს და ფინანსიურ ცხოვრებას.

იმაზე ადვილი რა იქნება, როდესაც კრიტიკას აკეთებენ, — ლოლიკური დასკვნა გააკეთონ და სთქვან: „აი, თქვენ ვერ მიხვედრიხართ, ჩამოგვეცალენით, ჩვენ ვიცით წამალი, ჩვენ ვიხმართ მას და ხსნაც ამაში იქნება“.

ეს საერთო მოსაზრება უნდა მომეხსენებინა თქვენთვის ამ ზოგადი კრიტიკოსების წინააღმდეგ, რომელნიც მხოლოდ კრიტიკას წარმოსთქვამენ და არაფერს წამალს კი არ გვიჩვენებენ.

აქ ავიწყდებათ პატივცემულ პარლამენტის წევრებს, რომ საკანონმდებლო ინიციატივა მათ ხელში არის. და თუ ვინცობა ჩვენ აქ უკან ჩამოვრჩით, — მაშინ დაგვძრახეთ, როდესაც თქვენ საღს, გონიერ პროგრამას ეკონომიურ-პოლიტიკურ სისტემისას აქ წარმოადგენთ და ჩვენ ვერ მივხვდებით. ჯერ ეს არ მომხდარა და სრული ზნეობრივი უფლება მაქვს ვსთქვა, რომ იმათაც, ვინც აქ ესე ქვიანად მქვერმეტყველობენ, იმათაც კი არ აქვთ წამალი და ტყუილად გვაჩვენებენ თავს ისე, თითქოს, მათ ჰქონდეთ რაიმე წამალი, მაგრამ აქ არ გვეუბნებიან.

ბ. ვეშაპელმა მოინდომა დღეს, რომ ჩვენ დაუბრუნდეთ ხელახლად ქართული ფულის გამოცემის საკითხს. მე, რასაკვირველია დღეს ამაზე ლაპარაკი ზედ-მეტად მიმაჩნია. ამაზედ დიდ ხანს ვილაპარაკეთ. მოგეხსენებათ, რომ მთავრობის და ყველა ფრაქციის წარმომადგენლებმა წარმოსთქვეს თავიანთი



აზრი ამ საკითხის შესახებ და ბოლოს იმ აზრში გაიტანა, რომ ჩვენთვის უფრო სახიერო არის, რომ ვიდრე შევიძლებდეთ ქართულ ბონის გამოცემას, მკვიდრ ნიადაგს დავადგეთ, სჯობია, რომ ამ ძველ გზით ვიაროთ და ზედმეტი უბედურება არ გამოვიწვიოთ. დღეს, ყოველ შემთხვევაში, მე ამას არ დაუბრუნდები.

მაგრამ ჩემ საპასუხო სიტყვაში მე მინდა ყურადღება მივაქციო ზოგიერთ მოსახრებებს, რომლითაც მომმართეს ორმა ჩემზე წინ მოლაპარაკე ორატორმა.

სრულიად უნდა დავამშვიდო ბატონი ვეშაპელი, რომ თუმცა ისეთი ღრმა და დასაბუთებული პროგრამა, რომელიც მას ჰქონია და რომლითაც ჰსურს საქართველოს ფინანსიურ და ეკონომიურ გასაჭირიდან გამოიყვანა, ჩვენ არა გვაქვს, და ამას ვაღიარებ, რომ ამნაირი წამალი არ გვაქვს, მაგრამ ყოველ შემთხვევაში, უბრალო საქმეს კი მივხვდებით, რომ სრულიად უბრალო საქმისთვის, ყოველ შემთხვევაში მომზადება იყო საჭირო. მე იმედი მქონდა, რომ ან დრო გამოიცვლებოდა ამ მოკლე ხანში, ან სხვა.

ერთხელ მე ოპტიმისტი დამიძახეს. ამას მე ვღებულობ. მე ასე უყურებ ფინანსიურ და ეკონომიურ საქმეს, იმიტომ, რომ რაც ხდება, ამ პირობებში სხვის მოხდენა ამ მხრივ არ შეიძლება. (ხმა: ფატალისტი!).

ამას კი ვიტყვი, რომ ეს სულ უბრალო საგანია, რომელსაც შეეხო ბ. ვეშაპელი. ამასთან რასაკვირველია დამოკიდებულება აქვს მთავრობას და საინისტროს. ძალიან კარგი იქნება თუ კი ბ. ვეშაპელი ისეთ პროტექციას გაგვიკეთებს, რომ ცოტა ადრე გადასწყდეს ეს საკითხი ისე, როგორც გადასწყდა გერბის საკითხი, რომელზედაც ეროვნულ დემოკრატებს სრულიად გამორკვეული აზრი ჰქონდათ თავის დროზე წარმოდგენილი. ამაში შეიძლება დაუმაღლოთ, მაგრამ მე ვგუგუბ, რომ ამ მხრივ შეიძლებოდა ქართულ ფულის გამოცემის დაჩქარება. ეს არ შეიძლება, თუმცა დიდი ხანია მინისტრს და საფინანსო უწყებას ეს ჰსურთ. უნდა მოვახსენოთ, რომ როდესაც უკანასკნელად იყო ლაპარაკი საფინანსო კომისიაში, რომ ახალი ემისია გაემართოთ, საფინანსო უწყების წარმომადგენელმა ჩემის პირით სთქვა, რომ ჩვენ დრო გვაქვს თუ შეგვიძლიან ქართული ბონები გამოვეცეთ. შეგვიძლიან შევცვალოთ ზოგიერთი წარწერები. ვსთქვით აგრეთვე, თუ როგორ შეიძლებოდა ამის გაკეთება. ასე რომ თუ საბიუჯეტო საფინანსო კომისია ამას მიიღებდა ჩვენ შეგვეძლო ამ წინადადებით არ შევსულიყავით ამ მიწურულ დღეს, არამედ როდესაც პირველად აღძრა ეს საკითხი, ჩვენ სრული შეძლება გვქონდა გამოგვეცა ქართული ბონა. მაგრამ მაშინაც ესთქვი და ეხლაც ვაღიარებ, დაე, ზოგიერთი იდეალისტებისათვის ეს უდიდესი შეცდომა იყოს, მაგრამ დღესაც ვაღიარებ ჩემი ღრმა რწმენა არის, რომ ეს იქნებოდა დამლუპველი ნიბიჯი. საბიუჯეტო და საფინანსო კომისიამ; მაშინ დაადგინა, რომ ეხლა არ არის დრო საკუთარი ბონების გამოცემისა და იმიტომ მოხდა ეს, რომ არ მოვემზადენით დროზე ქართული ბონების გამოსაცემად, რადგანაც ეს იყო უკუგდებული და ჩვენ გვითხრეს, რომ შეიძლება მივმართოთ ამიერ-კავკასიის ბონებს. ეს ჩემი ღრმა რწმენაა. ამნაირ ნაბიჯის გადადგმა სალი ნაბიჯის გადადგმა იყო. მაგრამ ჩემი აზრის გარდა იყვნენ და არიან სხვებიც, ჩემზედ უფრო შეგნებულნი, ჩემზედ უფრო კარგად მომზადებულნი, რომელნიც იზიარებენ ამ აზრს და ამბობენ, რომ ჯერ-ჯერობით ამ ნაბიჯს ვერ გადავდგამთ. ეს უბრალო საპასუხოა.

მოგვახსენეს აქ, რომ კიდევ რომ გადასწყდეს ქართული ბონის გამოცემა ჩვენ ამას ვერ განვახორციელებთ, რადგან ხელთ არ გვაქვს არც სურათი და არც ლერბი და სხვა.



არა, ბატონებო, ეს მართალი არ არის.

ბ. ქიქოძემ ბრძანა სხვათა შორის, რომ არამც თუ მართო პროგრამა არ აქვს ფინანსთა მინისტრს, არამედ მშვიდარი კაცი გამოდგაო. ასე რომ თან და თან ჩემი ფიზიონომია ირკვევა. დამავიწყდა მეთქვა, რომ დასურათება უფრო საგსე ყოფილიყო ბ. ვეშაპელმა ისიც კი სთქვა, რომ ბ. მინისტრს რომ სჯეროდეს ჩვენი დამოუკიდებლობის გაგრძელება ამ გზას დაადგებოდაო. ამავე დროს კი, არ სთქვა რა გზას უნდა დავდგომოდი. ასე რომ ისიც კი დამწამეს, თითქოს მე არ მწამს საქართველოს თავისუფლება. და ამას დაუმატა ბ. ქიქოძემ, რომ ამის გარდა ის მშვიდარაც არისო. ეს ჩემი მშვიდრობა, მისი თქმით, იმაში გამოიხატება, რომ ვავლენა ვერ ვიქონიე ვერც მთავრობაზე, ვერ მთავრობის და ვერც საპარლამენტო წრეებზე, რომ მალე გამეტარებია ის, რის გატარებაც ჩემის აზრით კარგი იქნებოდა.

ჩემის აზრით გაბედულობის გარდა, საჭიროა, რომ სხვა ღირსებაც ჰქონდეს ადამიანს. შეიძლება მე ამ ღირსებას მოკლებული ვიყო, მაგრამ თუ ამისთანა ღირსება ვისმეს აქვს, უნდა სთქვას, რომ არიან ისეთი ობიექტიური პირობები, რომლის აგრე ერთი ხელის დაკვრით გადალახვა, ეს არის საქციელი თავხედ ადამიანისა და არა სახელმწიფოებრივი მოღვაწისა. (ტაში მარცხნივ)

არა ერაზხელ უთქვამთ აქ, რომ ფინანსთა მინისტრს ისიც კი ვერ მოუგვარებია, რომ აქამდის ხარჯები ააკრებინოსო. ბატონებო, ნ თვეა, რაც აქ ვმუშაობთ, მე, მართალია, ეს პატარა ხანა იმისათვის, რომ საერთოდ ვინმე გახდეს დამწიფებულ სახელმწიფო მოღვაწედ, მაგრამ მე მკონი ამ ექვსი თვის განმავლობაში ყველა ჩვენგანს უნდა გავგო, რომ ხარჯის აკრება არ შედის ფინანსთა უწყებაში. საფინანსო უწყება ადგენს მხოლოდ ჯამს და რაოდენობას, რომ დააკანონოს ეს და როდესაც ეს კანონად არის მიღებული საბიუჯეტო საფინანსო უწყებას რჩება მხოლოდ მოგონება თავის ამხანაგისაგან მთავრობისთვის, რომ საქმეს მოწესრიგება უნდა. მოგესხენებათ, რომ იდეალი ყველა საფინანსო უწყებისა, იქნება ეს მონარქიული, დემოკრატიული რესპუბლიკა თუ სხვა, არის ის, რომ გარდა ამ უფლებებისა, რომ მას შეეძლოს განაწილება გადასახადებისა, მასვე ჰქონდეს უფლება ხარჯების აკრებისა, ეს ებაროს ფინანსთა მინისტრს. იი ამ უფლებებს ჯერ ჯერობით მოკლებულია არამც თუ თქვენი ფინანსთა მინისტრი, არამედ თითქმის ყველა ევროპის სახელმწიფოების ფინანსთა მინისტრები, ვინაიდან ეს უღიდეს ხარჯს იწვევს. საფინანსო მეცნიერები აღნიშნავენ, რომ სანამ არ გადავა ეს უფლება საფინანსო უწყებაში, მანამდის ვერ მოეწყობა სათანადოდ აკრება გადასახადებისა. მაგრამ ეს უფლება თითქმის არავის არ განუხორციელებია. ამიტომ ინებეთ და ერთხელ და სამუდამოდ გავაყალბეთ ის ბრალდება, რომ მე ვერ მომიხერხებია გადასახადების აკრება, რადგანაც იგი ჩემ ხელთ არ არის. და სწორედ იმიტომ შემოვიტანე აი ეხლა მიღებული კანონ პროექტი, რომ მომეცეს უფლება, როდესაც რომ მეორე უწყება ხარჯებს ჰკრეფენ გადასახადის ინსპექტორებს რევიზიის უფლება ჰქონდეთ. ამიტომ მე სრულიად უკუ ვაგდებ ამ ბრალდებას. მე მწამს რომ ეს ბრალდება არ იყო მოგონილი იგი იყო გამოწვეული იმიით, რომ ეს მათ არ იცოდნენ არც ბატონმა გერონტი ქიქოძემ და არც იმ ორატორებმა, რომელმაც მიმართეს ამისთანა სამედურავით: „რა არის, რომ აქამდის ფული არ აგვიკრებიაო“, გადავიდეთ ეხლა შინაურ სესხზე. წარსულ კრებაზე მოგახსენეთ, რომ ფინანსთა მინისტრს აქვს მხოლოდ ორი საშუალება, ორი სადი საშუალება, რომ მიმართოს მას, როდესაც უნდა სახელმწიფო მეფრნეობა ატაროს და აწარმოოს ნორმალურად. ეს არის სახელმწიფოს გადასახადების შემოსავა.



ლი, გადასახადების აღება და თუ ეს არ გვეყოფნის, იმ შემთხვევაში, როდესაც საჭიროა ისეთი ხარჯის გაწევა, რომლითაც სახელმწიფო თავის თავს ინახავს, ამ შემთხვევაში სესხს იღებს მაგალითად, თუ არის ომი, ან ამისთანა ამბავი, აი ეს სესხის აღება არის ერთი საშუალებათაგანი, რომელიც, მართლა არა სასიამოვნო მოვლენას მოსპობს, რომელიც იბადება დაუსრულებელ ბონის გამოცემით და ეს ბონების ბეჭედა, რასაკვირველია, სულ პირველად აღონებს იმ ადამიანს, რომელსაც ფინანსთა მინისტრი ჰქვია. ვინაიდან ის ხედავს ყველა შედეგებს, რომელიც მოსდევს ამ დაუსრულებელ ბეჭედს. ფინანსთა მინისტრს არა ერთხელ უღიარებია რა შედეგები მოჰყვება ამას, მაგრამ რაიც არ მოხდება, რის გაკეთება ყოვლად შეუძლებელია, ეს არ ჩაეთვლება ფინანსთა მინისტრს დანაშაულად, რომ მან ამაზედ არ იფიქრა და თავის პროგრამაში და სისტემაში არ შეიტანა.

რომ ვიფიქრე საშინაო სესხზე ეს სჩანს ჩემი კანონ-პროექტიდან, რომელიც მე შემოვიტანე ამ საკითხის შესახებ იმ სახით, რომელთაც უფრო ადვილად შეიძლება გატარება ამ პირველ ნაბაჯისა, შინაურ სესხისა. მე მოგახსენებთ მოკლეთ თუ რატომაა ხაზინა იძულებული მიმართოს სესხის გამოცემას. ეს უკვე ვიფიქრეთ და გადავწყვიტეთ ანაირ სესხის, აღება მხოლოდ იმიტომ, რომ ყველა ეკონომიების მცოდნე ჩვენმა ბანკირებმა, ფინანსისტებმა ვეითხრეს, — არ დამდგარა დრო, როდესაც შენ, ფინანსთა მინისტრო, შეგეძლოს მოგვმართო სხვა სესხით, ჩვენ ისეე ამ სახით მოგცემთ სესხსო. მეც დაუჯერე მათ, მჯერა, რომ მართალია და იმიტომ შინაურ სესხს მივმართე იმ სახით, როგორაც უცხო სახელმწიფოები მიმართავენ ხოლმე. მაგრამ ჯერ ჯერობით ეს პარლამენტში გადაწყვეტილი არ არის. საზოგადოდ უნდა მოგახსენოთ ეს კანონ-პროექტი, რომელიც მთავრობის მიერ უკვე მიღებულია, გადაეცემა საბიუჯეტო საფინანსო კომისიას.

მე სხვა ბრალდებას არაფერს ვიზიარებ აქ.

უნდა აღინიშნოს, რომ საბიუჯე-საფინ. კომის. კანონპროექტი დიდხანს რჩება, სანამ საბოლოო დასკვნით გამოიტანდნენ აქ, პარლამენტში, იმიტომ მე მოვითხოვე ამისთანა მოწყობებას, რომ ამ პროექტის შესახებ, რომელმაც ამოსწურა მთელი რიგი და წესი იმ გადასახადებისა, როგორც პირდაპირი ისე არა პირდაპირი გადასახადებისა და რომლის შესახებ უკვე არის მთავრობისაგან დადგენილება, თითქმის ორი თვეა ჩემ უწყებაში ეს კანონ-პროექტი შემუშავებულია და გადაცემული კომისიაში, — აი მოვითხოვე, რომ ამის შესახებ ბრალს ნუ დასდებენ იმ უწყებას, რომელმაც ძალიან დიდი შრომა დასდო ამ კანონ-პროექტის შემუშავებაზე. როდესაც ამას გაითვალისწინებთ, როდესაც დაინახავთ, რომ ყველაფრის, რაც კი აქ დასახელებულია, არც ერთი არ არის ისეთი, რომ უყურადღებოდ იყოს დატოვებული, მაშინ და მხოლოდ მაშინ ჩვენ ვიქნებით თავისუფალნი იმისთანა გამოსვლებისაგან, რომელნიც ვითომ კრიტიკას აკეთებენ, მაგრამ თითონაც არ იციან ამ კრიტიკას რა წამლით უწამლონ. იმიტომ სწორედ ჩვენ ვერაფრითარ შევლას ვერ გვაძლევენ.

არც ერთი დაწესებულება ჩვენ სახელმწიფოში არ არის ისეთი, როგორც ჩვენი საფინანსო დაწესებულებაა, რომელსაც შეუძლიან მართლა ისარგებლოს ყველა იმ მოღვაწეების კრიტიკებით, რომლებსაც იგი აკადრებს, რადგანაც ყველაზე დიდი და რთული საგანი არის საფინანსო საგანი (ვეშაპელი: — „მართალია“) იმიტომ ის ადამიანი, რომელიც სათავეში არის უნდა იყოს დიდი მცოდნე, დიდი გამჭირავი, დიდი გამოცდილი, (ვეშაპელი: — „მართალია“) არ არის არც თქვენში, ბატონო ვეშაპელო და არც ჩვენში ისეთი პირი, რომ ყვე-



ლაფერი გაითვალისწინოთ, იმიტომ რომ, თუ ფინანსთა უწყების მეთაური, ხელმძღვანელი თითონ მტერი არ არის, სიხარულით უნდა ისმენდეს ყველა იმ კრიტიკას, რომელიც კეთდება. მე იმას მოგახსენებთ, თუ კრიტიკა ხან და ხან არ არის, მართლა რომ საქმის სიყვარულით გამოწვეული ამნაირ კრიტიკით როგორ უნდა ისარგებლოს ფინანსთა მინისტრმა?

ბატონებო, ერთს კი გეტყვით,—როდესაც გვაკრიტიკებთ ჭკუაც გვასწავლეთ, მაგრამ ჭკუის სწავლებისთვის უნდა ცოდნა და იმიტომ, ვინც გამოადის აქ, ტრიბუნაზე კრიტიკით, მე ვითხოვ, რომ იგი ცოდნით გამოვიდეს. (ვეშაპელი:—„მართა ხატისოვის უნივერსიტეტში ხომ არ არის ცოდნა?“)

თავმჯდომარე. ვის ნებაეს სიტყვა? არავის. კამათი გათავებული გახლავთ. სიტყვა ეკუთვნის მომხსენებელს.

ნლე ცინცაძე, მომხსენებელი. მე ორიოდ სიტყვა უნდა მოგახსენოთ. არავითარი სერიოზული მოსაზრება არ მოუყვანიათ ბ. ვეშაპელს და ბ. ქიქოძეს იმის სასარგებლოდ, რომ ხელსაყრელი და მიზან შეწონილი იყოს ეხლანდელ პირობებში ქართულ ბონების გამოცემა. ერთად-ერთი მოსაზრება, რომელიც ჩვენ შეგვიძლიან გამოვიყვანოთ მათი სიტყვებიდან,—ეს არის ის, რომ ეს ორატორები ქართულ ბონების ფეტიშიზმით არიან ავადმყოფნი და შეპყრობილნი. ოღონდ კი იყოს ქართული ბონა და როგორი „რისიკი“ გნებავთ, ისეთ რისკს გასწევინ. მხოლოდ ასეთი დასკვნა შეგვეძლო გამოგვეყვანა ჩვენ მათი სიტყვებიდან. ისიც კი სთქვებს, რომ რათაც უნდა დავვიჯდეს ქართულ ბონის დახურდავება მაინც უნდა გამოვკეთ იგიო. ჩვენ ამ „რისკს“ ვერ გავსწევთ და მით მოსაზრებას ვერ გავიზიარებთ. ჩვენ ვერ დავადგებით ამ გზას. ჩვენ ვფიქრობთ, რომ ეხლანდელ პირობებში უფრო მიზან შეწონილი იქნება ვიაროთ ამ ნაცადი გზით, რომელსაც აქამდისინ მივყვებოდით. ის მოსაზრება, რომელიც აქ იყო წამოყენებული ამ შემთხვევაში, უმთავრესად იყო გარემოება იმ მოსაზრებისა, რომელიც მიყავდათ მაშინ, როცა პირველ და მეორე ემისიაზე იყო ლაპარაკი. სწორედ მაშინაც ასეთი სიტყვები გვესმოდა: მაგრამ ისინი მაშინ უფრო მეტი სისასტიკით იცავდნენ ქართულ ბონის იდეას, ვიდრე ეხლა. ეხლა კი, ასე თუ ისე თანახმანი არიან, რომ დღევანდელ პირობებში ჩვენთვის გამოსაცემი არ არის.

რასაკვირველია, აქ იყო გამოთქმული საერთო მოსაზრებანი, როგორც ერთიანი ჭეშმარიტება, მაგალითად, გერონტი ქიქოძეს მიერ. იყო ლაპარაკი, რომ საჭიროა ვიფიქროთ, აღებ-მიცემის ინტენფიკაციაზე. საჭიროა შევქმნათ სალი ფინანსიური ეკონომიური სისტემა და ეს თავის თავად ცხადია დაკავშირებულია საწარმოო ძალთა განვითარებაზე და სხვა. (ქიქოძე: ეგ მოგონილია, „ერთობა“-დან არის ამოღებული, მე იგი არ მითქვამს) სწორედ ამაზე იყო ლაპარაკი, ბატონო ქიქოძე, რომ ეხლანდელი აღებ-მიცემობა დაკავშირებულია სამრეწველო საქმის მოგვარებაზე და საწარმოო ძალთა განვითარებაზე ღ სხვა. თუ ასეთი საერთო მოსაზრება მხედველობაში არ მივიღეთ... რასაკვირველია, არავითარი ისეთი სერიოზული მოსაზრება არ იყო ამ კანონ პროექტის წინააღმდეგ წამოყენებული ამ შემთხვევაში... (გაბაშვილი: სერიოზულიო? სერიოზული თქვენ მოიგონეთ) და ამიტომ, მე ვფიქრობ, რომ პარლამენტს შეუძლიან ამ პროექტის მიღება.

თავმჯდომარე. კენჭს უყრი პირველ მუხლს, მიღებულია. ვინ შეიკავა თავი? (ხმა: მიმარჯვენებმა შეიკავეს თავი) ნება მიბოძეთ გადავიდეთ შემდეგ შეკითხვაზე.

აი ეს შეკითხვა დამოუკიდებელ ეროვნულ-დემოკრატიების მთავრობისა და სახელმწიფო კონტროლიორისადმი.



დამოუკიდებელ ეროვნულ-დემოკრატიულ ფრაქციის მთავრობისა და სახელმწიფო კონტროლიორისადმი 30 მილ. მან. სალიკვიდაციო ფონდის შესახებ შეკითხვის წესრიგიდან ამოშლა.

გრიგოლ ვეშაპელი. (დ. ერ.-დ). ბატონებო! ეს შეკითხვა ჩემის ინიციატივით იყო წარმოდგენილი პარლამენტში 12 ოქტომბერს.

მოგახსენებთ, რომ პოლიტიკურ დაწესებულებაში და განსაკუთრებით პარლამენტში, ყოველი საკითხი, გინდ საკანონმდებლო, გინდ საინტერპელიაციო, შეფარდებული არის დროსა და გარემოებაზე.

რადგანაც 11 ოქტომბერი უკვე დიდი ხანია წავიდა, ეხლა 15 ნოემბერია და ამ ხანში დაიბადა სხვა და სხვა ისეთი ახალი გარემოებანი, რომელნიც 11 ოქტომბერს არ იყო, ამიტომ მე საჭიროდ ვსთვლი, რომ ეს შეკითხვა მოხსნილი იყოს სრულიად.

თავმჯდომარე. რეგლამენტის ძალით, შეკითხვის ავტორს ნება აქვს მოხსნას შეკითხვა, თუ კი წინააღმდეგნი არ იქნებიან. რაკი წინააღმდეგი არ სჩანს, ეს შეკითხვა იქნება უკან წაღებული.

შემდეგი შეკითხვა. პარლამენტის წევრი თარხანოვი.

შეკითხვა პარლამენტის წევრთა ლ. თუმანოვისა და ნ. თარხანოვისა იუსტიციისა და შინაგან საქმეთა მინისტრებისადმს სასამართლოს განუსჯელად პოლიტიკურ პატიმართა ბუღუ მდივანის და სხვათა სატუსალოში უბრალოდ მწყვედვის შესახებ.

Ник. Тархановъ. (с.-р.). Граждане, члены парламента! Этотъ запросъ нашъ, внесенный почти 2 недѣли тому назадъ, былъ вызванъ тѣми исключительными событиями, которые имѣли мѣсто въ Тифлисскомъ Метехскомъ замкѣ, когда цѣлый годъ политическіе заключенные отчаявшись въ возможности, когда либо выйти изъ тюрьмы, или получить такое, или иное конкретное обвиненіе,—объявили голодовку. Съ тѣхъ поръ прошло немного времени, голодовку свiali. Кажется многіе изъ заключенныхъ, о которыхъ говорили въ запросѣ, получили удовлетвореніе, но отъ этого сегодняшній запросъ не теряетъ своего значенія. Наоборотъ, теперь намъ представляется, что этотъ запросъ долженъ получить еще большее значеніе, ибо, въ связи съ объявленіемъ военнаго положенія, когда исключительное положеніе, исключительныя мѣры получаютъ свое логическое завершеніе, самъ вопросъ, о примѣненіи административныхъ арестовъ, виѣ судебныхъ арестовъ, приобретаетъ весьма серьезный характеръ. Намъ казалось, что въ республикѣ, демократической республикѣ, внешнее и внутреннее положеніе которой, вопреки всѣмъ опредѣленнымъ заявленіямъ, довольно прочно и твердо нѣтъ необходимости прибѣгать къ системѣ исключительныхъ мѣръ по управленію страной, намъ казалось, что если въ дѣйствительности и есть необходимость прибѣгать къ этимъ исключительнымъ мѣрамъ, то лишь при непремѣнномъ условіи номированіи этихъ мѣръ. Мы считаемъ, что если, что нибудь болѣе всего отражается отрицательно на государственномъ стрителствѣ, то это—тѣ излишнія примѣненія исключительныхъ мѣръ, которыя за послѣднее время проявляются, какъ во всемъ правительствѣ въ цѣломъ, такъ въ особенности въ министерствѣ внутреннихъ дѣлъ.



Я, конечно, не буду касаться общей политики министерства внутренних дел, преследуя исключительно, виоліт определенную задачу, — ввести въ нормальныя условия веденіе вѣсудебныхъ арестовъ. Если вы обратили вниманіе на то обязательное постановленіе, которое было доведено до всеобщаго свѣдѣнія послѣ объявленія военнаго положенія, то оказывается, что генераль-губернатору предоставляется право произвольно налагать наказаніе даже въ тѣхъ случаяхъ, когда определено наказаніе судьями.

Такимъ образомъ оказывается, что теперь у насъ примѣнять вѣсудебные аресты могутъ на ряду съ министромъ внутреннихъ делъ, на ряду съ начальникомъ милиціи, еще и генераль-губернаторы. И одни и тѣ же лица рискуютъ сразу очутиться подъ нѣсколькими ударами и такой случай уже неоднократно былъ въ исторіи примѣненія вѣсудебныхъ арестовъ.

Вотъ по этимъ соображеніямъ намъ и представляется, что въ задачу парламента должно войти безусловно, — требовать, чтобы вѣсудебные аресты, исключительное положеніе и другія мѣры были бы строго нормированы чтобы личному произволу, личнымъ усмотрѣніямъ было бы дано какъ можно меньше простора. Когда мы вносили этотъ запросъ, и въ этомъ запросѣ одновременно обращались къ министру внутреннихъ делъ и къ министру юстиціи, мы отнюдь не думали, внося этотъ запросъ, вмѣнять въ вину, мы отнюдь не думали, что событія, которыя имѣли мѣсто въ Метехскомъ замкѣ, или то широкое примѣненіе, которое имѣется у насъ могли бы быть вмѣнены въ вину министру юстиціи. Но мы полагаемъ, что, въ обязанность министра юстиціи, естественно, какъ высшаго органа правосудія, входитъ безусловно выработка этихъ мѣръ. Намъ казалось, что министр юстиціи не можетъ не быть ответственнымъ, когда въ странѣ вмѣсто законности, лица административныя, администрація насаждаетъ произволъ. Намъ казалось, что министр юстиціи долженъ былъ бы самъ поднять, по своей инициативѣ этотъ вопросъ, вопросъ о нормированіи примѣненія этихъ исключительныхъ мѣръ. Дѣло въ томъ, что и сейчасъ, по нынѣшній день, на территоріи Грузіи, въ Тифлисѣ, въ частности въ Метехскомъ замкѣ и вообще, въ Тифлискихъ тюрьмахъ томятся безконечное число лицъ, которымъ не предъявлено обвиненіе. Эти лица силовъ да рядомъ сидятъ совершенно не чувствуя за собой вины. Эти лица, несмотря на категорическое требованіе предъявить имъ обвиненія, не могутъ получить обвиненія. Вотъ, намъ казалось, что вотъ эти условия, независимо отъ того конкретнаго случая, по которому былъ внесенъ запросъ, еще имѣется на лицо, такая категория лицъ, имѣются лица, которые страдаютъ отъ примѣненія этого административнаго произвола, то обязанностью парламента безусловно является прежде всего категорическое требованіе отъ правительства или предъявить обвиненіе ко всемъ тѣмъ лицамъ, которые содержатся подъ стражею, или же предъявить какое нибудь конкретное обвиненіе, или же освободить ихъ. Но съ этимъ въ обязанность парламента при нынѣшнихъ условияхъ бесспорно входитъ и то, чтобы обязать правительство нормировать и выработать это основное положеніе. Это тѣмъ болѣе необходимо, что то основное положеніе, которое положено въ основаніе примѣненія вѣсудебныхъ арестовъ и исключительныхъ мѣръ, оно исключительно, цѣлкомъ взято изъ стараго арсенала, изъ арсенала богатаго наслѣдства, которое было оставлено здѣсь.

Я утверждаю, что ни одно положение, ни одна исключительная норма, которые применяются до сих поръ, но сегодняшній день, не получали никакого смягченія въ зависимости съ тѣмъ новымъ запросомъ, съ новымъ чувствомъ законности и стремленія демократизаціи, которое проявляется въ широкихъ массахъ. И я думаю, что бесспорно парламентъ долженъ поддержать этотъ запросъ. Вотъ поэтому соображенію я и полагаю, что независимо отъ того конкретнаго случая, по которому предъявляется запросъ, нашъ запросъ не теритъ своего значенія и парламентъ долженъ бесспорно въ этихъ пределахъ и въ этомъ направленіи сказать свое слово.

შალვა აღუქი მესხიშვილი, იუსტიციის მინისტრი. პარლამენტის წევრნო, როგორც შეკითხვის შინაარსიდან სჩანს, თითქმის ყველა აქ ჩამოთვლილნი პირნი არიან დატუსაღებული ადმინისტრაციულ წესით. ამ გვარად იუსტიციის მინისტრის მოვალეობა იყო, რომ როგორც კანონიერების წარმომადგენელს, თვალყური ედევნა,—უფლება ჰქონდა თუ არა შინაგან საქმეთა მინისტრს ასე მოქცეულიყო. ეს ფორმალური მხარე გახლავთ ამ შეკითხვისა.

მართლა, ძველ წესწობილების დროს არსებობდა კანონი ადმინისტრაციულ წესით, დატუსაღების შესახებ. მართალია კერენსკის დროს მთავრობამ პარველათვე ეს კანონი უკუ აგდო. მაგრამ შემდეგ რევოლიუციის განვითარებაში იმ ანარქიის გამო, რომელშიაც რუსეთი იმყოფებოდა, იგივე კერენსკის მთავრობა, რომლის სათავეში იდგნენ ის პირნი რომელნიც თარხანოვისთვის და მის მეგობრებისთვის ცნობილნი არიან,—სწორეთ კერენსკის მთავრობამ გამოაცხა ხელშეორედ კანონი, რომელშიც მისცა უფლება შინაგან საქმეთა მინისტრს, რომ ყველა იმ წრეების და იმ პირთა წინააღმდეგ, ვინც ებრძვიან რევოლიუციის მონაბოვართ, ვინც ჰქმნიან ანარქიას,—ყველა ამ პირთ წინააღმდეგ სამინისტროს მიეღო ადმინისტრაციული ზომები და ადმინისტრაციულ წესით დაეტუსაღებინა ეს პირები. თუ ამ კანონს შევხედავთ ასეთის ფორმალურის მხრივ,—დავინახავთ, რომ ეს ორი აგვისტოს კანონი, რომელიც ხელ მოწერილია ზარუნდის და კერენსკის მიერ, ამ ორ აგვისტოს კანონის ძალით, ამ კანონის ძალით, ამ კანონინით რომელიც ეხლაც მოქმედობს,—შინაგან საქმეთა მინისტრ სამხედრო მინისტრთან შეთანხმებით უფლება აქვთ ყველა ის პირნი, ვინც წესიერებას არღვევს, ვინც ამხედრებს ერთ ნაწილს ერისას მეორე წინააღმდეგ, ვინც ებრძვის წესწობილების დამყარებას სახელმწიფოში, ეს პირები ადმინისტრაციული წესით ციხეში მოათავსონ. ამ გვართ, რადგანაც შინაგან საქმეთა მინისტრს ეს უფლება ჰქონდა, მე, როგორც იუსტიციის მინისტრი, მის განკარგულებაში ვერ ჩავერვეოდი, მაგრამ ეს ფორმალური განმარტება ისე გამოიყენეს თითქმის მე, როგორც იუსტიციის მინისტრი, ფორმალურად ვაყენებდნე საკითხს და მსურდა ყველაფერი ეს მოვახვიოთ თავზე შინაგან საქმეთა მინისტრს, და ამით თავიდან ავიცილო პასუხისმგებლობა. რადგანაც მე გახლავართ სოლიდარული კაბინეტის წევრი, მე სავსებით ვიზიარებ ყველა იმ ზომებს, რომელიც მიღებულია და სოლიდარული ვარ შინაგან საქმეთა მინისტრთან. მხარს ჭეჭერ მას.

მაგრამ მე მსურს არსებითად შევეხო იმ საკითხს, რომელიც წამოაყენა თარხანოვმა თავის შეკითხვაში. მის უმეტეს, რომ პრინციპიალური საკითხი, რომელიც უნდა გადასწყდეს ჩვენ პარლამენტში გახლავთ შემდეგი: როდის დადგება ის დრო, როდესაც მოისპობა ადმინისტრაციულ, სასამართლოს გარეშე, წესით... (ვეშაპელი: მეორე მოსვლის შემდეგ), ადმინისტრაციულ წესით



დატუსაღება, როდესაც ყველა ჩვენი მოქალაქე უზრუნველყოფილი იქნება მხრივ, და მხოლოდ სასამართლოს დადგენილებით იქნება დატუსაღებული. მე მოგახსენებთ, რომ არც საქართველოს მთავრობაში, არც საქართველოს პარლამენტში არ მოიპოვებიან ისეთი პირნი, რომელნიც მომხრენი იქნებიან აღმინისტრაციულ წესით დატუსაღებისა ნორმალურ პირობებში. (ხმა: მართალია).

ბატონებო, თუ თქვენ მოიგონებთ მტრებს, რომელნიც დღიდან საქართველოს დამოუკიდებლობის გამოცხადებისა გვებრძვიან, როდესაც ესეთი მდგომარეობა არის შექმნილი, რომ ყოველ დღე სინდის არეცხილი ვეებატონები პროვოკაციას ეწევიან, ცდილობენ აგვიანგრიონ ახლად დაწუებული საქართველოს რესპუბლიკის დამოუკიდებლობა, არამც თუ სიტყვით, არამედ საქმითაც, როდესაც ექვსი თვის განმავლობაში, ექვსი დღეც არ გვექონია თავისუფალი, რომ ამოგვესუნთქა თავისუფლად, როდესაც ეს ვეებატონები თავს არ ანებებენ თავინთ დამანგრეველ საქმეს, — ამისთანა პირობებში, მე გეკითხებით შეიძლება თუ არა მარტო სასამართლოს წესით მოქცევა ამ ვეებატონების წინააღმდეგ, მით უმეტეს, როცა სასამართლოს აპარატი ვერ არის სათანადოთ მოწყობილი? სასამართლოს მოხელე ბევრი ძველი დარჩა და სისტემატიურად საბოტაჟს ეწევა ჩვენ საქართველოს წინააღმდეგ. (ტაში, ყველა სკამებზე, გარდა დაშნაკელებისა). მე თქვენ გეკითხებით, — შეიძლება ეს თუ არა? რასაკვირველია, სახელმწიფოს შენების შესახებ შეიძლება ორი აზრი არსებობდეს. ერთი აზრი არის ამისთანა: პროვოკაცია, ხალხის აჯანყება, ერთი მეორეს წინააღმდეგ წასისინება, ერთი მეორეზე გადაკიდება, აჯანყება ნგრევა... ვისთვისაც არის ეს ხელსაყრელი, დღევანდელ პირობებში ის, რასაკვირველია, მოითხოვს, რომ მხოლოდ და მარტო სასამართლოს წესით იყოს დატუსაღებული. მაგრამ, ვინც გულწრფელად ზრუნავს საქართველოს, დამოუკიდებელ რესპუბლიკისთვის, იმათ სწამთ რომ პრინციპიალურად მომავალში ეს წესი მოსპობილი უნდა იყვეს, მაგრამ საშუალება არ არის რომ ეს მოვსაოთ და ჯერ-ჯერობით ეს აღმინისტრაციული წესი უნდა არსებობდეს. აქ კითხულობენ, — როდის იქნება მოსპობილი აღმინისტრაციული წესით დატუსაღება. მაშინ, პარლამენტის წევრო, როდესაც ამის საშუალებას მოგვეცემენ, მაშინ როდესაც მიანებებენ თავს ამ ავტაციას, მაშინ როდესაც დაგვანებებენ თავს, ნებას მოგვეცემენ აღმაშენებელი მუშაობა ვაწარმოოთ. მე პირდაპირ ვიტყვი, — იმათ, ვისაც შეკითხვა შემოაქვთ, ვისაც გულწრფელად უნდა, რომ წესიერება დამყარდეს, პიროვნების ხელუხლებლობის ერთგვარი გარანტია იყვეს მიცემული, იმან ხელი უნდა შეუწყოს არა ჩვენ სახელმწიფოს დამხობას, არა წყლის ამღვრევას, არამედ მთელი თავისი ძალღონით ხელი უნდა შეუწყოს, რომ განამტკიცოს ჩვენი დამოუკიდებელი საქართველო. მხოლოდ მაშინ მე პირველი და მთელი საქართველოს მთავრობა პირველი შემოიტანს იმ წესს, რომლითაც უზრუნველყოფილი უნდა იყვეს ყოველი მოქალაქის პიროვნება და როდესაც აღმინისტრაციული წესით დატუსაღება მოსპობილი იქნება. (მხურვალე ტაში, გარდა დაშნაკელებისა).

თავმჯდომარე: ვის ნებაეს სიტყვა? გნებავთ თუ არა განვაგრძოთ კრება? (ხმები: ვაეთაოთ ეს საკითხი). სიტყვა ეკუთვნის ნინიძეს.

კირილე ნინიძე (სოც. დემ.) ბატონებო, პარლამენტის წევრო! მე სავსებით ვეთანხმები შეკითხვის ავტორს, იმაში რომ ამ შეკითხვას დღემდის არ დაუკარგავს მნიშვნელობა.

თავის თავათ ცხადია, რომ ის საბუთი, რომელზედაც აშენებული იყო ეს



შეკითხვა დღეს, არ იყო სერიოზული საბუთი, არც პარლამენტმა ჩასთვალა ის ასეთათ და მისი სისწრაფე უარჰყო.

რასაკვირველია, ის ადამიანები, რომელნიც სისტემატიურათ არღვევდნენ ყოველგვარ კანონებს, არამც თუ ძველ კანონებს, არამედ თვით დემოკრატიულ კანონებს, ისინი რომელნიც აწარმოებდნენ რუსეთში დამრღვევ პოლიტიკას, ანგრევდნენ საზოგადოდ ყოველგვარ საზოგადოებას, და რომელთა მეოხებით სისხლში ამოისვარა მთელი დემოკრატია, დარომელიც აქაც განაგრძნობენ ასეთსავე მუშაობას,—თავის თავათ ცხადია, რომ ასეთი პირები სერიოზულად ვერ მოიმიზეზებდნენ ისეთ რამეს, როგორიც არის საქმელის მიუღებლობა, თავის თავად ცხადია, ის ერთგვარი თამაში იყო, და შეკითხვის ავტორნი ამის სერიოზულად ვერ სასთვლან. უმთავრესად ჩემის აზრით, ეს ყო დემონსტრაციის მოხდენა. ეს იყო პოლიტიკური დემონსტრაცია, რომლითაც ბატონ თარხანოვი და მისი მოაზრენი სცდილობდნენ ერთნაირი აგიტაცია გასწიონ თავის მიზნის მისაღწევად. ჰო, და, თუ ასე შევხედეთ საკითხს, და თუ მივიღებთ მხედველობაში იმას, რაც მოხდა ამ უკანასანელ დროს, უნდა ვიფიქროთ, რომ კვლავ ისმება, ის ორიენტაცია, რომელსაც ადგია ბ. თარხანოვი და მის თანამოაზრენი, რომ გზა იხსნება (ხმა: რუსეთში), რუსეთში, როგორც ისინი ჰფიქრობენ. ჰოდა, თუ ამას მივიღებთ მხედველობაში, თავისთავად ცხადია, რომ ამ შეკითხვას არ დაუქარგავს მნიშვნელობა, და ამ მხრივ სწორედ დღეს უნდა იყოს შემოტანილი.

მაგრამ მე დარწმუნებული ვარ, რომ 7 ბოლშევიკს რომ მეტებში სიმშვილი არ გამოეცხადებინათ, თარხანოვი და მისი თანამოაზრენი თავისი შეკითხვას სხვა მოსაზრებით და სხვა საბუთებით ააშენებდნენ და მაინც შემოიტანდნენ.

ფორმალურად იუსტიციის მინისტრმა უკვე გასცა პასუხი შეკითხვის ავტორს.

შეკითხვაში ხაზ გასმით იყო აღნიშნული კანონის დარღვევა, ალბად ის რომ დარღვეული არის კანონი, და დატუსაღებული არის, ეს თუ ის პირი, სასამართლოს განუსჯელად. მთავრობას დაურღვევია კანონი, და ეს დარღვევა ხდება შინაგან საქმეთა მინისტრის მიერ, და სწორედ იმიტომ სთხოვენ პარლამენტს, ყურადღება მიაქციოს ამ საქმეს.

აქ იუსტიციის მინისტრმა თქვენ გითხრათ, რომ არსებობს კანონი, 2 აგვისტოს კანონი, კერენსკის დროს გამოცემული, რომელიც საშუალებას აძლევს შინაგან საქმეთა მინისტრს, რომ მან ამ პირების წინააღმდეგ მიიღოს ზომები. თავის თავად ცხადია, თუ ჩვენმა პარლამენტმა მიიღო დროებითი ეს კანონები, რომელიც რუსეთში იყო გამოცემული, მართალია დღევანდელ შემკითხველისთვის არ არის სავალდებულო ჩვენი პარლამენტის მიერ მიღებული კანონები, მაგრამ მიუღებელია ის, რომ ამ შეკითხვით მიმართავენ ამ პარლამენტს ისეთი პირები, რომელიც ყოველ დღე არღვევენ პარლამენტის მიერ მიღებულ კანონებს, და დადგენილებას.

ზედმეტია, მე მგონია ამ მხრივ ლაპარაკი. რაც ითქვა ისეც საკმაო იყო მართო იმის დასამტკიცებლად, რომ ეს შეკითხვა არ არის წარმოდგენილი სერიოზულ ხასიათის მიზეზებით და ის არ არის შინაართული იმისადმი, რომ განამტკიცოს დემოკრატიული წესწყობილება, და პარლამენტის ტრადიცია. რამდენადაც ჩვენ ვცდით, ჯერ ჯერობით, პარლამენტში ანარქისტები არ შედიან და რამდენადაც ვიცით, ისინი, ვინც შედიან პარლამენტში სცნობენ პარლამენტს, პარლამენტარიზმს, და ყველა იმ კანონმდებლობას, რომელსაც პარლა-



შენტი ჰქმნის. მაგრამ, როდესაც ვიცით, რომ ბატ. თარხანოვი და მისი ზრენი სრულიადაც არ სცნობენ არა თუ პარლამენტს, არამედ არ სცნობენ საქართველოს დამოუკიდებლობას... (ვეშაპელი: მაშ რას აკეთებენ? გაბაშვილი: აქ რათ შემოიყვანეთ?).

ბატონო გაბაშვილო, ჩვენ რომ პარლამენტარიზმს არ ვიცავდეთ, თავის თავად ცხადია, თქვენც არ შემოგვიყვანდით. (სოციალ-დემოკრატების მხრით მზურვალე ტაში). ჰო და, მე მგონია, რომ როდესაც ისეთი მასალით აქ შემოდინან, ასეთი პიროვნებანი და ასეთი შეკითხვა შემოაქვთ,— მე მივცემ ნებას ჩემს თავს, და ვიტყვი: ეს არის ერთნაირი პოლიტიკური ავანტიურა, და სხვა არაფერი. (ვეშაპელი: აღრმავებენ რევოლიუციას). როდესაც ბატ. თარხანოვი და მისი თანამოაზრენი მიმართავენ სწორედ იმ პარლამენტს, რომლის კანონებს ისინი მუდამ ფებ ქვეშ სთელავენ (ქართ. ს.-რები: ტყუილია!), მე მგონია ეს არ უნდა იყოს დასაშვები.

რაც შეეხება შეკითხვას არსებითად, მე მგონია, რომ ბ. თარხანოვი და მისი თანამოაზრენი ეკუთვნიან ვერედ წოდებულ მემარცხენე ეს-ერებსო. (ხმაობა: ტყუილია! ხმა: მემარცხენეს!)

თავმჯდომარე. გთხოვთ უმოჩილესად ადგილიდან ნუ ლაპარაკობთ. ნუ უშლით ორატორს. (ხმაურობა!) უმოჩილესად გთხოვთ! კიდევ უმოჩილესად გთხოვთ ნუ უშლით! (ხმაურობა) კიდევ გთხოვთ.

კ. ნინიძე. მე არ ვიცი გულში რა უდევს ბ. თარხანოვს და იმის ფრთას, რომელიც მას გამოეყო და აქ იძახის— „ტყუილია“—ო მაგრამ მე ვიყარები და ვეხები იმ პროგრამას და დეკლარაციას, რომელსაც ვკითხულობ. თუ ეს პარტიას არ ეკუთვნის ყოველ შემთხვევაში ისინი თავს მემარცხენე ეს-ერებათ სთვლიან და მემარცხენე ესერები სწორედ არ გაუბიან კანონების დარღვევას და თვით მემარცხენენი იდგენ ტერორის ნიადაგზე. თავის თავად ცხადია, რომ პოლიტიკურ ბრძოლის დროს ტერორიც კი არის დასაშვები, ბ. თარხანოვო. ეს არის ბრძოლა და თუ ბ. თარხანოვს ჰგონია ესე და ამიტომ მისი თანამოაზრენი აფეთქებენ ქსანის ხიდს და ხელს გვიშლიან მუშაობაში, თუ იმათ ჰგონიათ, რომ ჩვენი მტრების აშკარად დახმარებით საშუალებას მისცემენ მათ, რომ დაანგრან ჩვენი დამოუკიდებელ სახელმწიფო და ამავე დროს მოითხოვენ, რომ რღაც ნიკოლოზის დროს განსაცემული კანონით ვიხელმძღვანელოთ და სასამართლოს გარეშე არ დავატყვევოთ ვინმე—ეს იმას ნიშნავს, რომ ისინი ჩვენ გულუბრყვილოდ გვთვლიან (ეროვნულ-დემოკრატების მხრივ: ტაში). არც ისეთი გულუბრყვილონი ვართ.

შეიძლება ბ. თარხანოვს და მის თანამოაზრეებს, სახეში ჰყავთ ისეთი პირები, რომელნიც წარმოადგენენ რაიმე ღირებულებას, ჩვენ საზოგადოებაში, როგორც პოლიტიკური პიროვნება, მაგრამ მე მგონია, რომ თუ გრძნობაზე იქნება საქმე, ბ. თარხანოვი ვერ გვასწავლის, როგორი გრძნობა უნდა ჰქონდეს ყოველ ამხანაგებს ბუღუ მდივანზე და სხვაზე. ჩვენ მათთან გვიმუშავნია და ეს ყველანი ჩვენი ამხანაგები იყვნენ ერთ დროს, მაგრამ ის, რასაც ისინი სჩადიან დღეს, მე მგონია, ვერ ჩაითვლება პოლიტიკურ მოღვაწეობად. მართალია, იმას არ ვაპყვებიან გურიის გლეხები და საზოგადოდ, მოწინავე მუშები არამედ განუვითარებელი ნაწილი ჩვენი საზოგადოებისა, მაგალითად, ჯავის ოსები და დუშეთის ოსები, რომლებიც მათის აზრით, წარმოადგენენ საუკეთესო ნიადაგს სოციალიზმის განსახორციელებლად. მე მგონია, ეს არის დიდი გაუგებრობა, რომლითაც პირადად ბ. ნდივანი სარგებლობს. აი ამ შემთხვევაში, მე მგონია, ჩვენ მეტის მეტად ჯენტლმენურად მოგვექცით, როდესაც



პატიოსან სიტყვაზე გავანთავისუფლეთ საშა გიგეჭკორი და სხვა ხელაღებული პირები, რომელნიც ამის და მიუხედავად შემდეგ ხელმძღვანელობდნენ ისეთ გამოსვლებს, რომლებსაც ადგილი ჰქონდა დღეშეთის მანრაში და სხვაგან. თუ ასეთ პირებს კერძოდ ვინმე შეიბრალებს, რასაკვირველია, ამის წინააღმდეგ არავინ არ იქნება, მაგრამ თუ კი ასეთი პირებიც ღირსნი არიან, ამ გვარ პოლიტიკურ გამოქომაგების,—ეს მე არ ვიცი. ამ შემთხვევაში, მე მაგონდება ერთი რუსული თქმულება, მაგონია ერთმა რუსის მწერალმა სთქვა, რომ „მითხარი ვისი მეგობარი ხარ შენ და მაშინ გეტყვი ვინ ხარო“ (ტაში). აი ასეთ მეგობრის გამოიშეურება უნდა თარხანოვს და მის თანამოაზრეებს. მე არ ვიცი, მართლა უნდათ ბ. თარხანოვს და მის თანამოაზრეებს ააშენონ ჩვენი სახელმწიფო და კანონიერება დაამყარონ აქ, თუ არა. მე არ ვიცი ეს, მხოლოდ ერთი კი მაგონია: რომ იმათ უნდათ უბრალო სკანდალი მოახდინონ. მაგრამ ჩვენი საზოგადოება და ჩვენი ხალხი იმდენად მომწიფებულია დღეს, რომ ამ სკანდალს არ მოახდენს; წაივდა ის დრო, როდესაც თარხანოვებიც სხვებიც ისეთ გამოსვლებს ახდენდნენ დღეშეთში და სხვაგან. გლეხი იქაც მიხვდა, რომ შეუძლებელია არა თუ სოციალიზმის მოწყობა, შეუძლებელია ამ გზით უბრალო ადამიანურ ცხოვრების მოპოვებაც კი.

ეს შეკითხვა თავის თავად დემონსტრაცია არის, მაგრამ დიდი მნიშვნელობა მას არ აქვს დღეს და მე ვფიქრობ, რომ კარგს იზამდა ბ. თარხანოვი, რომ მოეხსნა ეს შეკითხვა, როგორც ბ. ვეშაპელმა მოხსნა, (ვეშაპელი: თუ ვამაღიზიანებთ, კიდევ შემოვიტან) მაგრამ, რა კი არ მოხსნა, ჩვენ იძულებული გახლავართ, რომ გავცეთ პასუხი დღესვე.

იუსტიციის მინისტრი შალვა ალექსი-მესხიშვილი. პარლამენტის წევრო! ალბად პარლამენტის წევრის ბ. თარხანოვის ქართული ენის უცოდინარობით აიხსნება ის, რაც მან სთქვა. იმან სთქვა, რომ ჩვენ შეკითხვით იმითომ კი არ შემოვედით, რომ შეუძლებელია ადმინისტრაციული წესით დატუსაღებაო; მან აღნიშნა, რომ ეს შეიძლება დღევანდელ პირობებში, შეიძლება დემოკრატიულ წესწყობილების დროს ასეთი წესი მიღებულ იყვეს, მაგრამ ჩვენ გვსურს, რომ ეს ადმინისტრაციული წესით დატუსაღება ერთგვარ კალაპოტში იქნეს ჩაყენებულიო. თუ მიაქცევთ ყურადღებას, ამ შეკითხვის უკანასკნელ მუხლს, იქ თქვენ წაიკითხავთ: მინისტრმა რა ზომები მიიღო... (კითხულობს) მე არ ვიცი, რა ჰქონდა გულში ბატონ თარხანოვს, მაგრამ საქმე ასე არის, ხოლმე. მაგრამ ამისთანა ცუდი შედეგები შეიძლება პარლამენტის მუშაობაში, როცა შემკითხველმა სახელმწიფო ენა არ იცის. მას ხშირად ვერ გამოუთქვამს თავისი აზრი, შეიძლება მას არ უნდოდა ეთქვა ის, რაც სთქვა, ანდა სხვა რამის თქმა სურდა. მაგრამ მე ვისარგებლებ შეკითხვის ტექსტით და ამისდა მიხედვით გავცემ პასუხს.

აქ ისეთი შთაბეჭდილება იბადება, რომ თითქოს საქართველოს მთავრობა, საქართველოს პარლამენტი, რაღაც ადმინისტრაციული ამბოხების, ადმინისტრაციული თვითნებობის მომხრე იყოს და თარხანოვს სურს დაამყაროს ჩვენში წმინდა დემოკრატიული რესპუბლიკა. უნდა მოგახსენოთ, რომ დღეს საქართველოს დემოკრატიული მთავრობას ცდილობს, რაც შეიძლება მალე ჩააყენოს უფლებრივ კალაპოტში ჩვენი სახელმწიფოებრივი ცხოვრება, რაც შეიძლება ჩქარა განამტკიცოს ჩვენში ნამდვილი დემოკრატიული რესპუბლიკა, რომელსაც თუ ვერ ვერ მივაღწიეთ, ეს იმითომ, რომ ყოველ ნაბიჯზე ხელს უშლიან, და ეწევიან მის წინააღმდეგ საშინელ ავტორიტეტის სიტყვით და საქმით. ვიმეორებ მე, როცა ამისთანა პირები გვეუბნებიან—როდის მოსპობთ ადმინის-



ტრიატიულ წესით დატუსაღებასო, ჩვენ ვუპასუხებთ,—მაშინ, ბატონებო, როდესაც ამის საშუალება გვექნება, და როდესაც სრულიად აილაგებიან ისეთი პირები, რომელნიც ძირს უთხრიან ჩვენ ეროვნულ სახელმწიფოს, ჩვენს დემოკრატიულ რესპუბლიკას, და როდესაც ბატონი თარხანოვი გამოდის აქ და რიზით ლაპარაკობს,—ეს ხდება მხოლოდ იმიტომ, რომ დასცეს პრესტიჟი დემოკრატიულ მთავრობისა. აქ ბრძანებენ, რომ უწინ, თვითმპყრობელობის დროს იუსტიციის მინისტრს არ ჰქონდა იმდენი უფლება, რომ დაეტუსაღებინა კაცი, მისი სურვილისამებრ; ამისთვის იყო განსაკუთრებული, განსაზღვრული წესები და სხვა და სხვაო,—საქართველოს დემოკრატიული რესპუბლიკაში კი შინაგან საქმეთა მინისტრი უვადოთ, რამდენხანაც მას სურს, იმდენ ხანს ატუსაღებს სხვა და სხვა პირებსო.

ამაზედ უნდა მოგახსენოთ, რომ ბატონ თარხანოვს ჰგონია თითქოს ჩვენ დღეს ვცხოვრობთ ნორმალურ პირობებში, გვაქვს ჩამოყალიბებული უფლებრივი სახელმწიფო, წყნარი, მშვიდობიანი ცხოვრება, გამოკვეთილი წესწყობილება და არავითარი აღელვება არც შინ, არც გარედ,—ერთი სიტყვით, როგორც კონსტიტუციონალურ ქვეყნებშია. ასე არ შეიძლება მსჯელობა. უნდა დააყენოთ საკითხი,—შესაძლებელია თუ არა ადმინისტრაციულ წესით დატუსაღება? თქვენ არ უწევთ ანგარიშს რეალურ პირობებს, რომელშიაც ჩვენ გვიხდება ცხოვრება, რომელშიაც გვიხდება ჩვენ დემოკრატიულ რესპუბლიკის, ჩვენ ეროვნულ სახელმწიფოს აშენება. იმიტომ მოგახსენებ, რომ თვით კერენსკიმ და მისმა მთავრობამ, რომელმაც პირველადვე უარყო ადმინისტრაციული წესით დატუსაღება, ისინი აიძულა პოლიტიკურმა ცხოვრებამ მიეღო ისეთი ზომები, რომელნიც სცვლიან ორ აგვისტოს კანონს და სრულიად მართალია ბატონი თარხანოვი, როდესაც ლაპარაკობს, რომ როგორც შინაგან საქმეთა მინისტრს, ისე სამხედრო მინისტრს უფლება აქვთ მხოლოდ გამოარკვიონ ის წესი, რა წესიც უნდა მოხდეს მომავალში დატუსაღება. ამ კანონის მეორე მუხლში პირდაპირ სწერია: „მეცეს უფლება დააპატიმრონ ისეთი პირები ვისი მოქმედებაც მავნე არის სახელმწიფოს დაცვისთვის და რევოლიუციის მონაპოვართა შესანარჩუნებლად“. და მეორე მუხლში პირდაპირ არის ნათქვამი, რომ იმავე მინისტრებს ეძლევათ უფლება არამც თუ დააპატიმრონ ეს პირები, არამედ აიძულონ ძინი დასტოვონ რუსეთის სახელმწიფოს ტერიტორია და გადასახლონ სადაც სურთ. და თუ დაბრუნდნენ—მათ ისე მოეპყრენ, როგორც არის კანონში გამოცხადებული. აი თვით ეს კანონი, ხელმოწერილი კერენსკის მიერ და ცხოვრებაში შემოღებული. დიახ, ვინც პრაქტიკულად მოქმედობს, ვისაც უხდება ამისთანა ტალღების დროს დემოკრატიულ საქმეების გაძლოლა, ის არ დაერიდება ამისთანა ზომებს ასეთ შემთხვევებში.

მე მოგახსენებთ, რამ თუ გულწრფელათ გსურთ მსჯავრი დასდოთ საქართველოს მთავრობას, თქვენ მხოლოდ ერთ რამეში შეგიძლიანთ დასდოთ ბრალი. მხოლოდ იმაში, რომ საქართველოს მთავრობა ყოველთვის იყო ლმობიერი, მეტის მეტად ლმობიერი იმიტომ, რომ ლმობიერია თვით დემოკრატია, რომლის წარმომადგენელიც არის ეს მთავრობა. და ამას ყურადღება უნდა მივაქციოთ და როდესაც ასეთ მდგომარეობაში ვარდებიან, რომ ამ დემოკრატის ძირს გამოუთხრიან, მაშინ პირდაპირ დამნაშავე იქნება მთავრობა, თუ სასტიკ ზომებს არ მიიღებს და ძირიან ფესვიანად არ ამოაგდებს ამ ვაებატონებს. აი ეს არის პოზიცია, რომელზედაც დგას დღეს საქართველოს მთავრობა.

კიდევ ერთი უკანასკნელი სიტყვა. დრო იცვლება და მე მგონია დრო კი



არა ფსიქოლოგიაც იცვლება, მე მახსოვს, მგონია ამავე დარბაზში იყო, რადუნა
 საც დემოკრატიის წარმომადგენლები ბოლშევიკურ პროვოკაციურ გამოსვლის
 შემდეგ ლაპარაკობდნენ ამ დარბაზში საქართველოს დემოკრატიის ლიდერები.
 მართალია ბოლშევიკები ჩვენ საწინააღმდეგო პოლიტიკას ეწვევიან, მაგრამ კანონის
 გარეშე მათი გამოცხადება არ შეიძლება და ამიტომ ასეა თუ ისე ჯერ-
 ჯერობით მაინც ჩვენ შორის ურთიერთობა არ გაწყვეტილა და მეგობრული
 კავშირი უნდა შევინარჩუნოთ“.

და აი იმ მომენტში, როდესაც ესეთი ღრმა არ იყო ხაზი ჩვენსა და ბოლშევიკების
 შორის ბ. თარხანოვი, დღევანდელი შეკითხვის ავტორი თხოულობდა ამ სისხლით
 და მახვილით გაესწორებოდით ამ ბოლშევიკებს. ეს გახლდათ მაშინ, როდესაც
 საზღვარი ჩვენ და ბოლშევიკების შორის არ იყო დიდი და ღრმა, როდესაც
 ჩვენ მოვითხოვდით ლმობიერებას, მაგრამ ამავე ხალაში დღევანდელი
 შეკითხვის ავტორი კი სხვას მოითხოვდა, და იმეორებდა კერენსკის
 სიტყვებს ცეცხლისა და მახვილის შესახებ.

არ ვიცი, რუსეთის კანონდებლობის რომელ ტომში სწვრია სისხლით და
 მახვილით გასწორება, არ ვიცი რა კანონშია სწვრია, მაგრამ მაშინ, როდესაც
 საქართველოს მთავრობა ლმობიერი მთავრობა არის, ამას მე ხაზს უსვამ და
 წესიერების დასაცველად შემოიღო დროებითი წესწყობილება რამდენიმე ბოლშევიკების
 დასაქვრად, მაშინ აქ შემოაქვთ ისეთი შეკითხვა, თითქოს მთელი ქვეყანა
 დავანგრიეთ და აუარებელ ბოროტებას ჩავდივართ და ამით დემოკრატიულ
 წესწყობილებას ვარღვევთ. ეს არის, ბატონებო, თარხანოვის აზრი.

მე კიდევ ერთხელ გავიმეორებ:—საქართველოს მთავრობა ლმობიერი იყო,
 მაგრამ ლმობიერებას უნდა ჰქონდეს პოლიტიკაში საზღვარი და არავის არ
 მივცემთ ნებას თავის ნებაზე ითამაშონ. ბუ თუ ეხლა საჭიროება მოითხოვს
 სასტიკი ზომების მიღებას ეს მოხდება და ხდება სრული შეგნებით და ასეთი
 ზომები მომავალშიც მიღებული უნდა იქნეს. (ტაში)

თავმჯდომარე. სიტყვა ეკუთვნის თარხანოვს.

ნივ. თარხანოვი. (სიტყვა წარმოთქმულია რუსულად.)

ლეო შენგელაია. (ს.-რევ.) ბატონებო, ადმინისტრაციის მოქმედება არა
 ერთხელ ყოფილა მსჯელობის საგნად, როგორც პარლამენტში, ისე პრესაშიც.
 არა ერთხელ გამოუთქვამთ ის აზრი, რომ ჩვენში არსებული ადმინისტრაციული
 აპარატი არ არის დამაკმაყოფილებელი.

მართალია, ჩვენს ადმინისტრაციას ისე, როგორც მთელს ჩვენს რესპუბლიკას
 არსებობა და მოღვაწეობა უხდება მეტად მძიმე პირობებში.

დღეს ჩვენი ადმინისტრაციის ასრულებს არა მარტო თავის ჩვეულებრივ
 მოვალეობას—ე. ი. წესრიგის დაცვას. ის ებრძვის სპეკულიაციას, ის ებრძვის
 აგრეთვე ანარქიას.

კიდევ მეტი. ჩვენ ვიცით შემთხვევა, როდესაც ადმინისტრაცია მილიციისა
 და მისი კომისრების სახით ფრონტზე იბრძოდა.

მაგრამ მიუხედავად ყველა ამისა ჩვენ არ შეგვიძლიან არ აღვნიშნოთ ის
 მრავალი დეფექტები და შეცდომები, რომლებსაც ადგილი აქვს ჩვენს ადმინისტრაციულ
 მართვა-გამგეობაში. მწუხარებით უნდა აღვნიშნოთ, რომ ჩვენი ადმინისტრაცია
 ხშირად ძველი გზით მიდის. ადმინისტრაციის მრავალ აგენტებს ჯერ
 კიდევ ვერ შეუგნიათ თუ რა განსხვავებაა ძველ ბოქაულსა და ახალ
 კომისარს შორის. ბატონებო, დემოკრატია, ფართო მასსა პრაქტიკის ხალხია,
 ის ყოველთვის მხარს დაუჭერს იმ წესწყობილებას, იმ რეჟიმს, რომლის უპირატესობას
 თვით ცხოვრებაში დაინახავს.



აქედან აშკარაა, ჩვენ ჩვენი უანგარო მოღვაწეობით უნდა შევავსოთ ხალხს ახალი წესწყობილება. ეს კი შეუძლებელია ვიდრე ადმინისტრაციაში გამეფებული იქნება მექრთამეობა და თვითნებობა.

უფლებრივ სახელმწიფოში ბინისა და პიროვნების ხელშეუხებლობა ელემენტარული ცნებაა. მრავალ ადმინისტრატორთათვის კი ის მხოლოდ ლითონი სიტყვაა.

ეს ალბად იმითაც აიხსნება, რომ ჩვენს დღევანდელ ადმინისტრაციაში ვხედავთ ძველი პოლიციის მოღვაწეებსაც, რაც უსათუოდ სცემს მთავრობის პრესტიჟს.

სამსახური მეგობრობა არ არისო, ამბობს რუსული ანდაზა. სამწუხაროდ, ჩვენს ადმინისტრაციაში ეს ასე არ ესმით. ჩვენ ვიცით მაგალითი, როდესაც ადმინისტრატორმა უკანონო მოქმედების და უღირსი მოღვაწეობის შემდეგ წარმატებაც კი მიიღო! ადგილობრივი ადმინისტრაცია უფრო შორს მიდის. ის ხშირად სრულებით არ უწევს ანგარიშს ცენტრალურ მთავრობას აწარმოებს. ხშირად სოფლის თუ მაზრის კომისია თავის თავს დიქტატორად სოფლის ეს კი შეუწყნარებელია. შეიძლება ჩვენ კიდევ შეურიგდეთ დემოკრატიის რომელიმე დამსახურებული ბელადის დიქტატურას, მაგრამ შეუძლებელია შეგნებულ მოქალაქე შეურიგდეს კაჩუხოვებისა და თოლორდავების დიქტატურას... ჩვენი ფრაქციის აზრით საჭიროა ადმინისტრაციის სრული რეორგანიზაცია და კანტროლის გაძლიერება.

ჩვენ ვიცით მთავრობა ღებულობს ენერგიულ ზომებს ადმინისტრაციის გაჯანსაღებისათვის და ჩვენი სურვილია, რომ ეს მოხდეს რაც შეიძლება სასწრაფოდ.

შეკითხვა ეხება ჩვენებურ ბოლშევიკებს, რომლებმაც ციხეში სიმშვილთა გამოაცხადეს.

ჩვენ კარგად ვიცნობთ ბოლშევიკების მოღვაწეობას როგორც რუსეთში ისე ჩვენში და უნდა ვსთქვათ შემდეგი: თუ რუსეთში კიდევ ჰქონდა რაიმე აზრი მათ გამოსვლებს ჩვენში კი მათი გამოსვლები სრულიად უაზროა. რუსეთში მათ მხარს უჭერენ საბჭოები, იქ ისინი ებრძოდნენ ვერედ წოდებულ კოალიციონურ მთავრობას.

ჩვენში კი ბოლშევიკები ებრძვიან სოციალისტურ მთავრობას, ხოლო არც ერთი საბჭო მათ მხარს არ უჭერს. ბოლშევიკებმა კანონს გარეშე გამოაცხადეს სოც.-რევ. და სოც.-დემ. ისინი ათობით და ასობით ხვრეტენ საუკეთესო მებრძოლთ.

ასეთ ხალხს, ბატონებო, არა აქვთ ზნეობრივი უფლება ჩვენს მთავრობას სიმკაცრეში და უკანონო მოქმედებაში ბრალი დასდოს.

მაგრამ ყველა ეს მაინც არ იძლევა ზნეობრდესა და იურიდიულ უფლებას, რომ ჩვენც ასე მოვიქცეთ. სახელმწიფოებრივ საამშენებლო მუშაობაში ჩვენ არ ვბაძავთ ბოლშევიკებს, მით უმეტეს არ უნდა წავბაძოთ მათ ადმინისტრაციაში.

მთავრობა ვალდებულია, როგორც ბოლშევიკებს, ისე სხვა პატიმართ დაუყოვნებლივ ბრალდება წამოუყენოს და თუ ასეთი არ არის, ისინი დაუყოვნებლივ გაანთავისუფლოს...

ეს შეკითხვა საინტერესოა კიდევ ერთი მხრით. ეს შეკითხვა, თუ გნებავთ ერთგვარი დეკლარაცია არის, დიან დეკლარაცია, რადგან იმ ჯგუფს, რომელმაც ის შემოიტანა, ჩვენს პარლამენტში ჯერ არ გამოუთქმარაგებია თავისი პოლიტიკური ფიზიონომია.



ეს შეკითხვა ეკუთვნის იმ ჯგუფს, რომელიც თავს იყრის „ზნაშია დას“ გარშემო.

მე დავალბებოდა მაქვს განვაცხადო, რომ ეს ჯგუფი ჩვენში არის სრულიად უნიადაგო, ხოლო თვით პარლამენტში ის არის მხოლოდ შემთხვევითი.

ეს ჯგუფი ჩვენს წრეში ცნობილი იყო თვისი ზერელობითა და უპრინციპობით ამის საკმაო საბუთებიც არის. თქვენ, ალბათ, გახსოვთ ეს ჯგუფი ერთ დროს სასტიკათ ებრძოდა ეროვნულ საბჭოებს, დღეს კი თვითონ ეროვნულ საბჭოს წარმომადგენელი არიან.

იმ დროს, როდესაც რუსეთმა ოსმალეთთან ზავი შეჰკრა და მას ბათომი, ყარსი და არდავანი გადასცა, ესენი გვირჩევედნენ რუსეთთან კავშირს და ოსმალეთთან ომს, ესე იგი იმ გზას, რომელმაც ბაქო და მისი პროლეტარიატი საშინელ კატასტროფამდე მიიყვანა.

ამ ჯგუფს არ გაუწყვეტია კავშირი რუსეთის პარტიულ ცენტრთან, ხოლო იმ დროს, როდესაც რუსეთში სოციალისტ-რევოლუციონერები ხელი ხელ ჩაკიდებულნი იბრძვიან არამც თუ მენშევიკებთან, უბრალო პროგრესისტებთანაც კი, ესენი აქ თავისი მოღვაწეობის ალფა და ომეგათ სთვლიან სოციალისტურ მთავრობასთან ბრძოლას. მე არ ვიცი, შეიძლება ასეთი შეკითხვებით მათ სურთ ჩვენს დემოკრატიას რაიმე სამსახური გაუწიონ, მაგრამ ვფიქრობ, ის ჯგუფი, რომელმაც ჩვენი დემოკრატიის საშინელ განსაცდელის დროს თავისი იდეურ ამხანაგებთან საერთო ენა ვერ გამონახა, ჩვენი რესპუბლიკის საკეთილდღეოთ არ იმუშავენ (ტაში).

თავმჯდომარე. სიტყვა ეკუთვნის პარლამენტის წევრს კირილე ნინიძეს.

კირილე ნინიძე. (ს. დ.) ბატონებო! მე ბოდიშს ვიხდი, რომ მეორედ გამოვდივარ ამ ტრიბუნაზე. ბატონ თარხანოვის სიტყვამ ცოტა მაინც გაუგებრობა შეიოიტანა. ის ჩვენ გვაბრალდებს, ვითომ ჩვენ გაურბივართ ამ საკითხზე პირდაპირი პასუხის მიცემას. მაგრამ უნდა მოვახსენოთ, რომ მე ვერ გავიგე იმის შეკითხვა.

პირველი,— როგორც იუსტიციის მინისტრმა ეს ხაზგასმით აღნიშნა,— ამბობს, რომ უნდა მოისპოს სასამართლოს წესის გარეშე დატუსაღებაო. აქ ერთნაირი ლოდიკა არის. მე მგონია, რომ ისეთი ქვეყნები, როგორც არიან ინგლისი, მაგალითად იქ ასეთ რამეს ვერ ნახავთ, როცა ნორმალური წყობილება არის. იურისტები ყველა იმ აზრისა არიან, რომ მართლა სასამართლოს წესის გარეშე დატუსაღება არ არის დასაშვები. ეს ჩვენ ვიცით, მაგრამ მე მივმართავ ბ. თარხანოვს და მოვახსენებ, რომ ჩვენ ვიმყოფებით ბრძოლის პროცესში, ჩვენ გვებრძვიან ის ნაძირალები, რომელთაც უნდათ რევოლუციის მონაპოვარი ჩამოგვართვან. ამიტომ ამ დროს ვერ უარყვით იმ წესს, ხელს ვერ ავიღებთ იმ წესზედ, რომელსაც ეწოდება სასამართლოს გარეშე დატუსაღება.

მეორე სიტყვაში ბატონი თარხანოვი უფრო დაიბნა. ის ამბობდა, რომ მე არა ვარ წინააღმდეგი, რომ სასამართლოს გარეშე იყოს დატუსაღება: უნდა არსებობდეს დატუსაღება, მაგრამ უნდა არსებობდეს აგრეთვე სამართლიანობა, გამოძიება, რომ უბრალოთ, უსამართლოთ არავინ ჩავარდეს ციხეშიო. მე ძალიან ვწუხვარ, რომ იურისტი ასე ფიქრობს, ასე მსჯელობს სასამართლო წესის გარეშე დატუსაღებაზე. სწორეთ უსამართლოთ, სამართლიანობის გარეშე დატუსაღება არის მაშინ, როდესაც ვინმე მართლა სამართლიანათ არ იქნება



დატუსაღებული. სასამართლოს წესის გარანტიები სწორედ ამიტომ ამტკიცობს, რომ ვინმე არ იყოს უსამართლოთ დატუსაღებული. ამისთვის არსებობენ ნაფიცი-მსაჯულნი, აუარაბელი დამცველნი, შემდეგ მოწმენი, ჩვენების შემოწმება, შეკითხვაზე ჩვენება, გამოკვეყნება და სხვა. არსებობს ერთგვარი გარანტიები, რომ ვინმე უსამართლოთ არ იქნეს დასჯილი. მაგრამ რევოლიუციონურ ხანაში ჩვენ ვიცით, რომ ასეთ წესს თუ მივყევით, — ბევრი დამნაშავე დარჩება გამოუჩენელი და დაუსჯელი. იურიდიული დებულებანი სასამართლოს წესისა, მოითხოვენ, რომ უმჯობესია დამნაშავე იქნეს განთავისუფლებული, ვიდრე უდანაშაულო დასჯილი. ჩვენ რევოლიუციონურ ხანაში, პირიქით გადავებრუნეთ უკუღმართად და დავწერეთ: უმჯობესია იყოს დასჯული უდანაშაულო, ვიდრე დამნაშავე დადიოდეს თავისუფლად და არღვევდეს წესიერებას. ჩვენ სასჯელში ასეთი პრინციპიალური განსხვავება გვაქვს, აღმინისტრაციული წესით და სასამართლოს წესის შორის. მე მგონია იური-სტმა თარხანოვმა ეს უნდა იცოდეს. შესაძლებელია, რომ ხდებოდეს ბევრ უდანაშაულო პირების დასჯა, მაგრამ ეს დგება ბრძოლის პროცესში, ასალაგმავათ იმ პირებისა, რომელნიც არღვევენ რევოლიუციონურ წესიერებას. ეს უნდა დაიხსოვნოთ ბატონო თარხანოვო.

რაც შეეხება ბრალდების მეორე ნაწილს, თითქოს მე ცილის წამება ჩავიდინე, დავაბრალე ის, რაც არ უთქვამს თარხანოვს. ამაზე უნდა იცოდეს ბატონ თარხანოვმა, რომ ცილის წამება ეწოდება იმას, თუ თქვენ განზრახ ვისმეს დააბრალებთ კონკრეტულ დანაშაულობას. მე კი ძალიან შორს ვარ, რომ დამებრალებინა ქსნის ხიდის აფეთქება ბატონ-თარხანოვისა და მის ჯგუფისთვის.

იუსტიციის მინისტრმა განაცხადა, რომ ჩვენი მთავრობა ლმობიერია მაგრამ არც იმდენათ ლმობიერია, რომ თუ ბატონი თარხანოვი მაგალითად რამეში დამნაშავეა, ის თავისუფალი იყოს. თავის თავად ცხადია, მე ამას ვერ ვიტყოდი. მხოლოდ ვსთქვი, თუ რა განწყობილება აქვს იმ ჯგუფს, რომელმაც აქ შეკითხვა შემოიტანა იმ წრეებთან, მე შემიძლიან ხაზ გასმით აღენიშნო და კიდევ განვაცხადო ბატონ თარხანოვის საყურადღებოთ, რომ მის ჯგუფში ხშირად ხდება ასეთი გამოსვლები, რომ ორ არშინიანი ანშლაგები იწყება „ზნაია ნაროდა“-ში — „არიკა უშველეთ, საქართველოს მთავრობა ესე ექცევა ლტოლვილებს არ უშვებს, ხოცავსო და-სხვა. დღეს „ზნაია ნაროდა“ ამბობს, რომ ისეთი დრო დადგა, რომ რეპრესიები არ არის საჭიროო. რატომ? იმიტომ რომ ინგლისელები მოდიან ბათუმში. შეიძლება დაშნაკელები ცდილობენ, როგორც წინათ ვარანცოვ დაშკოვს ასიაშოვნებდნენ, ეხლა ინგლისელები ასიაშოვნონ. ამიტომ არის, რომ... (დავითხანოვი: ჩხენკელი ბერლინშია), ჩხენკელი რა შუაშია, მე მოგახსენეთ. „ზნაია ტრუდა“-ზე. და მე არ ვიცი, რა შუაშია ჩხენკელი.

ყველა კანონები, რომელნიც პარლამენტმა გამოსცა, და სხვათაშორის ყველა სამხედრო წესები, ეს რისთვის, გამოსცა იმისთვის, რომ დემოკრატიული წესწყობილება დაემყარებინა. მე ვამბობდი ამას და ეხლაც, ვამბობ რომ არავითარი სურვილი არ მქონია, ისეთი აბსურდი მეთქვა, რომ თარხანოვმა ეს ჩაიდინა შეთქი. ესე რომ ყოფილიყო, თავის თავად ცხადია, მას დაატუსაღებდნენ.

კიდევ ერთი რამ უნდა აღენიშნო. ბატონი თარხანოვი მეტად შორს მიდის, აღმინისტრაციულ წესის, დაგმობაში. მან სთქვა, კარჩიკიანზე, მაგრამ ჩვენ კარჩიკიანზე არ მოგახსენებთ; კარჩიკიანი კერძო პიროვნებაა, მაგრამ რა



საჭირო იყო იმის შექმნა, რომ ჩვენი მთავრობა, პირადათ ისე განუკითხვბო მოქმედობს, და უფრო შორს მიდის, ვიდრე ძველი მთავრობა. ეს არ ატუსაღებდა ადმინისტრაციულ წესით. ძალიან სამწუხაროა, რომ ბატონი თარხანოვი ციხეში არა მჯდარა. გამოცდილებით მაინც ეცოდინებოდა, რომ ეს ისე არ არის. მე ყოველ შემთხვევაში ეს ბრალდება, რომელსაც ის აყენებს არ მეტება და კატეგორიულად ვაცხადებ რომ ის იმისი გამოგონილია პირდაპირ. მე ის არ მითქვამს, და ვერც ვიტყვოდი, რომ პირადათ ის არის დამნაშავე: ასეთი ფაქტები საუბედუროდ არა გვაქვს, თორემ მე დღესაც წავიდოდი შინაგაა-საქმეთა მინისტრთან, და განვაცხადებდი, რომ თარხანოვი და მის ამხანაგები დაეტუსალებინათ. მე ეს საბუთი არა მაქვს. მე არ მცხვენიათ ამისი. ჩვენში ასეთი გამწვავებული მდგომარეობაა, იმდენი მტერი გვახვევია, არა ნამდვილი მტერი, არამედ სოციალისტურ სამოსელში გახვეული მტერი, რომელიც უფრო საშიშია. ასეთი მოქმედობისა მე არა მცხვენიათ. მე ვამბობ,—ასეთ არაფერს არ ვფიქრობდი და არც მიფიქრია. მე გადაჭრით ვამბობ, რომ მოქმედება, რომელსაც აწარმოებენ თარხანოვი და მისი ჯგუფი, მიმართულია აშკარად ჩვენ დამოუკიდებლობის წინააღმდეგ და ეს შეკითხვა სწორედ ამ ხასიათისა არის. აი ეს მინდოდა მე მეთქვა და სხვა არაფერი.

იოსებ შაჰვაჩიანი. (ე.-დ.) მე არ მინდოდა ლაპარაკი, მაგრამ ვინაიდან თარხანიანს ამ ტრიბუნაზე მოვლანდა. რომ ვითომ მე ადგილიდან ვუპასუხე, სინამდვილეთ გარდაუქცევ ამ სიზმარს.

ისეთი პასუხი ვასცეს თარხანიანს იუსტიტიის მინისტრმა და მარცხენა სექტორის წარმომადგენელმა ნინიძემ, რომ იმის შეკითხვიდან აღარაფერი დარჩა.

მიუხედავად ამისა თარხანიანცმა სადღესასწაულო მედიდურებით განაცხადა, რომ მასზედ ასეთმა პასუხმა არავითარი შთაბეჭდილება და გავლენა არ მოახდინა.

მეტად სამწუხაროა, რომ თარხანიანცზე ვერც გონების და ვერც ზნეობის საბუთები სრულებით ვერავითარ შთაბეჭდილებას და გავლენას ვერ ახდენენ.

მაგრამ, და გაეწყობა, ეს მისი საქმეა.

მხოლოდ აღსანიშნავი ის არის, რომ თარხანიანცი და მისი თანამოაზრენი ამხედრდებიან ხოლმე ჩვენი მთავრობის წინააღმდეგ როგორც კი ჩვენი მთავრობა ციხეში უკრავს ხოლმე თავს საქართველოს მტრებს. ასეთი ზომა მიაჩნიათ შეცდომათ დღესაც და გაჰყვირიან, რომ მთავრობამ დაარღვია კანონი, ვინაიდან ბოლშევიკები ადმინისტრაციული წესით იქმნენ დატუსაღებულნი და დღემდე მთავრობას არ წაუყენებია მათთვის სასამართლოს წესით არავითარი ბრალდებაო.

ბრალდება კი ნათლად არის წამოყენებული.

ამბოხება დღუშეთის, ამბოხება ჯაფის ხეობის, საჩხერის და ლეჩხუმის, ზიდების აფეთქება და მრავალი ორგანიზაციები, რომელნიც ყოველ ღონეს ხმარობენ, რომ დაამხონ საქართველოს თავისუფლება და ჩვენი რესპუბლიკის მთავრობა, (ადგილიდან: ოსმალებთან ვინ კრავდა ხელშეკრულებას?)

ი. მაქაჯარიანი: ეს თქვენ ჯერ ვორონცოვს, მერე ოსმალეთს კამაც კამაც უყრიდით ხელს ჩვენს წინააღმდეგ.

ყოველნაირი ასეთი მოლაპარტეობა და გამცემლობა ავალებს ჩვენს მთავრობას იხმაროს ყოველნაირი ზომა მოლაპარტეობის წინააღმდეგ. და ამ მხრივ ჩვენი მთავრობა ეხლა დგება ისეთ სიმალღეზე, რომ თარხანიანცების ასეთი შეკითხვები მას ვერც შესწვდებიან და ვერც ვერაფერს დააკლებენ.



ის გარემოება, რომ დღესვე სასამართლოს წესით მთავრობას არ წარუდგენია ბრალდება ზოგჯერ ბოლშევიკებისათვის, კიდევაც რომ ჩავთვალოთ შეცდომით, მაინც საგულისხმოა, რომ თარხანიანეები ყოველთვის ახმაურდებიან ხოლმე ასეთ შეცდომის საშეხლად და არასოდეს სიტყვასაც არ დასძრავენ ხოლმე მაშინ, როდესაც ჩვენნი მთავრობა მართლა შეცდომას სჩადის და არ ატუსაღებს და არ სჯის იმ მოლაღატეთ და საქართველოს გამცემელთ, რომელთაც ბლომად მოუყრიათ თავი „ორიზონში“, „აშხატაფორში“, და სხვა და სხვა „ზნაშიებში“ და ეწვეიან ყოველნაირ ავტორიტეტს და აღვირ ახსნილ პროვოკაციას საქართველოს რესპუბლიკის და მის მთავრობის წინააღმდეგ.

თარხანიანეი არ ცხრება. ტფილისის ქალაქის სამმართველოში ის ებრძვის ჩვენს მთავრობას და მის მფრინავ რაზმებს, რათა დაიცივას სპეკულიანტები, და აქ ებრძვის იმავე მთავრობას, რათა დაიცივას ბოლშევიკები, ის ბოლშევიკებო, რომელთაც თარხანიანეის პარტია—ესერები რუსეთში გამოაცხადეს კანონგარეშე.

ამისთანა თავის მოღვაწეობას თარხანიანი კრიტიკას უძახის.

ბ-ნო თარხანიანეცო! კრიტიკაც არის და კრიტიკაც. არის კრიტიკა ნაკარხანევი სიყვარულით, კრიტიკაც ამღშენებელი და არის კრიტიკაც მეორენაირი — კრიტიკა სიძულვილის გესლით აღსავსე, კრიტიკა გამხრწნელი და დამნგრეველი.

ასეთ გესლიან და საქართველოს მნგრეველ კრიტიკის ნებას ჩვენ არ მოგცემთ. (ტაში).

თავმჯდომარე. არის წინადადება შეგწყვიტოთ კრება (ხმები: მოესპოთ კამათი, შეგწყვიტოთ, გადავდოთ) მე წერილობითი მაქვს შემოტანილი ერთი წინადადება, რომ გადავდოთ კრება. კენჭს უყრი ამ წინადადებას. ვინ არის მომხრე, რომ კრება შეგწყვიტოთ? გთხოვთ ასწიოთ ხელი. ვინ არის წინააღმდეგი? კრება გრძელდება. სიტყვა ეკუთვნის პარლამენტის წევრს რეზილადეს.

გრაფილ რეზილადე (ს. ფ) ბატონებო, ამ შეკითხვის აზრი, ამ შეკითხვის მნიშვნელობა ჩემთვის თვალსაჩინოდ შეიქმნა მხოლოდ მას შემდეგ, რაც მოვისმინე მეორე სიტყვა შემკითხველისა. შემკითხველი საბჭოს წევრი თარხანიანის უყურებს საკითხს ამგვარად. თუ შეგიძლიან ბრალი დამდე, იხებთ დამდეთ ბრალი, მიმეცით სამართალში, სამართალს არ ვაფურბივარ, თუ არა და ხელს ნუ გაანძრევთო. აი ამ პასუხიდან გამოიჩვეა, ჩემის ფიქრით, ნამდვილი აზრი შეკითხვისა.

მე არ მეგულება არც მთავრობის შემადგენლობაში, არც პარლამენტის წევრთა შორის არც ერთი ისეთი პირი, რომელიც მსურველიც არ იყოს, რომ საქართველოში ისეთი მდგომარეობა შეიქმნას, რომელშიაც სრულიად არ ექნება ადგილი ადმინისტრაციულ წესით დატუსაღებას. ეს ჩვენი საერთო სურვილი არის, მაგრამ სურვილს, აზრებს ესაჭიროება შეიქმნას შესაფერი პირობები.

შეკითხვის აზრი ჩვენთვის მაშინ შეიქმნა თვალსაჩინოდ, როდესაც თარხანიანემა აქ მეორეთ აიღო სიტყვა. სწორედ ისე თუ დავაყენებთ საკითხს, როგორც თარხანიანე ამბობს, შეგვიძლიან ვსთქვათ, რომ რომ ვერასოდეს ვერ ველირსებით იმ დროს, როცა ჩვენში ადმინისტრაციული წესით დატუსაღება ადგილი არ ექნება. ვინ არის დამნაშავე? ვისი ბრალია, რომ დღეს მთავრობას უხდება ადმინისტრაციულ წესის მიმართუვ? ვისი ბრალია, განა ჩვენი პარლამენტისა? განა ჩვენი მთავრობისა?! სრულიადაც არა. ის სწორედ იმათი ბრალია, ვინც ძირს უთხრია სახელმწიფოს წესწყობილებას.

განა თარხანიანემა არ იცის, რომ ჩვენს ახლათ შექმნილ, ჯერ კიდევ აღმ-



შენებლობის პროცესში მყოფ საქართველოს შრავალი მტერი ჰყავს, ფარულიც და აშკარაც? ხომ იცის. განა ბატონ თარხანოვმა არ იცის, რომ შისი მოვალეობა საქართველოს რესპუბლიკის მტრები თითოთ გვიჩვენოს,—აი ეს არის მტერი. ეს დააშავა, ეს ჩაიღინა, ეს არის მტერი საქართველოს რესპუბლიკისა. ვისზეა დამოკიდებული, რომ მოისპოს ეს ანორმალური პირობები ჩვენ ცხოვრებაში? ვისზეა დამოკიდებული ვის შეუძლიან მოსპოს ეს მდგომარეობა? ალაგმოს ის ძალები, რომელიც მუშაობენ, რათა ძირი გამოუთხარონ საქართველოს თავისუფლებას? ვისზეა დამოკიდებული? თუ დამოკიდებულობა მხოლოდ მთავრობაზე, შეიძლება ბრალი მთავრობას დასდოთ, თუ დამოკიდებლობაა იმაზე, ვისი სახელითაც დღევანდელი შეკითხვა შემოტანილია, მაშინ ვამბობ, ბრალი მათ ედებათ. სამართალში კი არ უნდა მისცენ, არამედ პირდაპირ ადმინისტრაციულ წესით უნდა დაატუსაღონ აი, იმათ ედებათ, ვინც შეკითხვა შემოიტანეს.

თქვენ გაქვთ ხელში პრესა, თქვენ გაქვთ ხელმძღვანელობა ხალხისა, ხალხი თქვენ შემოგტყვერით, როდესაც იმისთანა მოქმედებას იცავთ, რომელიც მიმართულია საქართველოს არსებობის ძირის გამოსათხრელად, მაშინ თქვენ უფლება არ გაქვთ, რომ სთქვათ, რომ თქვენს ვარდა სხვა ვინმეა დამნაშავე. იმ განმარტებიდან, რომელიც მოვისმინე იუსტიციის მინისტრისაგან, დაინახავდით, რომ თქვენ შეკითხვას ექნებოდა რაიმე საფუძველი, რომ მთავრობას ფორმალურად დაერღვია რაიმე კანონი. თუ მთავრობას კანონის წესით ნება აქვს, რომ დატუსაღება მოახდინოს, თქვენ არ შეგიძლიან დაინახოთ რაიმე უკანონობა მთავრობის მოქმედებაში, რომ ასე ატუსაღებს. თუ თვით ეს წესები არ მოგწონთ, უნდა დააყენოთ საკითხი ესე,—რა არის ის მიზეზი, რომ მთავრობა ადმინისტრაციულ წესებს მიმართავს. შეიძლება მთავრობა არ არის იმის მიზეზი, იმის მიზეზი უნდა მოაწეროს ძალაუფლებურად იმ წრეებს, რომელთაც საშურო შეკითხვები შემოაქვთ. ჩვენ ღრმით გვწამს, რომ ჩვენს მთავრობას პოლიტიკა სწორედ აქვს აღებული. ჩვენ ამ მხრივ, სრულს ნდობას უცხადებთ მთავრობას. ჩვენ ვხედავთ, რომ მთავრობა თავის ადმინისტრაციულ აპარატს სწორედ ისე ამუშავებს, რომ იმას შეუძლიან ადმინისტრაციული ძალა გამოიყენოს დამოუკიდებლობის შესარჩენად, გამოიყენოს იმისთვის, რომ შეჭმენას ნორმალური პირობები ჩვენი ცხოვრებისა. და იმიტომ, მე ვფიქრობ, ამისთანა შეკითხვაზე შეიძლება პასუხი გავცეთ იმით, რომ უკან შესაბრუნებელი ბრალდება უნდა იკისრონ იმათ, ვინც ქმნის ასეთ ატმოსფერას ზ ვინც უარყოფს და ძირს უთხრის ჩვენს დამოუკიდებლობას.

თავმჯდომარე. წინადადება გახლავთ კამათი შეეწყვიტოთ. კენჭს უყრი ამ წინადადებას. კამათი შეწყვეტილია. (მიმართავს მდივანს) გთხოვთ წაიკითხოთ ფორმულა.

მდივანი. (კითხულობს).

სოც.-დემოკრ. ფრაქციის ფორმულა.

მოისმინა რა შეკითხვა პარლამენტის წევრების: თარხანოვისა და თუმანოვის და განმარტება მთავრობისა ამ შეკითხვაზე, პარლამენტი საესგებით კმაყოფილია ამ განმარტებით და გადადის მორიგ საკითხზე.

მეორე.



სოც.-რევოლუციონერ. ფრაქციის ფორმულა.

საქართველოს პარლამენტმა მოისმინა რა ლ. თუმანოვის და ნ. თარხანოვის შეკითხვა პატიმართა შიმშილობის და შინაგან საქმეთა მინისტრის მიერ სასამართლოს დაუკითხავად დატუსაღების შესახებ დაადგინა: 1) განთავისუფლებულ იქნეს ყველა ადმინისტრატიულ წესით დაპატიმრებულნი, ან და წაყენებულ იქნეს მათ დაუყოვნებლივ კონკრეტული ბრალდება და მიცემულ იქნან სამართალში. 2) მიენდოს იუსტიციის მინისტრს მთავრობის სხვა და სხვა ორგანიზაციების მიერ საჩქარო შემთხვევაში სასამართლოს დაუკითხავად დატუსაღების მოსაწესრიგებლად წესების შემუშავება და პარლამენტში შემოსატანად, და გადადის მორიგ საკითხზე.

თავმჯდომარე. ერთი ფორმულა არის სოციალ-დემოკრატებისა, მეორე ფორმულა ესერებისა. (გობეჩია: რომელი ფრაქციისა, მემარცხენისი თუ მემარჯვენისი?) პირველი რევოლუცია, რომელიც მოგახსენეთ, გახლავთ შემოტანილი შეკითხვის ავტორისაგან. (ნიკოლაძე: დასაწყისში ეს არ სწერია?) უკაცრავათ—მოგახსენებთ, ხელი არ აწერია ამ ესერების შეკითხვას. მე ძალიან თვალსაჩინოდ მიმაჩნია, რომ ის ფრაქცია, რომელმაც შემოიტანა არ შეეფერა იმ მეორე ფრაქციას, რომელიც არის. (ნიკოლაძე: სახელი ერთია. ვეშაპელი: მეტრიკა მოკითხეთ!) თუ ეს საეჭვოა, მე კიდევ ვიმეორებ, ვისგან გახლავთ შემოტანილი, ეს გახლავთ შემოტანილი იმისგან, ვინც მოაწერა ხელი ამ შეკითხვას, ესე იგი თარხანოვისაგან და მისი ჯგუფისაგან. კმარა ეს განმარტება თუ არა? რაშია ბატონებო საქმე. (მიმართავს გობეჩიას) თუ რამე საწინააღმდეგო გახლავთ, თუ გნებავთ სიტყვა აიღეთ. მობრძანდით, შენი ჭირიმე, მობრძანდით. თუ რეგლამენტის მუხლი იცით, რომელიმე მუხლის ძალით სიტყვა აიღეთ. მე მოგცემთ სიტყვას. სიტყვა ინებეთ. მე განმარტებას კიდევ ვიმეორებ. ბატონი თარხანოვი არ უარყოფს, რომ მისი და მისი ჯგუფის მიერ არის შემოტანილი ეს შეკითხვა თუმცა სახელწოდება ესერებისა ერთი არის. (იოსებ გობეჩია სიტყვას თხოულობს რევოლუციის შესახებ) რევოლუციის შესახებ სიტყვას ვერასოდეს ვერ მოგცემთ, რადგანაც რეგლამენტით არ გვაქვს ეს უფლება. კონკრეტულად, რომ რაიმე იყოს დიდი სიამოვნებით მოგცემთ სიტყვას. და რეგლამენტის დარღვევაზე ამ კათედრაზე მობრძანდით. კენჭს უყრი ამ ფორმულებს. პირველი გახლავს რევოლუცია, რომელიც შემოიტანეს სოციალ-დემოკრატებმა. ვინ არის მომხრე? ვინ არის წინააღმდეგი? წინააღმდეგი არის თარხანოვი. ეხლა მე კენჭს უყრი მეორეს, რომელიც შემოტანილია იმ პირთა მიერ, რომელიც არ უარყოფენ, რომელიც ამბობენ, რომ რევოლუცია მათ ეკუთვნის, თარხანოვის და მისი ჯგუფისა ვინ არის წინააღმდეგი? უარყოფილია.

აქ გახლავთ კიდევ ერთი შეკითხვა, შემოტანილი დავითხანიანის მიერ.

შეკითხვის ავტორი მოითხოვს, რომ უკან იქმნეს წაღებული. გთხოვთ წაიკითხოთ.

დავითხანიანის სიტყვის მოხსნა.

შდივანი (კითხულობს) **საქართველოს პარლამენტის პრეზიდიუმს.** რამდენიმე ჩემგანით დამოუკიდებელ საბუთების გამო გთხოვთ მოხსნათ ჩემი შეკითხვა შინაგან საქმეთა და სამხედრო მინისტრებისადმი საქართველოს რესპუბლიკის სამხედრო საიდუმლოების გამოქვეყნების საწინააღმდეგო ზომების შესახებ.

პარლამენტის წევრი დავითხანიანი.

თავმჯდომარე. რაკი წინააღმდეგი არაინ არის—შეკითხვის ავტორი ამ შეკითხვას უკან წაიღებს.

გთხოვთ წაიკითხოთ განცხადება.

შდივანი (კითხულობს) ს.-დ. ფრაქციის განცხადებას. ამით ვაუწყებთ პარლამენტის პრეზიდიუმს, რომ ნაცვლად ს. ელიაძისა იურიდიულ კომისიაში იგზავნება ი. ფირცხალაიშვილი.

თავმჯდომარე. ეხლა კრებას ვხურავ.

კრება იხურება 4 საათ. 45 წ.

